

उत्तराखण्डी भाषाओं की मासिक पत्रिका

कुमठा॑

वर्ष : 07

अंक : 2-3

जुलाई-अगस्त 2020

मूल्य रु. 25/-

उत्तराखण्ड की लोक भाषाओं के दर्शावेजीकरण का सामूहिक प्रयास



प्रभात कुमार उप्रेती

जन्म / मूल गाँव / शहर— 2 जून 1944, अल्मोड़ा।

इजा—बौज्यू— श्रीमती भगवती उप्रेती श्री के०एस० उप्रेती

घरवाई— श्रीमती रीता उप्रेती

चेलि— कात्यायनी उप्रेती (नवभारत टाइम्स में कार्यरत)

चल— परितोष उप्रेती (जयहरिखाल रा० महाविज्ञालय पौड़ी में प्रवक्ता)

शिक्षा— एम०ए० (राजनीति शास्त्र)

व्यवसाय— अध्यापन, सेवा निवृत प्रोफेसर—रा० स्नातकोत्तर महाविद्यालय, पिथौरागढ़।

शौक— पर्यटन, पढ़ना, पर्यावरण पर लेखन, सामाजिक कार्य।

प्रकाशित ग्रंथ—

1. हिन्दी में— शबंदर हासमी, आदमक कद, इन्सान जिन्दगी में कविता, उत्तराखण्ड की लोक एवं पर्यावरण गाथाएँ व पगलाए लोग आदि ग्रंथ, जिन्दगी में कविता, फागूदास की डायरी, सियासत ए उत्तराखण्ड।

2. कुमाऊनी में— पहरु, कुमगढ़ में प्रकाशित लेख, नवभारत टाइम्स में कुमाऊनी लेख, आकाशवाणी से कुमाऊनी में वार्ताए प्रसारित।

शौक— पर्यटन, पर्यावरण यात्राए, गॉव गॉव भ्रमण कर सामाजिक कार्य।

संप्रति— आनंदम्, विवेकविहार, गैस गोदाम रोड, कुसुमखेड़ा (हल्द्वानी) नैनी०

मो० — 9411333434



शम्भु प्रसाद भट्ट 'स्नेहिल'

जन्म तिथि— 21, आषाढ़, विक्रमी सं० 2018:

माता—पिता का नाम— स्व० श्रीमति सुभागा देवी भट्ट तथा स्व० श्री केशवानन्द भट्ट।

जन्म स्थान— ग्राम पोस्ट: भट्टवाड़ी, अगस्त्यमुनि, (रुद्रप्रयाग), उत्तराखण्ड।

संप्रति— श्रीनगर, (पौड़ी), उत्तराखण्ड।

रचनाकर्म— तीन पुस्तकें प्रकाशित तथा अन्तर्राष्ट्रीय, राष्ट्रीय, क्षेत्रीय स्तर पर शासकीय व गैरशासकीय संस्थाओं द्वारा प्रकाशित होने वाले समाचार पत्र—पत्रिकाओं, पुस्तकों, साहित्य संकलनों आदि आदि में निरंतर अनेकानेक आलेखों तथा रचनाओं का प्रकाशन जारी है।

प्रसार भारती दूरदर्शन में कवि सम्मेलन में प्रभावशाली प्रतिभागिता।

साहित्यिक व सांस्कृतिक यात्रा के तहत देश के विभिन्न प्रदेशों के अलावा देश के बाहर— बैंकाक (थाईलैंड), हांगकांग तथा मकाऊ विदेशी शहरों के भ्रमण करने का सुअवसर प्राप्त।

कार्यरत्त— साहित्यिक सामाजिक सेवाकार्य तथा कर्मकाण्ड—ज्योतिषीय एवं अधिवक्ता (वकालात) कार्यात्मकता कानूनी सलाह व सहयोग।

विधा— गद्यात्मकता पद्यात्मकता। समसामयिक समीक्षा, समालोचना, शोधपरक, धर्म व अध्यात्म तथा वन एवं पर्यावरण, तीर्थाटन व पर्यटन पर आधार आलेख एवं कविता।

सम्मानोपलब्धि— अंतर्राष्ट्रीय, राष्ट्रीय तथा क्षेत्रीय स्तर के साढ़े तीन दर्जन से भी कई अधिक सुप्रतिष्ठित सम्मानोपाधि एवं अलंकरण प्राप्त।

पत्र—व्यवहार का पता— शम्भु प्रसाद भट्ट 'स्नेहिल', स्नेहिल साहित्य सदन, निकट: आंचल दुग्ध डैरी, उफल्डा, श्रीनगर, 246174, (जिला—पौड़ी), उत्तराखण्ड, मो.नं. 9760370593.

डाक पंजीकरण सं० यू.ए./नैनीताल-275/2018-2020
साहित्यसेवा संस्कृतिसेवा समाजसेवा

उत्तराखण्डी भाषाओं की मासिक पत्रिका

कुमगढ़

वर्ष 7 अंक 3-4 जुलाई-अगस्त 2020

संस्कृत क मण्डल : डॉ. मदन चन्द्र भट्ट, शिवाराज सिंह रावत 'निःसंग', डॉ. जीवन सिंह मेहता, प्रो. एल.एस. बिष्ट 'बटरोही', ताराचन्द्र त्रिपाठी, ललित मोहन पाण्डे, दान सिंह रौतेला, कौमुख आनन्द पन्त, डॉ. सत्यानन्द बड़ौनी, डॉ. के.बी. मेलकानी, देवकी महारा, दमयन्ती उप्रेती, विमला जोशी 'विभा', अशोक पाण्डे 'जज फार्म' नरोत्तम पाण्डे, हरीश चन्द्र सिंह पांगती, श्रीमती हेमा पाठक (प्रवक्ता)

प्रामाण्यदाता मण्डल : डॉ. देव सिंह पोखरिया, डॉ. दिवा भट्ट, डॉ. शेर सिंह बिष्ट (विभागध्यक्ष), मथुरागढ़ मठपाल, डॉ. अचलानन्द जघोला, प्रो. उमा भट्ट, गिरीश चन्द्र जोशी, डॉ. शेखर पाठक, डॉ. कपिलेश भोज, विमल नेगी, डॉ. देवीदत्त दानी, गोविन्दबल्लभ बहुगुणा, जगमोहन सिंह जयाड़ा 'जिज्ञासा'

सलाहकार सम्पादक : गोपाल दत्त भट्ट, बीना बेंजवाल, श्याम सिंह कुटौला, विधिन जोशी 'कोमल', महावीर रवांदा, देवकीनंदन कांडपाल

सम्पादक : दामोदर जोशी 'देवांशु'

सह सम्पादक : रतन सिंह किरमोलिया, डॉ. उमेश चमोला, नवीन डिमरी 'बादल', डॉ. जे.सी. पन्त

सम्पादक मण्डल : नरेन्द्र कौरत, डॉ. मनोज उप्रेती, डॉ. प्रभा पन्त, डॉ. विधिन शाह, दीपक कार्की, पूरन चन्द्र काण्डपाल, नीता कुकरेती, डॉ. दीपा काण्डपाल, जगदीश जोशी, तारा पाठक, जगमोहन रौतेला, डॉ. दीपा गोबाड़ी, अनिल भोज, प्रो. चन्द्रकला रावत।

सहयोगी मण्डल : जुगल किशोर पेटशाली, डॉ. महेन्द्र महरा 'ममू', गिरीश सुन्दरियाल, जोत सिंह नेगी 'उत्तराखण्डी', डॉ. आशा रावत, दिवेश भट्ट, डॉ. गिरीश चन्द्र पन्त, गौरी शंकर निर्भीक।

सम्बन्ध सम्पादक : डॉ. जगत सिंह बिष्ट, डॉ. मधुबाला नवाल, नरेन्द्र सिंह नेगी, डॉ. विहारीलाल जलंधरी, नन्दकिशोर ढौड़ियाल, डॉ. उमा मैठाणी, मोहन राम टाट्टा 'मोहन कुमाऊँी', भीष्म कुकरेती, उदय किरोला, घनानन्द पाण्डे 'मेघ', डॉ. नंद किशोर हट्टाल, डॉ. सुरेन्द्र दत्त सेमल्टी।

प्रबन्ध सम्पादक : कृपाल सिंह शीला, विनायक जीवन चन्द्र जोशी, रामकृष्ण कोवारी, राजेन्द्र सिंह डेला, भोपाल सिंह बिष्ट 'कलयुगी', डॉ. ई.के. पांडे।

विधि परामर्शदाता : चन्द्रशेखर करगेती (एडवोकेट), दुष्यन्त मैनाली एडवोकेट

प्रसार व्यवस्थापक : मोहन जोशी (गरुड़), डॉ. प्रदीप उपाध्याय, नारायण सिंह बिष्ट 'नरेण दा', प्रकाश जोशी 'शूल'।

कला सम्पादक (आवरण सञ्जाज) : विजय काण्डपाल

प्रेटाणा - बी. मोहन नेगी (पौड़ी)

आवरण परिकल्पना - नितीश जोशी

पत्रिका साहित्य संस्कृति समाज सेवा हेतु समर्पित
(सभी अन्वेतनिक)

सदस्यता राशि

सदस्यता (संरक्षक)	-रु. 5000/-
आजीवन सदस्यता	-रु. 1000/-
विशेष सहयोग	-रु. 500/-
वार्षिक सहयोग	-रु. 200/-
एक प्रति	-रु. 25/-



अनुक्रमणिका

● सम्पादकीय	2	● शहीदो कोटि-कोटि प्रणाम— डॉ. गजेन्द्र	18
● वन्दना — एम.एन. लोहनी, त्रिभुवन गिरि	3	बटोही	
● उटपटाड सोच और नचार पुरहेत— जगदीश जोशी	6	● खुशी — उमेश चन्द्र जोशी	19
● लड़ै कठिण लड्ण मनखि — बीना बेंजवाल	7	● गीत — नन्दाबल्लभ पांडे	21
● बोल्धा बरखा — जगमोहन सिंह जयाड़ा 'जिज्ञासा'	7	● दोहा-चौपाई — शेर सिंह मेहता	21
● तुल हुँण पर— बचीराम श्रीकृष्ण पन्त	7	'कुमाऊँी'	
● काम अग्नि — बचीराम श्रीकृष्ण पन्त	7	● अच्छु हवै — डॉ. महावीर प्रसाद गैरोला	22
● स्वतंत्रता दिवस — अश्विनी गौड़	8	● बड़ो आनन्द ऊँची— बंशीधर पाठक	22
● देवभूमि — ताराचन्द्र त्रिपाठी	9	'जिज्ञासु'	
● गाँकि नरै — प्रो. शेर सिंह बिष्ट	10	● पढ़ाओ रे इस्कूला — कृपाल सिंह शीला	22
● अपण घौर — शम्भु प्रसाद भट्ट	11	● कुमाऊँी इंटरव्यू—राजेंद्र ढैला	23
● हरेला अशीस — कुलदीप उप्रेती, चम्पावत	11	● रत्ते क भुली ब्याल घर पूजनयी —	25
● सुन्दरकांड में बर्णित काथ— डॉ. मनोहर चन्द्र जोशी	12	ज्योतिर्मई पंत	
● कोरानाम चमत्कर — दामोदर जोशी 'देवांशु'	15	● बखता तेरि बलाई हैगे— प्रेमा गड़कोटी	26
● पलायन क् दंश, सावनी मन 'ओरै हैरे' —	16	● गीत — एम.एन. गोड़ 'चन्द्र'	26
● देवकी नंदन भट्ट 'मयंक'	16	● पच्छांण — डॉ. सत्यानन्द बड़ोही	27
● वाह रे दारू — जोत सिंह नेगी	16	● अरड़ कानि — शेखर जोशी	29
● कोरोना (कोविड-19) महामारि— डॉ. जगदीश चन्द्र जोशी	17	● सिमरन की संवेदना — अश्विनी गौड़	30
● अंत भल सब भल — रतन सिंह	18	● हमार गाँ में — नवीन जोशी 'नवेन्दु'	
किरमोलिया		● रिट दाणी — महेन्द्र मटियानी	32
प्रेटाणा		● कमाऊ स्यैणी — मो० अली अजनबी	32
प्रेटाणा		● धार मेंक दिन — नवीन जोशी 'नवेंदु'	33
प्रेटाणा		● न्योली गीत — एम.डी. अंडोला	34
प्रेटाणा		● न्हें गई — प्रभात उप्रेती	35
प्रेटाणा		● तपो उजालु — डा. उमेश चमोला	38
प्रेटाणा		● मिशाल — जोत सिंह नेगी 'उत्तरांचली'	38
प्रेटाणा		● पहाड़ि बोलींक व्याकरण 5. प्रत्यय	39
प्रेटाणा		प्रकरण — डॉ. भवानीदत्त काण्डपाल	
प्रेटाणा		● समाचार	40

स्वतंत्रता दिवस (15 अगस्त) कि सर्वे सुधी पाठकों कैं भौत-भौत बधाई।

प्रकाशक/पुस्तक/सम्पादक—दामोदर जोशी 'देवांशु' द्वारा हिमानी वाडमय सृजन पीठ की ओर से खेड़ा (हल्द्वानी) नैनीताल से प्रकाशित एवं ईशोस सर्विसेज, कालाहूँगी रोड, हल्द्वानी (नैनीताल) से मुद्रित। फोन : 05946-284292

सम्पादक — दामोदर जोशी 'देवांशु'

पत्र व्यवहार का पता - हिमानी वाडमय सृजन पीठ, पश्चिमी खेड़ा, पो० काठगोदाम (नैनीताल) - 263126
मोबाइल नं. - 9719247882, ईमेल- kumgarh@gmail.com

संपादकीय -



उत्तराखण्डेकि चंद राजाओंकि राजभाषा रई कुमाउनी और पवार राजाओंकि राजभाषा रई गढ़वालि कें हालांकि संविधानैकि अठूं अनुसूचि में शामिल करणैकि मांग संसद में करि हाली। यो द्वियै (गढ़वाली और कुमाउनी) हिंदीकि सहोदरी भै—बैणी जा हिंदीक अस्तित्व में ऊंण है पैली बै न केवल प्रचलित छी बल्कि राजभाषा तक रई छन। भाषाविद डा. तारा चंद्र त्रिपाठी ज्यू और इतिहासकार मदन चंद्र भट्ट ज्यूकि पुस्तक 'कुमाऊं की जागर कथायें' के अनुसार कुमाउनीक शाके 911 यानी सन् 989 और गढ़वालीक शाके 1377 यानी सन् 1455 तकाक दान पत्र मिलनी। अधिल कै 12वीं—13वीं शताब्दी बटी 18वीं शताब्दी तक चंद्र राजवंश और उनार पछिलैकि नानि—नानि ठकुराइयोंक दानपत्र व ताम्रपत्र कुमाउनी भाषा में ई लेखी मिलनी। वाई प्रो. शेर सिंह बिष्ट ज्यूकि पुस्तक 'कुमाउनी भाषा का उद्भव और विकास' में डा. महेश्वर प्रसाद जोशीक हवालैल बताई जैरौ कि सन् 1728 में रामभद्र त्रिपाठी ज्यूल संस्कृत में लेखी 'चाणक्य नीति' के कुमाउनी भाषा में गद्यानुवाद करौ, यानी तब बटी कुमाउनी में साहित्य लेखणैकि शुरुआत है गेछी। दगड़े यो लै बताई जैरौ कि चंद्र राजाओं द्वारा कुमाउनी कें राजभाषाक रूप में अपर्णाई गो।

यैक अलावा 13वीं शताब्दी में सहारनपुर बटी हिमांचल तक फैली गढ़वाल राज्यक राजकाज गढ़वाली भाषा में ही हुंची। देवप्रयाग मंदिर में मिली महाराजा जगतपालाक सन तेर सौ पैंतीसक दानपात्र पारि लेखी, देवलगढ़ में अजयपालाक 15वीं शताब्दीक लेख व बदरीनाथ एवं मालद्यूल आदि अनेक स्थानों में मिली ताम्रपत्रों पर उत्कीर्ण लेखोंक अनुसार गढ़वाली भाषाक देशेकि प्राचीनतम भाषाओं में बटी एक हुंणाक प्रमाण लै मिलनी। वाई डा. हरिदत्त भट्ट 'शैलेश' ज्यूक अनुसार तो गढ़वाली भाषा में 10वीं शताब्दीक साहित्य लै मितूं।

पर यो दुर्भाग्य छू कि आज लै यो भाषा, भाषा नैं बोलि'ई कई जानीं। और कई लै किलै नि जाओ, यो भाषाओंक बुलांणी तो छोड़ो, इनार रचनाकार, स्वनामधन्य झंडाबरदार लै आजि यों भाषाओं में परिनिष्ठित भाषा नैं, बल्कि इनैरि उपभाषाओं में ई 'अल्झी' रई। उं आपंण इलाकैकि स्थानीय उप भाषाओंक मोह न छोड़ि सकनाय। सांचि बात यो लै छू कि आज जब कुमाउनी—गढ़वाली में भरपूर लेखी जांणो, गीत गाई जाणई, वीडियो—फिल्म बण्णणई। आधुनिक दौर में यो भाषाओंक दर्जनों फेसबुक—हवाट्सएप ग्रुप, यूट्यूब चैनल लै चलणई, और इन भाषाओं में यूट्यूब चैनल चलूणियोंक लाखों सबस्क्राइबर लै है गई। यानी यो भाषाओं में भौत काम हूंणौ, लोग यों भाषाओंक बल पारि कमाइ लै करण फै गई, पर सबूं है तुल जो काम करणैकि जरुरत छू उ नि हुण्य। उ काम छू यो भाषाओंक मानकीकरण करणंक। किलैकि जब यो भाषाओंक मानकीकरण हवल, तबै यो भाषाओंक स्तर मिलि सकौल। तबै इनूंकैं संविधानैकि अठूं अनुसूचि में शामिल करणक बाट लै खुलल।

याद धरण पड़ल कि हिंदी लै तबै भाषाक रूप में स्थापित है सकी, जब वीक साहित्यकारोंल वीक खड़ी बोली, अवधी, ब्रज, देसी, अपभ्रंश, प्राकृत और हिंदुस्तानी हिंदी जास अनेकानेक रूपों कें छोड़ि बेर एक मानक रूप कें स्वीकार करौ। यसै एकजुट प्रयास कुमाउनी और गढ़वाली भाषाओं में लै करी जांणैकि जरवत छू।

यै संबन्ध में सुप्रसिद्ध भाषाविद डॉ० के०डी० रुवाली ज्यूक विचार कतुक सटीक और प्रेरणादाई छन कि— कोई लै भाषा कैं कठोर नियमन में बादि बेर धरण संभव न्हैं और न कोई भाषा प्रयोगशाला में तैयार करी जैं। सारि बात प्रयोग पर आधारित छु साहित्यकार लोग जो एक मानक प्रयोग कैं व्यवहार में ल्याल भविष्य में एक दिन वी प्रयोग मानक कई जाल। हाड़ फाड़ जस उपबोलिनक शब्दनक सहयोग जरुर लिंण पड़ल ताकि लोगभाषाक शब्द भंडार समृद्ध है सकल। कुमगढ़ पत्रिका उत्तराखण्डी भाषाओं के दस्तावेजीकरण सामूहिक प्रयास क दगाड़ उपबोलिनक मोह—त्याग बेर स्तरीय व सर्वस्वीकार्य मानक भाषा में लेखणक आहवान करैं। व्यक्तिगत संकलनै हौत और भै। भविष्य में कम से कम सामूहिक संकलन मानक भाषाक प्रतिनिधि रूप में पाठकोंक सामणि ल्यूणक प्रयास करी जाण चैं।

पाठकों से विनम्र निवेदन

कुमगढ़ विषम आर्थिक परिस्थितियों से गुजर रहा है। कई माह से 'कुमगढ़' प्रकाशन का व्यय भार स्वयं ही उठाना पड़ रहा है। आपको यह पूर्व से ही ज्ञात है कि पाठकों व शुभचिन्तकों के अपार स्नेह एवं आर्थिक सहयोग से 'कुमगढ़' छः वर्षीय साहित्य सेवा में सफलता के शिखर को चूम रहा है।

कुमगढ़ की वार्षिक सहयोग राशि 200 रुपये एवं आजीवन सहायोग राशि 1000 रुपये मात्र है। पाठकगण विशेष सहयोग एवं संरक्षक सदस्यता ग्रहण करके भी साहित्य के इस यज्ञ में अपना योगदान दे सकते हैं। सहयोग राशि 'कुमगढ़' पत्रिका के IDBI सेविंग बैंक खाता सं. 1208102000011151 IFSC : IBKL0001208 MICR 263259003 में जमा की जा सकती है। यह पत्रिका पाठकों की है, जो लोक भाषाओं के संरक्षण एवं संवर्द्धन के लिए निःस्वार्थ भाव से काम कर रही है। इसमें पाठकों की रचनाओं का हमेशा स्वागत है। कृपया रचनाएँ MS-WORD की फाइल में Krutidev-10 फॉन्ट में टाइप करके ही हमारे E-MAIL- kumgarh@gmail.com पर भेजने का कष्ट करें।

—धन्यवाद !

संपादक

वन्दना



—माधवानन्द लोहनी, हल्द्वानी

हंस वाहिनी, हंस हृदय दे,
समुन्नत कर दे बुद्धि विवेक,
भलाभाल शब्द ल्यखण कि मति दे,
हंस क जस दे सम्यक ज्ञान,
मां शारदे ! कोटि प्रणाम ॥

कमलासनी, कमल जस मन दे,
स्वच्छ प्रफुलित तन—मन कर दे।
जगत पंक वै वैराग्य दिलै दे,
भरि दे मुख में मृदु मुस्कान ।
ज्ञान दायिनी, कोटि प्रणाम ॥
बीणा वादिनी ! वीणा जस स्वर दे,
हृदय तंत्र कें झंकृत कर दे,
मानवता क भाव हमन में भरि दे,
साहित्य सरिता बगै दे तमाम,
विद्या देवी ! कोटि प्रणाम ॥

काव्य रस बगते जावौ,
काव्य पीयूश जन—जन पीवौ,
हर प्राणी क मन हर्शवौ,
कर काव्य अमृत क पान,
ममतामयी कोटि प्रणाम ॥
त्यार खुटां में अर्पित तन—मन
बणै दे मां ! स्यर जीवन कें चन्दन,
हर लहै हर अज्ञानी क क्रन्दन,
दि दे प्रेम सुधा अनुदान
श्वेताम्बरी मां ! कोटि प्रणाम ॥



—त्रिभुवन गिरि, हुक्का क्लब, अल्मोड़ा

ऑखरों की फूलपाती, ऑखरों की धूप बाती ।
ऑखरों की सतलड़ी, हम तिहणी लै रयूँ ॥
ऑखरों में तेरो नाम, ऑखरों में तेरो धाम ।
ऑखर फोकी दे सुण ! थान तेरा ऐ रयूँ ॥
आसन सुकिलो तेरो, वाहन सुकिलो तेरो ।
सुकिलो ऑचल तेरो, वीका स्योल भै रयूँ ॥
हमछाँ पोथिला त्यारा, त्वीलै दिखा भल बाटा ।
आजि लै दिखाली कै मॉ, आश हम लै रयूँ ॥
बरमा, बिश्नु अर महेश, रिद्धि—सिद्धि अर गणेश ।
पुजा पाठ करनी इजी, हम कुमति लै लै रयूँ ॥
ऑखरों नौ लखा हार, हमू कैं दि दिये भागी ।
अन्यारों को जाव ओ ई, काटली कै चै रयूँ ॥
हम छौं अपस माता, कुमति नसाई दिये ।
मांजी दैण हई जाये, तेरी देई भै रयूँ ॥
ऑखरों की भेट औ पखोव हम दिनू तुकै ।
अज्ञानी छौं ज्ञान दिये, मनै झोली लै रयूँ ॥
बिणाई सुणै दे माई, मनक अज्ञान भाजो ।
अज्ञाना का भवा पार, पुजाली कै ऐ रयूँ ॥
के ल्यै सकैं यो कंगाली, के बॉचलैं यो बैचाली ।
छिमा करि दिये अम्बे, खाली हाथ लै रयूँ ॥

उटपटाड़ सोच और नवार पुरहेत

—जगदीश जोशी, हल्द्वानी

कभैं—कभैं मैं बड़ उटपटाड़ सोचण लागुं। जैक जड़—टुक, फाड़—पात, सीड़—पुछड़— के लै नि हुन। उ दिन लै मैं यस्सै करण लाग्यूं। एक बर्यात में बरेति जाण है पैलि मैं सोचण लाग्यूं— जो बर्यात में मैं जाणयूं वांक चेलि वावना क पुरहेत और आपण पुरहेत कैं एककै त् न्हैंतन। जब कि उभत तक मैं कैं यो लै पत्त नि छि कि बर्यात कां जाणै। गौं मैं जाणै या शहर मैं जाणै।

उ दिन एक बाजि तक त इस्कूलै मैं रिडी रयुं। घर पुजण तक डेढ़ बाजि गो न्होल। आपण हाथूंल खाणु बणै, खै—पि कमर सिदि करुंल, झिटघड़ि लधरुंल कूनै रै छ्यूं— पत्त नै श्रीमती ज्यू नौ मामौ च्यल नवीन कां बै ऐ धमकौ। ऊन—ऊनै कूंण लागौ, ‘हिटौ बर्यात में। हम दन्यां बजार मैं गाड़ि ठाड़ि करि ऐ रयां। सबै जाणी तुमन कैं जागि रई।’

‘कांकि बर्यात? कैक ब्या’, मैल पुछौ।

“कैलाश दा भैक ब्या छ, के तुमन कैं काड नि मिलौ?”

“ना” मैं ल कौ।

कैलाश, श्रीमती ज्यूनौ कैंजौ च्यल भै। वी ब्या मैं जाई भयूं। दुल सावा ब्या मैं जाई भयूं। नान सावा ब्या मैं नि जान्यू आफत है जानि। खुदा की खुदाई एक तरफ, जोरों का भाई एक तरफ। जाण हुँ मन और आड मैं उज कत्तई नि छि। तवियत लै ठीक नि भै। सर्दि—जुकामा मारि औरि हई भै। मैं ल बहान करौ, “इस्कूल मैं इन्त्यान चलि रई। छुट्टि लै मिलै छ् नि मिलनि। किलै कि लगन—पात हुणा वील और लोग लै छुट्टि जै रई। इन्त्यानों मैं कम्र मैं ठाड़ हुणा लिजी लै की मास्टर चैनी।” हमार पिन्सपुल सैप भैर बै ठाड़ है कनसुणा लागी भै। कूंण लागि, “भोव, छन्जरै छुट्टि लिंह लियो। यांकि चिंता नि करौ। हम सब लागि—पड़ि यांकि फेडि ल्हयूंल”। आब बहान करण क के फैद छि नै। कोतवाल जब सईयां मोरे, तब काहे का डर है लाला? हमार पिन्सपुल सैप सावाक काख लै कोतवाल बणि बेर ठाड़ है गाय।

खिसान, लुकुड़ बदेइ उनार दगै बजार मैं पुज्यूं। देखण जानै कैलाश बुलै गोय, “फटाफट जीप मैं बैठौ, देर हुणै।”

“पैलि यो त् बता, बर्यात जाण कां रै?” मैं ल पुछौ।

इति नैनताल जिल्ला, दुकाने इन्टर कालेजा नजीक सिमराड़ गौं मैं।” वील बता और म्यार लिजि आधिल बै एक सीट खालि करै मैं कैं बैठै दे। बर्यात मैं आब जाणै छि। बांकि मैं ल के नि पुछ। अल्माड़ करबला पार करण जाणै साड़ि छै है गो छी। रुड़ि दिन छि। दिन आइ ओछै नि रौ छि। आँखन मैं त्यूर लागनौ छि। डराइबर कैं लै बार—बार आपण हाथ कपाव मैं धरि जीप चलूंण पड़नै छि। क्वारब पू बै सबै गाड़ि, मौना—ल्वेसाल उज्याणि मुड़ि गे। ल्वेसाल पुजण तक भलिकै अन्यार है गे। नथुवाखाना आस—पास तक सड़क पककी छी। भैरा अन्यारपट मैं जीप पत्त नै कां बै दैण हाथ उज्याणि, तलि हुँ कच्ची सड़क मैं मुड़ि गे। ख्वारा बाव और लुकुड़ सब माटै ल सानीण फै गे। आँख—कान, नाख—मुख— सब माटैल भरी गे। भयंकर खांसि शुरू है गे। जो म्हैणेक तक हुनी रै। हजारेक रुपैंकि धौव लागि, तब छुटि। ऐन्टिवायोटिका जाणि कतुक सुझ लगूंण पड़ि।

राता दस बाजि गे। बर्यात ल आइ कतुक जाण छ, के पत्त नि भै। “जाणि आइ कतुक टाड़ जाण छ? कमर सिदि करण हुँ लै ठौर मिलै या नि मिलनि?” एक बरेतियैल पुछौ। म्यार उटपटाड़ सोचन कैं फिर खुराक मिलि पड़ि। “फिकर नि करौ। तुमार दगाड़ एक मास्टर छ्। मास्टर कैं क्वे फाडुड़ पकड़ि नरक मैं लै चोटयै देलौ— वां लै वीक पढ़ाई, वीक पछ्याणौ— क्वे नै क्वे जरुड़ मिलि जाल।” मैं ल बता तब तक और गाड़िन दगै हमरि जीप लै रुकि गे। इति एक चहा—पाणिकि दुकान छी। ब्योलि वावना तरफ बै बरेतिनौ चाहा—पाणि क इन्तजाम यैं करी भै।

खड़्यार पड़ि सड़क मैं जीपा धांकूं ल हॉट—भॉट दुखन है गो छी। माटा थुपुड़ झाड़ि, मुख—हाथ ध्वे, चहा—पाणि पि— जरा तराण जौ आ। घड़िल राता इग्यार बजै हैल छि। करीब एक कीलोमीटर सव क जंगल छि। तब ऐं छि ब्या—कुड़ि। ग्यस—उज्याव मैं सबै बरेति एक—एक कबेर बाट लागी। बाट यतुक असाडुड़ छि कि द्वि जाणी दगड़े नि हिटि सक छि। उ मैं लै तिख हुलार। मैं और म्यार दगड़ि (तीन और बरेति) सबन है आधिल छियां। ब्या—कुड़ि लै भलिकै देखीण फैगे छि। हमूंल उज्याव देखूंणी थैं कौ, “हमन कैं घरै तक छोड़ि दियो। हम वां पुजि, बर्यात पुजण जानै भै



रुंल। तुम लौटण चाला, लौटि अया। और बरेतीना लिजि बाट देख्यंण हुँ एक ग्यस सकर है जाल। वील उसै करौ। हम पुजि बेर पड़ौसा कै एक खाव में भिणि मै भै गयां।

झिटघड़ि में पुरि बर्यात पुजि गे। बर और ब्योलि भै कि छात नै अदेइ-बदेइ हुनै। बरेती नाचौ। दगाड़ में क्वे-क्वे घरेति लै। इतु कै मैं मेरि नजर धुलैर्ग हुणि चौकि उज्याणि पड़ी। वां बैठी भै निशिणी त्याड़ि ज्यू। उनूल लै मैं कैं देखि हैल छि। आपण जागि बै उठि, म्यार पास ऊन-ऊनै पुछण लाग, “तुम यां कसी?

“मैं ल लै उनारै कई आंखरन में पुछौ, “तुम यां कसी?”

“यो हमार पुस्तैनी जजमान भै, जसिक तुम।” उनूल बता। म्यार नामकन उनार बाज्यू ल कराई भै, व्या-दाज्यू ल। दाज्यू उनार आब हल्द्वाणि में जजमानी करनी। पराइमरी में मास्टरी लै कर छि। आब रिटैर है गी। उनार चारि उनार कत्तुक जजमान लै आब हल्द्वाणि बस गयी। उनूल हल्द्वाणि कि जजमानी समाई राखी और उनार भै ल पहाड़ै।

बरेतीन कैं खाण खाणै धात लागी। सबै बरेती एक गोल घ्यर में, एक खाव में दरि बिछै बैठाई गे। सबना आधिल बै एक-एक माऊ पातनौ पत्तल और एक-एक गिलास धरी गे। क्वे घरेतिय ल गिलास में पाणि भरि दे और कै लै साग बांटि दे। इसी कै उ रस्यो में जे लै बणी भै उ बरेतिन कैं पसकी गे। खै-पि बेर सबै बरेति डकार लिहण लागी। हम चार जाणि लै खवा भिणि मैं भै गयां। एतुकै मैं एक अठार-उनीस सालौ लौंड म्यार पास आ।

“नमस्कार सर”

“मैं लै दन्यां मैं पढुं”

“मैं नि सोचन्यू मैं तुमन कैं पढूं और नै फामै उणै मैल कभैं, कैं तुमन कैं पढ़ा न्होल।”

“नै-नै मैं दन्यां बै आइ.टी.आइ. करनयूं। तुम इण्टर कालेज मैं पढूं छा।”

“घरेति छा या बरेति?”

“मैं ब्योलि काकौ च्यल भयूं।” जरा देर रुकि हाथ जोड़ि कूण लागौ, “म्यार लैक के सेवा होलि बतया।”

“चार जाणिन क लधरणक इन्तजाम है सकनौ भल हुन। हाँट-भाँट दुखन हैरी।” मैं ल उ कैं बता।

“मैं अल्लै ऊं। तब तक तुम इति कैं भै रया। कैं इथकै-उथकै झन जया।” कून-कूनै उ ल्हैगो। “थ्वाड़ देर मैं उ लौटि बेर कूण लागौ, “हिटौ, मैं ल चार जाणि नक

सितणौ इन्तजाम आपण घरा चाख मैं करि है लौ।” काण कैं के चैनी द्वि आँख साण। चाख मैं जो लधरां त राति उज्याव हुण परि आँख खुलि। पत्त चलौ? मैं कस उटपटाड़ सोचुं?

(2)

टाड़े बर्यात छि। यै वील बरेतीन कैं नास्ता-पाणी जागि तिर दाल-भात खिलाई गे। खै-पि सबै बरेति भिणि मैं बैठी भै। टिक-पिठ्यां इंतजाम हुनै। बैण्ड-बाज वाल लै ऐ गो छि। मशक बीन बाजण लागी। एक उन्नीस-बीस साल क दुबव-पतव लौंड नाचण मैं आपण आड़ कैं सरकसा नट ना चारि मरोड़नै। जाणि कौ लौ पेट पीड़ ल फुराड़ि रौ न्होल। खुटन वीक पुराण हवाई चप्पल और झपरु जा ख्वरा बाव भै। जाणि कतुक म्हैण बै नि कटाई भै। मैं ल एक घरेति थैं पुछौ, “त लौंड को छ?” वील बता निशिणी कै छ। मैं ल सोचौ—मैं यां यो सब अजमत काव देखण-सुणनै हुँ ऐ रयूं! जब बैंड-बाज बजूनेर जरा थिर-थाम भई मैं ल उ लौंड थैं पुछौ, “तुम निशिणि कै क भौ भया?” “गिरधर त्याड़ि ज्यू क”, वील बता।

आब त मेरि रणी नैकि बारि छि। गिरधर त्याड़ि ज्यून कैं त मैं भली कै पछ्याण छ्यूं। उ एकलै कर्मकांडी पंडितै नि छि। भाल ज्योतिश और विद्वान लै छि। म्यार बाबू दगै उनरि भलि दोस्ती लै छी। पुर गाँ क पुरोहित हुणा वील गाँ मैं उनर कैं लै क्वे काम किलै नि हौ हमार वां जरुड़ उनेर भै, एक फ्यार। सबूं है ठुल च्यल क नाम सैद रमेश छि। उ एक सिद-साद मिहनती लौंड छि। वील अल्मोड़ा इण्टर कालेज, अल्मोड़ा बै इण्टर करौ वी बाद अल्मोड़ आई.टी.आइ. बै इस्टैनोग्रैफी। कुछ दिन बाद वीकि नौकरी जडलाता क्वे ठुल औफिस मैं नैनताल लागि गे पड़ि। आस-पासा गौन ना लोग कूण लागि, “गिरधर त्याड़ि ज्यूकि मेहनत सफल है गे। उनार दुखा दिन सकी गयी।” सैद भगवान कैं के औरै मन्जूर छि। टिटरि लेखि कैं को टाइ सकूं? एक दिन नैनताल बै खबर ऐ—रमेश कैं रात करै बांजा जगी क्वैल नकि गैस लागि पड़ि और उ जानै रौ। ज्यट्टै च्यलै मौतै खबर सुणि गिरधर त्याड़ि ज्यू यास लमतम भई—फिर कभैं नि उठ सक। सैद उ तकान मृतक आश्रित कैं नौकरि नि दिई जांछि। रमेश है कांश महन त्याड़ि ज्यू लै बृति करि आपण खर्च-पाणि चलूं छि। कुछ साल पैलि उ लै यो दुनि बै जानै रई।

गिरधर त्याड़ि ज्यू अल्मोड़े रामलिल दगै बर्शौं तक जुड़ि रई। पर मैल उनर खेलि रामलिल क पाठ एकै फ्यार देखौ। नन्देबी थानै रामलिल मैं। उ दिन उनूं ल ताडिका क



पाठ खेल छी। मैं कैं उनर खेलि ताडिका पाठ भौतै भल लागौ। पीताम्बर पांडे ज्यूल जनार लेखि 'भ्रमर गीत' और 'गंगानाथ गीतावली' मैं ल पढ़ छि, ढौर में 'महाभारत' नाटक क मंचन करा। उसिक पांडे ज्यू नाटक मंडलि बुलै बेर नाटक करूनै रूं छि। उ एक भौत भाल हास्य कलाकार लै छि। मेरि इज कई कर छि, "पीताम्बर पांडे ज्यू हँसून—हँसूनै हॉट—भॉट टोडि दिनि।" "महाभारत" में उनूल कै क पाठ खेलौ मैं कैं फाम न्हैं पर गिरधर त्याडि ज्यू ल उ में द्रोपदी क पाठ खेल छी।

फिर बर्यात क बाज बाजण लागौ। बरेति—घरेतिन दगै उ लै नाचौं छि। आब स्यार कैल उति जाधे नि बैठीण। मन

उचाट जौ है पडौ। आडै सार्इ उज गई जै गे छि। यस लागण लागौ जाणि कतुक दिन बै लडण करि राखि। फिर लै मरन—तरन उद्यूं। गाडि क सड़क तक लिह जाणि सव क जंगल क उकाव उकवण लाग्यूं। बर—ब्योलि बट्यै हैल छी। ब्योलि कैं डोलि में बैठ्यूणै। व्या क बाज बाजनै और उ आइलै आड मरोडि, कमर टोडि, उसिकै नाचनै। उ उसिकै नाचनै रौल, नाचनै रौल। कदिनै यो जजमाना यां और कदिनै उ जजमाना वां। और सीजन में नैनताल फलैट्सा दाड़ड में। द्विडबल कमूणा लिजि, पेटै आग निमूणा लिजि, ट्यूरिस्ट नक गिरदाम में। जाणि कब तक।

• • •

लड़ै कठिण लड़ू मनखि

लड़ै कठिण लड़ू मनखि
बलि वैश्विकतै चढ़ू मनखि
अपणि सक्याऽधीरज का बल
दिन कोरोना गणणू मनखि

खांसि—छींक छै छ्वीं साधारण
कसूर हवेगि कोरोना कारण
देखी अपणौं तैं हि आज
जाणीऽ अजाण बणणू मनखि
लड़ै कठिण.....

गिच्चा मास्क जब हवा साफ
घड़ि—घड़ि धोण पडणा हात
फिकर अपणि मा कै अपणै
गति—मुक्ति कन्नौ डरणू मनखि
लड़ै कठिण.....

कबि भूकु तीसु रै तैं
कबि रेलै पटर्यूं स्ये तैं
कबि सड़क्यूं चलि मीलों पैदल
सांस आखिरी गणणू मनखि
लड़ै कठिण

समझद छौ जौं तनीऽ समाज
कोरोना यो(बण्यां सी आज
सोच पुराणी करी सैनिटाइज

—बीना बेंजवाल, देहरादून
विचार नया गढ़णू मनखि
लड़ै कठिण.....

दुन्यै छोड़ी भागमभाग
स्वार्थ लालचौ करी त्याग
बैठी अपणा दगड़ा यूं दिनों
अफु तैं अपवी पढ़णू मनखि
लड़ै कठिण.....

अद्येखा बैरी द्येखी तागत
दुगणा कन्नू अपणि हिकमत
मुल्क मनख्याता औलि सुबेर
खाड अंध्यारा तैं खणणू मनखि
लड़ै कठिण.....

तालाबंदी देस दुन्या जब
ऑनलाइन काम—धाम सब
नया हिसाब से हवे अपडेट
बाटा नया बढ़णू मनखि
लड़ै कठिण.....

दिखेणू दूरै बिटि हिमाल
छाला हवे बगणा गंगाल
धर्ति का सब्रो द्येखी फल
अंद्वार भोलै गढ़णू मनखि
लड़ै कठिण.....।

बौळ्या बरखा

—जगमोहन सिंह जयाड़ा “जिज्ञासू”, दिल्ली
मो. : 9654972366

बसगाल बौड़ि ऐगि अब,
हरी भरी हवेग्यन गों की सार,
पापी कुयेड़ि दौड़दु जान्दि,
डांड्याँ मा वार पार ।
चौक मा लगिं चचेन्दी त्वमड़ि,
ग्वदड़ि, काखड़ी, मुंगरी,
बौळ्या बरखान भिगण लगिं,
रौत्यालि डांडी हरी भरी ।
चौमासा कु द्यौरु गिगड़ान्दु,
बरखा बत्वाणि घनाघोर,
कालु बसगाल डरैण लगयुं,
बरखा डांडौं ओर पोर ।
सार्यों का बीच बाटौं फुंड,
घसेर्यों की लंबी लंगट्यार,
बरखा मा भिगेणि छन,
बरखा लगिं लगातार ।
ब्वडा भितर बैठि बैठि,
हबरि द्यखणु भैर,
बौळ्या बरखा दिन भर की,
ओबरा बासणु मैर ।
भैर बरखा भितर सरका,
दूर गाड गदन्यों कु सुंस्याट,
ब्वडा भितर सेयुं फंसोरि,
सुपिनु द्येखि कन्नु बबड़ाट ।
बौळ्या बरखा आफत ल्हौन्दि,
पणगोळा भि फूटि जान्दा,
कैकि मवासि घाम लगिं,
बाटा घाटा भि टूटि जान्दा ।
बौळ्या बरखा की जग्वाल रन्दि,
सरग दिदा पाणी बास्दि चोली,
बौळ्या बरखा जब बौड़िक औन्दि,
ख्यलिं छप्प पाणी की होली ।
मनख्यों की जिंदगी मा बसगाल,
सुख की गंगा बौड़ैक ल्हौन्दु,
बौळ्या बरखा तैं बथौं बिचारु,
अपणा मन सी नचौन्दु ।

थाती

ठुल हुँण पर

—बचीराम श्रीकृष्ण पन्त

ठुल हुँण पर खुशि कॉ भै, मौत नजिक ऊँनी रै ॥
दश महैण प्यट पन काटी गै,
भ्यैर ऊँण पर और कटी गै ।
सुख-दुख में औ खेलकूद में,
भोग नीन में उमर नसी गै ॥
कभै डाढ भै कभै हँसी भै, इकनसि कैकी नी रै ॥
ऑड निबल भै थरथराट भै,
बड़ो कठिन अब हिटणो है गै ।
दृष्टि मन्द कफ खाँसी है गै,
अन्न नि पचनो, भूख हरै गै ॥
बल तौ सबै घटी गै, तृष्णा एक बची गै ॥
घर वालन कैं धींण हई गै,
मरणा पर अब सुख समझी गै,
कृष्ण अन्त में प्राण पखेरु,
ऑड पिंजर कैं जब छोड़ी गै ॥
सबै दगड़िया छुटि गै, साथै एक करम रै ॥
ठुल हुँण पर खुशि कॉ भै, मौत नजिक ऊँनी रै ॥

थाती

काम अग्नि

—बचीराम श्रीकृष्ण पन्त

काम अग्नि तौ कम है गै, पर मन अगनी कम नी भै ॥
बुढ़ी गयों सब बाव स्यता भै, कमर धनुष आकार भई ।
हिटि नी सकना थरथराट भै, ऑखन की सब ज्योति
गई ॥

पाचन शकती कम है गैछौ, दॉत टुटी मुख की शिरि भै ।
कान बन्द भै कुछ नी सुणना, इन्द्रिय शकती सब गिरि
गै ॥

अब तौ भारी विपति पड़ी गै, धींण सबन कै है गै ।
कृष्ण करम फल सामणी आछ, मन की मन में सब रै
गै ॥

स्वतंत्रता दिवस

—अशिवनी गौड़ दणकोट, रुद्रप्रयाग

उन्नीस सौ सैंतालिस का प्रभात का पर्व बटि आज द्वी हजार बीस अर अगने भी उमरभर सदानि यु देस यनि स्वतंत्र खुला बथौ मा, स्वतंत्र रौजणू पौजणू रोलू।

यी देश की माटी मा, गौं मुल्क, स्कूल, दफतर हर जगा कोणा—कोणों पंद्र अगस्त, स्वतंत्रत व्होण कु त्योहार खूब धूमधाम से मनाये जांदू।

अंग्रेजुन बड़ी पिड़ा दीनी यी माटी तै, ग्यान विज्ञान वेद पुराण की धर्ती भारत बटि तौन सदानि नयु नयु सीखी अर अपडि ही भाषा संस्कृति का बीज बूति दीन्या यख। अंग्रेजों कि सांगळ मा देस जकड्यूं रै, यख आम मनखि तै अपडि मनै मर्जी कनै छूट नि छे।

यन माहोल मा मातृभूमि की माटी कु तिलक लगे, देश का भौत सारा जाबांज, वीर—देशभक्त, मुंड मा, केसरिया साफा बांधी जिकुडि हाथ मा धरी, क्रांति की मशाल जगै अगने ऐन। घौर—परिवार रिश्ता नाता का स्वार्थ छोड़ी मातृभूमि की स्वतंत्रता की बन्याथ मा जतर्वे बणिन। धरम—जाति, वर्ण का गांठा पुचालि सि एक परिवार बर्णीतै आजादी की धै—धाद मार्दि रैन।

स्वारथ का कांडा—मूँडा काटी खुली बथौ का स्वींणा देख्दरा यि, वीर—क्रांतिकारी देवदूत से कम नि छा!

एक तरफ जोश दगडि, होश कु रळो—मिस्सो कर्दरा, सेल्ला—नरम दल का लोग छा, जौंमा मातमा गांधी जी, जवार लाल नैरू जी, सरदार बल्लभ भै पटेल जन दाना—स्यांणा मनखि छा, तथि हैकि तरफां ताता खून दगडि, हौसिया, क्रांतिकारी वीर, चंद्रशेखर आजाद, भगत सिंह, सुखदेव जन ज्वान वीर छा।

मीरा बेन, सिस्टर निवेदिता जन विदेशी महिला भी हमारा ये आंदोलन मा स्वामी विवेकानंद जी का आदर्श अर महात्मा गांधी जन व्यक्तित्वों से हुर्स्येन अर सक्रिय रैन। येका अलौ सरोजनी नायडु जन महिला भी पिछने नी रेन, महिलाओं का योगदान तै भी कतै कम नि आंकि सकदा हम, स्वतंत्रता आंदोलन मा।

यि सब लोग जौंका प्रताप हम खुलि बथौ मा, फफराणा छिन, यि आंदोलन का क्रांति गीत, अर देशभक्ति का नारा स्येंदि खांदि लगांदि गैन। भूख—तीस, हरचे तै, देश की

स्वतंत्रता खातिर तौंकी क्रांति की बिज्वाड़ डाळी रे, तबेत चंद्रशेखर, भगत सिंग जन जाबांज हैंसदि— हैंसदि फांसी का फंदा पर झूली गैन, त हैकि तरफ नै—नै क्रांतिकारी, ये स्वतंत्रता संग्राम का आंदोलन मा, ओंदि रैन, जुडदि गैन। भारत की माटी का ये ही हौसला तै देखी तै, अंग्रेजी रियासत की श्वैंश हलकण बैठी छे, उम्मीद का श्वीड़ाश खपच्यांण बेठ्या छा!

यन श्व्यू—सगतश जमी—जमार्ई ब्रिटिश रियासत का पसर्दा जौडा काटण मा, ई माटी का भौत सारा वीर— क्रांतिकारी शहीद व्हेन।

जौंकु अमिट योगदान, वीरगाथा, का पंवाणा भारत का हर मुल्क का कोणा कुमच्यारों मा लगाये जांदा।

स्कूल दुकान ऑफिस दफतर गौं—मुल्क हर जगा शहीदों क्रांतिकारियों की जै—जैकार हौंदि।

भारत माँ की अखंडता का नारा लगाये जांदन।

स्कूलि बच्चों की देशभक्ति की झाँकी देखी सबुकू जोश—जज्बात अर तन— मन मातृभूमि मा रमि जांदू।

देशभक्ति का गीत, राष्ट्र वंदना, राष्ट्रगान दगडि हर प्रतिष्ठान मा तिरंगा फैरै जांदू अर हम सब गर्व से 'जै हिन्द, जै हिन्द' 'भारत माता की जै' अर अमर वीर क्रांतिकार्यू जै—जैकार कर्दन।

दिल्ली लालकिला प्राचीर पर खडु हवेक, भारत का प्रधानमंत्री बड़ा जोश—गर्व से पूरा देश तलक स्वतंत्रता दिवस कु रैबार—संबोधन द्येंदा, तथ वर राज्य अपडि बन—बनि संस्कृति की झाँकी निकाल्दन।

अर पूरु देस एक धागा, एकसूत्र मा गठ्ये जांदू ऐंच पाड़ बटि निस गंगाड, कश्मीर बटि कन्याकुमारी, गिर—गुजरात बटि असम—मेघालय तक संगति केसरिया सफेद हर्यू तिरंगा भारत माता की अखंडता की गवै द्येंदू।

यन देस जैकि स्वतंत्रता मा वीर अमर सपूत्रों कु लङ्वे रळ्यूं च, ते स्वतंत्रता दिवस तै हम कनुके बिसरे सकदा!

देस की सीमा पर हिमाळै जन सगत सैनिकों कु पैरा हमुतै सुनिंद स्योण द्येंदु यन अमर वीर देश का जवानों अर वीर अमर क्रांतिकार्यू तै एक रचना दगडि—

— जय हिन्द जय भारत

देवभूमि

—ताराचन्द्र त्रिपाठी

हम लोग हिमालय वासी छाँ। याँ हरी.भरी जंगल छन हैं। स्वच्छ परिवेश छ। लू नीं चलैनि। छोड़नक और गाड़ गध्यारनक पाणि स्वच्छ छ। गंग और वीक दगडु सब गाड़.गध्यार हमारे डान. कानन बटि निकलनी। याँ गंगोत्री, यमुनोत्री, केदारनाथ, बदरीनाथ, और लै कतुक तीर्थ छन। कैलास.मानसरोवरोक असल बाट लै योइ छ। उसी कूँछा त पार्वती क मैतै नै शिव ज्यू कि तपैकि भूमि लै योई भै।

महाभारताक शान्तिपर्व में तो यै कन परलोक कै राखौ। यस लोक जो सारि दुनि है बिलकुल अलग छ। पवित्र छ शान्त छै। याँ जैक प्राण छुटनी वीकैं परमपद मिलैँ। यो सर्वगुणवान, पवित्र, मंगल करनेर यस लोक छ जैकि द्याप्त लै कामना करनी। उसिक देख छा तो देसिनाक हिसाबैल यो दुसरै लोक छ। जब तक जनसंख्या कम छी, लोगनैकि जरुरत आदि लै कमै छी। अकालाक दिनन में लै जंगलन बटि कन्द.मूल.फलनैल भरण. पोषण संभव छी। धुरानाक् बुग्यालन में और डान काननाक दमसैणन में मस्त घा पात मिलि जाँछी। भैर वालनाक लिजी यो बहुतै दुर्गम भै। फिरि कर्भैं कवे फौज फर्र लिह बेर ऐ लै गयो तो आपुँक बचूणाकि लिजी उड्यार और पाहाड़नाक् खोल लै कम नि भै।

उ जमान में जब ऊण.जाणाक साधन नि छिया, आजीविकाक साधन लै बहुत कम छिया, मैदानी भागन में भयंकर अकाल पड़न छिया, कर्भैं हैज, कर्भैं प्लेग, कर्भैं चेचक जसि महामारी फैलन छी, आये दिन देशाक् भैर बटी या भितर लै अनेक आक्रमण हूनै रौंछिया, लोग जाग.जाग बटि या ऐ बेर बर्सीं। भाग्यवादी और चुपचाप खोरि चौड़ि करि बेर हिटणि लोगनाक् लिजि संकट लै कम छियो। कोलाहल और कलह लै कमै छियो। आक्रमण हुण पर कै लै पहाड़ाक उड्यार में शरण ल्ही जै सकन्छि। मैदानी भागन में रुनेर लोगन कैं यो सब सुलभ नी भयो। यै का कारण उनन कैं यो अंचल स्वर्ग जसो लागन्छियो। यै का कारण उनन कैं यो देवभूमि लागन्छि।

फिरि लोगनैकि धार्मिक आस्था परै जनैरि आजीविका चलैन्छि उन्नूल आपण इलाकाक खास.खास धार्मिक आकर्षण वालि जागानोक अनेक पुराणन में महात्म्य वर्णन करण आरंभ करि दे। यो महात्म्य वर्णन आजाक जमानोक विज्ञापनक पुराण रूप भै।

यो 'देवभूमि' लै उनैरि देन छ। आजाक जमान में जनैरि आजीविका पर्यटन पर छ, उँ यै कैं भुनून में पिछ्याड़ि न्हेंतन।

जब हिमाचल प्रदेशाक पर्यटन व्यवसायिनैल यै देव.भूमि विशेषणोक मस्त लाभ उठा त उत्तराखण्डाक पर्यटन व्यवसायिन कॅं लागौ कि जब बिना विशिष्ट तीर्थनाकै हिमाचल प्रदेश 'देवभूमि' शब्दोक ऐतुक व्यापारिक लाभ उठूणोछ त हम किलै पिछाड़ि रँ। हमार पास त जम्मै तीर्थ छन। केदारनाथ छ, बदरीनाथ छ, गंगोत्री छ, यमुनोत्री छ और लै कतुपै तीर्थ छन।

आब के छि देवभूमिक सामणि उत्तराखण्ड नाम लै ठंड पणण लाग। कुछनैल त फिरि लै उत्तराखण्ड शब्दोक लिहाज करौ, पर औरन लै त उत्तराखण्ड शब्द कणि गोल कर दे। देखो त कतुक संस्थानाक नाम में उत्तराखण्डोक नाम लिहणी लै नि रै। जस 'देवभूमि उद्योग.व्यापार मंडल', 'देवभूमि सांस्तिक कला केन्द्र', 'होटल देवभूमि', 'देवभूमि पर्यटन', देवभूमि यो, देवभूमि उ। यै देवभूमि दगै न मालूम कतुकुप संगठन पनपण लागि रयी। कामैल बात नी बणनै त धैं नामैलै बणि जौ। दुनि प्रगति की दौड़ में कॉं पहुँचिगे, पर हम आपणि देवभूमि कॅं लिहबेर बैठि रै गयाँ। गति में और प्रगति में बहुत पिछ्याड़ि। हिमालय लै बुडन लाग। लोग पेटाक लिजि देस हूँ भाजण लाग। 'पहाड़ी' शब्दोक अर्थ भानमजू है गोय। हम मार खानै राय और आपण धौन में देवभूमिक मल्लम लग्नै राय।

साँचि कूँछा त यो 'देवभूमि' आम जनता कॅ उल्लू बणूणाक लिजि मस्त ढेपु टाक वाल वर्ग द्वारा उनोर ध्यान मूल समस्याओं पर बै हटूणोक एक प्रयासाक अलावा के न्हें। योई समझो कि अरे तुम त देव भूमिक निवासी छा तुमन कॅ बाँकि के चौं। आज लै पंजाब, हरियाणा, गुजरात और दक्षिणाक सबै प्रदेश प्रगति की दौड़ में विश्वस्तर का नजदीक छन। देशाक विभाजनाक कारण आपण घर बटि खदैड़ि गई फटेहाल रिथ्ति में शरण लिहणाक निजी आई लोगनैल हमैरि दलदली और बीमार तराई कॅं फिरि चौरासी लाखैकि माल या अन्न और वैभवाक भंडार में बदलि दे, पर हम वाई देवभूमि में रयाँ।

आजादी है पैलिक जै अंचल में केवल शार्की कई जानेर गोरखियै सुरापान करन छिया वाँ पुरै अंचल सुरामय है गोछ। लोग बाग आपण सारैं सुरम्य स्थलन कॅ बेचि बेर लै सुरा पिण में पिछ्याड़ि नि राय। सबूँ हैं बेरे प्रभावशाली मानि जानेर ग्वाल्ल द्याप्ताक चित्तई रिथ्त मंदिराक द्वार पर लटकि सुरा व्यवसायीक विशाल घंटाक सामणि ग्वाल्ल द्याप्तैकि लै कै औकाद नि रै।

उसिक साँचि कूँछा त हो, यो देवभूमि भै। सैणिनाक बल पर

गौंकि नरे

टिकी खेति, मनीआर्डर पर टिकी भरणपोषण, होटलन में और खोमचन में चहा घुटक और बिड़ीक फूँक दगै लगातार फसकन पर फसक और राजनीति, खन्यारन् में अध्यापक विहीन विद्यालय, न डाक्टर और न दवाइ पाणि फिर लै नाम अस्पताल, आपण जल, जंगल, जमीन और पितरुंकि थात कँ नीलाम करण हुँ लै तैयार जननायक, आपण मैतै मैं गूमूतैकि गंग बड़न हुँ मजबूर गंगा, थ्वाड़थ्वाड़ कै तामि खोरि जा हूनै जाणि परभत, भूकैल बेहाल है बेर घरन में घुसणई बाग, हर साल हजारूँ लोगनैकि बलि लिहणी सड़क, उजड़ी गौं, शुकनै जाणि धार और नौल, कंगाल होते जाणि हिमालय और वी कँ बेचि बेर मालामाल हुणि नेता, अफसर और माफिया – हमैरि 'देवभूमि'।

आज लै यै तेर जिल्लन वाल नानू नान प्रदेश में साठ हजार सौनकादि ऋषि (एन.जी.ओ.) जनताक करोड़ों रुपैं हजम करि बेर केवल पुराण (कागजी कार्यवाही) लेखणई। आज लै हम भारतीय त बहुतै ठुलि बात मै, उत्तराखण्डी लै नि है सकाँ। अल्मोड़िया, सोर्याल, पौड़ियाल जससी मध्ययुगीन पछ्याण कणि आपण सर्वस्व मानि बेर बैठि छाँ। आजि लै हमार बुद्धिजीवियन कँ आपण गढ़ तक सीमित थोकदार या गढ़पति सम्राट अशोक है बेर लै महान लागँ।

तब यो लागँ कि वास्तव में हम देवभूमिक निवासी छाँ। शरीरैल संसार में और दिमागैल स्वर्गवासी। किलै कि असली देवभूमि त स्वर्ग छ और स्वर्ग वास्तविकता न्हैति एक स्वैण मात्र छ।

•••

लिहगो धो—धो आपण दगाड़ गौं—बासि बाप कै ऐल साल के कौल कै कवीड़ी बिरादर च्याल—ब्वार्निक शहर में ठाट लोटी रौ बुड़ गौंकि पटखाट के चैं तसि निठोर औलाद! चार दिन लै आजि है न सक बुड़ज्यु कै हैगो चुड़फुड़ाट अपछयाण जाग में मन उचाट लु—सीमेंटक घनघोर जंगल गौं में कां फसकोंक दंगल न कै दगड़ि बात—ब्यवहार घटनै जाणौ बुड़ाक आहार न चितूणै उन आपण सहार! हैगो शहरी घर जेल जस खाण—पिण छु राजोंक जस न चितूणै स्वाद घरक जस को कर सकै उनर मनकस लागण फैगो गौंक निस्वास चेलि कै जसिक नौल सौरास! कूण लागी, न्है जांछुं आब हैगो हुन्याल पिनालुक गाब फेड़ि है नरै नाति—प्याथां दगै दिण छु उनरि नामकि बधै आया नौर्तों में ऐलाक साल पुजण छु द्याप्त हर हाल! कूणौ च्यल, डर—डर बेर के करछा तुम गौं जैबेर रुकि जाओ यांई अलीबेर देखूल अस्पताल भली कैबेर न्हैथैं उमर आब इकलै रुणी गौं में नैं क्वे चानी—चितूनी नैं खाण—पिणकि तैं पुछणी नैं क्वे सज—समाव करणी! होलि गौं में हमरि बदनामी रुकि जाओ, के छु परेशानी! कूण फैटीं तमतमानै गर्स में दम घुटनौ म्यर यां शहर में मरुलं तो मैं आपण घर में कै जै रई पुराण मैंस— कै रया तुम जिंदगी भर आया मरण बखत आपण घर! हित—मितुरों दगै भेट कर जूल बिरादरोंक कान में चड़िबेर जूल

—प्रो. शेरसिंह बिष्ट, डी.लिट., हल्द्वानी

लागल चित पितरोंक तिथान लागि जूल पितरधुणि, तरि जूल! जब तक छु शरीर में पराण को छाड़ै घर—कुड़ि बिलाण किलै करुं ऐलै बै नौं हराण औनो आब अशौजक म्हैण लगै राखीं गदू—तोर्यां—ककाड़ है गै हुन्याल बाड़ि में ध्वाग भेजुल तुम्हीं ऐलाक फ्यार खाल नाति—प्याथ लै म्पार! आई करौ च्याला कभै—कभार हुनी साल में कतुक जै त्यार औनी परदेशि होलि—दिवालि में औरै रौनक है जैं घर—घर में आए अलीबेर नानतिना लिहबेर पछिल कै चाणैई नैं घरहै जैबेर! कून—कूनै भरी आछ गव उनर के दिनी जाणी, मन में डर ऐगो भैर मनक दबी गुबार आंसु भर लाई, दिल में आग सकसकानै भरभरान आवाज को जाणि सकै मनक राज के छु जाणि दिल में तकलीफ हालत देखिबेर लागण झीस! जाण छु घर दिवालि में यै साल कां मिलनी फिरि आपण मै—बाप आपणि बोति—भाशा, आपणि थात बिरादरों दगै भेटघाट कुशलबात! कतुकै अन—धन कमै लिह्यो पद—प्रतिश्ठा नाम कमै लिह्यो को चुकै सकै मै—बाबुक रिण को है सकै कभै वीहै उरिण! ऐछि याद फिरि बालि उमरकि गौंक इस्कूलकि घर—बणकि लागण फैटै जनमभुमिकि नरै कास ग्वाव खेल दगडिया दगै छोड़ि आयां हम जूल पछिल कतुक न्है गयां हम अधिल कटि गयां आपण जड़ों बै पछ्याण हमरि घर—गौं दगै! जाओ जां लै देश—परदेश न्हैतन कै आपण जस देश बोलि—भाशक छु स्वादै और म्यर कुमाऊं जस कै न्हैं हौर!

अपणु घौर

—शम्भु प्रसाद भट्ट 'स्नेहिल', श्रीनगर, पौड़ी

यु मेरु घौर यु तेरु घौर, घौर कुड़ी च यख सबुकि।
घरुं मा हि रैन्दा छिन, सुखी—संपन्न सभी मनखि॥

बौल्दां छां घौर तैकु, जख बसदि च मां ममता।
बै—बालै कि ममता मा, सरग जन्नु सुख मिलदा॥

बै—बाल का प्रेम कु जख, संजोया जांदा छां स्वीणा।
छवा नौन्यालु खुश करण, बुझौणा रौंदा छां भ्वीणा॥

भै—बैणु का प्रेम कु जख, बगदी रैन्दी च गंगा।
तखी मिलण चैन्द सबु तैं, सदानि रौण कु संगा॥

सदा आशीष मिल्दु जख, छ्वटा नौन्यालु अपणु कु।
पति—पत्नी रैन्दा यन्नि, कभि नि हौन्दु छ झगडु॥

बौडा—बौडी, चचा—चाची, सदानि रैन्दा जख मिलीक।
यन्नि परिवार—घौरुं मा, सुख—शान्ति औन्दी चलीक॥

मिल्दु च जै घौर मा, ददा—दादी कु अपणुपन।
लगदु नि तै घौर मा, कभि—भि क्वै परायुपन॥

लगदु घौर स्वै अच्छु, सदानि प्रेम जख सच्चु।
अपणों प्रेम का बिगर, घौर क्वै भि नी छ अच्छु॥

भले हवो घौर क्वै छ्वटु, कभि प्रेम न हवो हल्कु।
मिल्दी शान्ति जख सबु तैं, घौर स्वै मंदिर व्होन्दु॥

जख सम्मान अपणु कु, भर्यू भण्डार अन्न—धन कु।
कुटुम्बी जन सुखी रैन्दा, व्हन्द दुख नि वख मन कु॥

करदां प्रभु से विनति हम, कृपा बरखे तेरि हरदम।
सब्यों कु घौर व्हौ यन्नु, सदानि रौ सुखी—संपन्न॥

यु मेरु घौर यु तेरु घौर, घौर कुड़ी च यख सबुकि।
घरुं मा हि रैन्दा छिन, सुखी—संपन्न सभी मनखि॥

हरेला अशीस

—कुलदीप उप्रेती, चम्पावत

जी रया जागि रया
काम—धन्द में भलि कै लागि रया
इन दिन—बारौ भेटनैं रया
खूब झुलन—फुलन है जाया
बाग जत्ती बलवान
हंस जत्ती बुद्धिमान
हनुमान जत्ती गुणवान
कुबेर जत्ती धनवान है जाया.....जी रया.....
निरोगी काया होवौ
ईष्टदेवै छाया होवौ
परिवार में सुख—शांति पाया
मन में भ्रान्ति कभै झन ल्याया.....जी रया.....
दुबै न्यात पलीनैं रया
समुद्रै न्यात भरीनैं रया
अक्काश जसा उच्चा है जाया
सकल पदारथ तुम पाया.....जी रया.....
ठुला इज्जत नान प्यार दिया
नन्तिना आपन भल संस्कार दिया
खुद खन सद्विचार दिया
भलि बातौ परचार दिया.....जी रया.....
बुर बचन कै थैं झन कया
चार हाथ सबौ है दूरै रया
गर्ब—गुमान कभै झन करिया
मल्ली वाल बठे हमेशा डरिया.....जी रया.....
जत्ती चद्दर छ खुट उत्ती फैलाया
तेर—मेर में झन उमर गंवाया
आज दृवी—चार डाल—बोट जरूरै लगाया
ये अलख जाग—जाग जगाया.....जी रया.....

सुन्दरकांड में बर्णित काथ

—डॉ० मनोहर चन्द्र जोशी, प्रधानाचार्य(सेनिटो), हल्दानी

पिछले अंक से जारी

हनुमान ज्यू पेड़ा क पत्तों में लुकि रैछि और सोचन लागि रैछि कि मैं आब कसिक सीता माता क दुःख कें दूर करों। उई बखत बौहौत स्याणियों कें आपण दगाड़ लिहबेर रावण वां ऐगै। उ दुश्ट सीता कें बौहौत प्रकार समझौन लाग। साम, दान, भय और भेद देखैबेर रावण सीता थें कौन लाग कि— हे सुमुखी! मन्दोदरी और आपणि सब रानियों कें मैं तेरि दासी बणै दयौल यो म्यर प्रण छु, तु एक बारि म्यार उज्याणि कै देख तो सही। तब आपण परमस्नेही अवधपति श्री रामज्यू क ध्यान करिबेर और एक घासा क तिनड़े कि ओट करिबेर सीता कौन लागि—हे दशमुख रावण सुण, जुगुनू क उज्यावै ल कभै लै कमलिनी नै खिलि सकनिं, तू आपण लिजि लै योई बात समझ। अरे दुश्ट तुकें श्री रघुबीरा क बाणों कि कोई खबर न्हां? अरे पापी तु मैंकें एकलै देखिबेर म्यर हरण करि लाछे, रे अधम, निर्लज्ज त्वैकें जरा लै सरम नै ओंनि। सीता मुख बै यास बौहौत कठोर बचन और आपणि तुलना जुगुनू दगड़ि और राम कें सूर्या क समान तेजवान सुणिबेर रावण खिसिया जैगे और बौहौत गुस्स में ऐबेर कौन फैट (9)

सीता त्वेल म्यर बौहौत अपमान करि हालौ मैं त्यर ख्वर कें आपणि यो तलवारै ल काटि दयौल, नतरि तू जल्दी मेरि यो बात कें मानि ल्हे। हे सुमुखी! मेरि बात नै मानन पर मैं त्वेकें मारि दयौल। तब सीता ल कौ हे दशग्रीव! म्यार प्रभु श्री रामज्यू कि भुजा जो कि श्याम कमलै कि मावै कि समान सुन्दर और हाथि कि सूड़ा क समान मजबूत और विशाल छन या तो उई भुजा म्यार कंठ मै पड़ाल या तेरि भयानक तलवार यो म्यर प्रण छु। सीता कौन लागि हे चन्द्रहास(तलबार)! श्री रामज्यू कि बियोगै कि अग्नि में पैद हई मेरि यो जलन कें तू शान्त करि दे। हे तलवार! तेरि धार तेज और शीतल छु तु म्यर यो दुख कें दूर करि दे। सीता कि यो बात सुणिबेर रावण सीता कें मारन्हों दौड़ौ, तब मय दानवै कि पुत्री मन्दोदरी ल वीकें अनेक नीति बचन सुणिबेर समझा। तब रावण सब राक्षसियों कें बुलैबेर कौन फैट कि सीता कें अनेक प्रकारैल डर देखावै। यदि म्हेण भरि मैं यो मेरि बात नै मानलि तो मैं येकें तरवारै ल मारि दयौल। यो कैबेर रावण

वांबै न्हैगै। तब बौहौत राक्षसी वां ऐबेर आपण भयंकर रूप देखे—देखे बेर सीता कें डरोंन लागि गै। (10)

उनूमें एक त्रिजटा नामै कि एक राक्षसी छि जो कि श्री रामज्यू कि भक्त छि, उ बौहौत ज्ञानवान छि, वील उन सब राक्षसियों कें बूलैबेर आपण स्वीण सुणा और कौ कि सीता कि सेवा करिबेर सब आपण भल करि लियो। त्रिजटा कौन लागि कि वील यस स्वीण देखौ कि एक बानरै ल सारी लंका जलै हालै, राक्षसों कि सारि सेना मारि हालै, रावण नंग हैबेर गधा मैं भैठि रौ वीक सिरों मुंडन करि राखि और बीसों भुजा कटि छि। ये प्रकार उ दक्षिण(यमपुरी) दिशा तरफ हों जान लागि रैछि और यस लागना छि कि बिभीशण कें राजपाट मिली रौ सारै नगर मैं रामचन्द्र ज्यू कि जै—जैकार हुंनै तब उं सीता कें यांबै लिह जानी। मैंकें यो लागों कि म्यर यो स्वीण कुछै दिनों बाद जरूर सांचि हैजाल। यो बात सुणिबेर सब राक्षसि बौहौत डरि गै और सीता थें माफि मांगन फैगै। तब ये बाद सब राक्षसी वां बै एथकै—उथकै हों न्हैगै। सीता आपण मन मैं यो सोचन लागि कि एक म्हेण पुर हई बाद रावण मैंकें मारि दयल। (11)

सीता हाथ जोड़िबेर त्रिजटा थें कौन फैटि कि—हे माता! तु मेरि यो बिपत्ति कें भली कै जाणछि, जल्दी कोई यस उपाय करि दे कि मैं आपण यो शरीर कें छोड़ि सकौं, किलैकि आब म्यर दुख असहनीय हैगौ। मेरि लिजि लाकड़ों कि चिता लगै बेर उमें आग लगै दे और म्यर यो प्रेम कें सत्य सिद्ध करि दे, रावणाक शूल जास बचन म्यार कैल आब सहन नै है सकन। यो बात सुणिबेर त्रिजटाल सीता क खुट पकड़ि बेर वीकें समझा और श्री रामज्यू क बल और प्रताप सुणा और यो कौ कि हे सुकुमारी सीते राता क बखत मैं यां आग नै मिलि सकन यो कैबेर उ आपण घर हों ल्हैगै। सीता सोचन लागि कि आब कि करों बिधाता लै म्यार बिपरीत है गई, न आग मिलनै और नै मेरि यो पीड़ दूर होलि। अगास मैं तार लै आग जास देखीनाई पर कोई तार आग बणिबेर म्यार पास धरती मैं लै नि औंनै। चन्द्रमा लै आगै जस देखीनां, पर उ लै म्यार लिजि अग्नि कि बर्शा नै करि सकनै। आब हे अशोक बृक्ष! तुई मेरि प्रार्थना सुण म्यर शोक कें दूर



करिबेर आपण नाम (अशोक) सही सिद्ध करि दे। त्यार नई—नई कोमल पत्त आगै जास मैंकें देखीनाई, तू मैंकें अग्नि दिवेर मेर दुख कें शान्त करि दे। सीता कें ये प्रकार बौहौत दुखी देखते हुये हनुमान कें यो बखत एक युगाक बराबरि लम्ब लागन लाग। तब हनुमान ज्यू ल मन में विचार करिबेर सीता क सामणि मुद्रिका(अंगुठि) गिरै दि, सीता यो समझन लागि कि वीकि प्रार्थना सुणि बेर अशोक क बोटै ल वीकें आगक अंगार दि हालौ और खुशि हैबेर वीकें उठै लिह। (12)

तब राम नाम लेखि हुई सुन्दर अंगुठि सीता ल देखी, उ अंगुठि कें पछ्याणि बेर सीता चाइये रैगै, और मन में बौहौत खुशी और डरा मारि व्याकुल जसि हैगै। उ सोचन लागि कि श्री राम त यास छन जनुकें कोई हरै नै सकन और छल—कपटै ल येसि अंगुठि बणाई नै जै सकीन जब सीता यो प्रकार आपण मन में सोचन लागि रैछि जब हनुमान भली—भलि कै रामचन्द्र ज्यू क गुणगान करन लागि गै, यो सुणते ही सीता क मन क डर कम हैगै और उ मन लगै बेर उनरि बात सुणन लागि गै, तब हनुमान ज्यू सीता कें शुरू बै सब काथ सुणै दि। सीता कौन लागि कि जैल मैंकें यो अमृता क समान भली—भलि काथ सुणै उ म्यार सामणि प्रकट किलै नै हुनै। तब हनुमान सीता क पास में न्हैगै, उनूकें देखिबेर सीता ल आपण मूँख दुसर तरफ हों करि लिह। हनुमान ज्यू ल कौ कि हे माता जानकी! मैं श्री राम ज्यू क दूत छों, मैं करुणानिधान श्री राम ज्यू कि कसम लिह बेर कौन लागि रयों कि यो अंगुठि मैई लै रयों, रामज्यू ल अंगुठि मैंकें तुमुकें आपण निसाणि रूप में पच्छाणै लिजि दि राखै। यो सुणि बेर सीता ल यो पुछ कि आदिम और बानरों क दगड़ कसिक है सकौं? तब हनुमानै ल उ सारी काथ बतै जै प्रकार उनरि रामचन्द्र ज्यू दगड़ि मित्रता भै। हनुमाना प्रेम पूर्ण बात सुणिबेर सीता क मन में विश्वास हैगै और उनूल यो समझि लि कि यो मन, बचन और कर्मेल कृपासिन्धु श्री रामज्यू कै सेवक छु। (13)

भगवान राम क सेवक समझि बेर हनुमाना क लिजि सीता क मन में बौहौत प्रेम पैद हैगै, आंखों में आंसु औन फैगै और मन खुशि हैगै, कौन लागि कि हे हनुमान! दुखा क समुद्र में डुबनेर वालि म्यार लिजि तुम जहाज बणि बेर ऐ रौछा। आब लक्षणा क दगड़ि म्यार स्वामी कि कुशल—मंगल बताओ। श्री राम तौ कोमल मन वाल छन पर म्यार लिजि यतुक कठोरता किलै? कभै मैंकें लै याद करि करनी। ये प्रकार बुलान—बुलानै सीता क आंखों में आंसु औन फैगै और कौन लागि गै कि हे नाथ! तुमूल मैंकें बिल्कुलै भुलै

हालौ। तब सीता कें व्याकुल देखिबेर हनुमान कौन लाग कि हे माता! कृपासिन्धु श्री राम लक्षणा क दगड़ कुशलपूर्वक छन, तुम आपण मन में नक नै मानौ किलैकि प्रभु राम ज्यू क मन में तुमार है दुगुण प्रेम तुमार लिजि छु। अब धैर्य धरिबेर श्री रधुनाथ ज्यू क यो संदेश सुणौ— यो कैबेर हनुमान प्रेम मगन हैगै और उनार आंखों बै आंसु औन फैगै। (14)

हनुमान बतौन लाग कि श्री रामज्यू ल कै राखौ कि हे सीते! त्यार बियोग में मैंकें संसारै कि सब चीज उल्ट लागनाई, पेड़ों क नई—नई पत्त लै आग जस देखीनीं, रात कालरात्रि जसि और चन्द्रमा सूर्य जस लागों। कमलों क वन मन में चुभन पैद करों, शीतल सुगम्धित हाव लै आब मैंकें जहरिलि और गरम लागनै। मन क दुख कैबेर थ्वाड़ कम हैजां, पर मैं कैथें कों, यो दुख कें कोई नि जाणि सकन, त्यार और म्यार यो प्रेम क रहस्य कें एक म्यरै मन जाणों और म्यर उ मन सदा त्यारै दगड़ लागि रों, बस योई त्यार लिजि म्यर प्रेम क जबाब छु। श्री रामज्यू कि यो बात कें सुणिबेर जानकी रामज्यू क प्रेम में मगन हैगै और उनूकें आपण शरीरै कि लै सुध—बुध नैरै। हनुमान ज्यू ल कौ हे माता! मेरि यो बात कें सुणिबेर तुम दुखी नै होओ और श्री रामज्यू कि बीरता कें मन में याद करिबेर धैर्य धारण करौ। राक्षसों कि सेना किड़—मकौड़ों जास छन और श्री रामज्यू क बाण अग्नि समान ये प्रकार आपण मन में धैर्य धारण करिबेर राक्षसों कें भसम हई समझौ। (15)

हनुमान कौनी कि हे माता! यदि श्री रामज्यू कें तुमर पत्त लागि जान कि तुम कांछा त उं तुमुकें लिजान में जरा लै देर नै लगौन। मैं तुमुकें यांबै लि जै सकौ पर मैंकें म्यार प्रभु कि यो आज्ञा न्हांतन, हे माता! थ्वाड़ दिन और धैर्य धारण करौ फिरि जल्दी बानरों कि सेना कें दगड़ लिहबेर श्री रामज्यू यां ऐजाल और सब राक्षसों कें मारिबेर तुमुकें आपण दगड़ लिजाल। सीता ल कौ कि हे पुत्र! सब बानर तुमी जास नान—नान हवाल, यां तो राक्षस बौहौत बलवान छन, म्यर मन में यो समझि बेर संदेह हुना कि तुम राक्षसों कें कसिक मारि सकला। यो सुणिबेर हनुमान ज्यूल सुमेरु पर्वत जस आपण विशाल और बलवान शरीर जो कि युद्ध में आपण शत्रुओं कें डरने वाल छि धारण करौ। सीता क मन में यो देखिबेर परम विश्वास प्राप्त भौ, तब हनुमानै ल आपण उई नान रूप फिरि धारण करि ल्हे। हे माता! सुणौ बानरों में ज्यादा बल—बुद्धि नै हुनि पर प्रभु कि कृपा ल नान—नान सर्प लै गरुड़ कें खेजां। (16)

हनुमानै कि ये प्रकार भक्ति, प्रताप और



तेजवान बात सुणिबेर सीता के बौहौत संतोश भौ, उनूल हनुमान के रामज्यू के प्रिय मानिबेर आशीर्वाद दे कि हे तात तुम बलवान, अजर, अमर और सदगुणों वाल होओ। श्री रामज्यू कि तुमार ऊपर आपणि कृपा बणि रौ, यो सुणिबेर हनुमान प्रेम मगन हैंगै और बार-बार सीता के चरणों में आपण ख्वर धरि बेर हाथ जोड़िबेर कौन लाग कि हे माता मैं आब कृतार्थ हैं गयों, तुमर आशीर्वाद अमोघ छु यो सारै संसार जाणौ। हे माता! यां बौहौत सुन्दर फलों के पेड़ों के देखिबेर मैंके बौहौत भूख लागि गै, सीताल बता कि यो बन कि भयंकर राक्षस पहरदारी करते रोंनी। हनुमान ज्यू ल कौ कि माता यदि तुम खुशि हैंबेर मैंके फल खानें कि आज्ञा दि दियो त मेंके उनर कोई डर न्हां। हनुमान के बल और बुद्धिमान समझि बेर कौ कि हे तात! जाओ और श्री रामज्यू के चरणों के आपण मन में धारण करिबेर मीठ फल खाओ। (17)

हनुमान सीता के प्रणाम करिबेर अशोक बाटिका में न्हेंगै, वां फलों के खैबेर पेड़ों के उखाड़न फैगै। वां बौहौत पौहरदार छि जनूके उनूल मारि दि, कोई भाजिबेर रावणा के पास पुजी और कौन लाग कि हे नाथ! एक भयंकर बानर ऐरै जैल अशोक बाटिका उजाड़ि हालै बोट-डाव सब टोड़ि हालि और हमार राक्षसों के लै मारि हालौ। यो सुणिबेर रावणैल आपण बौहौत योद्धा वां भेजि दि, जनूके देखिबेर हनुमान जोरै कि गर्जना करै और उनूके लै मारि दि कोई अदमरि हैंबेर फिरि रावणा के पास पुजि, तब रावणैल आपण च्यल अक्षयकुमार के भेजौ जो बौहौत योद्धाओं के लिहबेर वां पुजौ, वीकें वां औन देखिबेर हनुमानैल एक ठुल्ल बोट के उखाड़ि बेर अक्षयकुमार के मारि दि और जोरै कि गर्जना करन लागि गै, राक्षसों कि सेना में कतुवां के मारि हाल, कतुवां के अधमरि करि हाल और कतुवां के जमीन पन पटकि हाल, फिरि कैलै जैबेर रावण के बता कि उ बानर तौ बौहौत बलवान छु। (18)

आपण च्यल अक्षयकुमार के मरिय क समाचार सुणिबेर रावण बौहौत गुस्स में ऐगै, तब वील आपण ठुल च्यल मेघनाद के भेजौ और कौ कि उ बानर के बादि बेर म्यार पास लाओ, यो देखि जाओ कि उ बानर यां कां बै ऐरै। इन्द्र के जितनेर वाल योद्धा मेघनाद वांहों जान फैगै, आपण भाई क मृत्यु ल उ बौहौत गुस्स में छि। हनुमान ज्यू देखौ कि आब कोई भयानक योद्धा औन लागि रौ तब उं आपण दांतों के कटकटै बेर जोरै कि गर्जना करिबेर दौड़न फैगै। उनूल एक ठुल्ल बोट उखाड़िबेर वीक रथ में खेड़ि दि तब रावण क

च्यल मेघनाद रथ बै छुटि पड़, वीक दगड़ आई योद्धाओं के लै मारि दि, फिरि उं मेघनाद दगड़ि लड़न फैगै यस लागनाछि जाणि द्वि हाथि लड़न लागि रई। तब हनुमानै ल मेघनाद के एक जोर क मुक्क मारौ उ थ्वाड़ देर बेहोस है पड़ौ और फिरि उठिबेर आपणि माया देखौन फैटौ फिरि लै हनुमान के नै पकड़ि सक। तब अंत में वील ब्रह्मास्त्र क सन्धान करौ जैकै देखिबेर हनुमानै ल बिचार करौ कि ब्रह्मास्त्र के नै मानन पर म्यार प्रभु कि अपार महिमा खतम है जालि। (19)

ब्रह्मास्त्र लागते ही हनुमान पेड़ बै जमीन में छुटि गै और बेहोस हैंगै, पेड़ बै छुटन बखत उनूल बौहौत राक्षसों के लै च्यापि दि, फिरि वील हनुमान के नागपाशै ल बादि दि। शिवज्यू कौनी कि हे भवानी! सुणो, जैक नाम जपिबेर ज्ञानी लोग संसाराक बंधन के काटि दिनी उनर यो दूत के कोई बादि सकौ? हनुमानै ल आपण प्रभु लिजि आफौ के आफि बंधै ल्हे। बानर के बादि सुणिबेर सब राक्षस दौड़ि-दौड़ि बेर देखनौ औन फैगै। तब हनुमान ज्यू ल रावणै कि सभा के देखौ, जां दयाप्त और दिक्पाल लै हाथ जोड़िबेर डरि-डरि बेर रावण के देखि रौछि। हनुमान के वां जरा लै डर नै लाग, उ राजसभा में उसिकै ठाड़ हैरौछि जसिक भयंकर सर्पों क बीच में गरुड़ रौं। हनुमान के देखिबेर रावण बौहौत खराब बचन कैबेर जोर-जोरै ल हंसन फैट, फिरि आपण च्यलै कि याद औन पर उ दुखी लै हैंगै। (20)

रावण कौन फैट अरे बानर! तू को छै? और कैकि ताकत पर त्वेल अशोक बाटिका उजाड़ि? त्वेल कभै म्यर नाम नै सुणि राख? रे मूर्ख! त्वेल के कारण एतुक राक्षसों के मारौ, बता तुकें आपण प्राणों क कोई डर न्हां?। तब हनुमान ज्यू ल कौ कि हे रावण! सुण, जैक प्रतापैल यो सृष्टि चलि रै, और जैक बलै ल ब्रह्मा, बिश्नु, महेश यो सुशिट के बणोनी, पालन करनी और संहार करनी, जैकि ताकतै ल शेशनाग पर्वत और बनों सहित यो ब्रह्मांड के धारण करनी, जो दयाप्तों कि रक्षा लिजि आपण अनेक अवतार धारण करिबेर त्वे जास मूर्खों के शिक्षा दिनी, जनूल भगवान शिवज्यू क भयंकर धनुश के टोड़ि बेर घमंडि राजों क घमंड चूर करि दे, खर, दूशण, त्रिशरा और बालि के जनूल मारि हालौ, जो सबासब अतुलित बलवान छि, जनूथें हैं जरासि जाकत पैबेर त्वेल यो सारै चराचर जगत के आपण अधीन करि राखौ और जनरि प्रिय घरवाई के तु चोरिबेर हरण करि लैरौछै, मैं उनरै दूत छौं। (21).....

(बाकि अधिल अंक में.....) –मो 7579232500 •••

कोरोनाक चमत्कार

—दामोदर जोशी ‘देवांशु’, पूर्व प्रधानाचार्य

बीस बरस बटि छी मैं गाँ है भ्यार
रुजगार रुजगार कै खाणौ छी मार
व्या भौ वाई नानतिन पाली
कमाई करी भौत मगर जेब रै खाली
घर-घरनकि नौकरी करनै रई
कती लुकुड़ घै कती जुठ भान मॉजी
नानतिन पढि लेखि विदेश भाजीं
हारीं जुवारि जौ मैं ठगी गई
आपू कै आफी छलते रई
एकाएक कोरोनाक कहर आ
ताव भितेर बन्द रोजगारक ठिया
ग्राफ कोरोनाक रक्तबीजकि चार बढ़ते गो
मौतोंक आकड़ा अगास हुं चढ़ते गो
ऑखन में म्यार रिटण लागौ पहाड़
बुलूण लागौ म्यर पहाड़
मनल छोड़ी म्यार दुखकि च्याड़
गाँ लौटण हुं आफी बढ़ण लागौ खुट
तब जै लागौ य परदेश कतुक छु झुट
गाँ वालोंल टुक में टिकूण नि दी
कोरोना समझि कुकुर कै लै बुकूण नि दी
क्वारंटाइन करि दे इकीस दिन तक
कोरोना रोगि मैं उनूकें सक
वाई बटि देखी मैल गाँकि सूरत
सुधारुल समझौ आब यैकि मूरत
भानि भदेलि छी छानि छापरि
भाड़ फूफै रौछी तऊपूरै स्यरि
यति कति छी म्यरि डाब जै कुड़ि
रुँछी बौज्यू दगाड़ इज छी बुड़ी
गोरु-भैसोंक वॉ क्वे पत्तै नै
खेति पातिकि वॉ क्वे गतै नै
गाड़-भिड़न कै देखि बेर बंजर
मनम म्यार बुड़ौ खंजर
नाज पाणिकि छी भलीकै पट्ट
सौल-शुडर, गुणि-बानर करि जाणौछी चट्ट
लटकी ताव छी जाग-जाग बडुवाक जाव छी
खेति करणक कैक न मनम चाव छी
सुकी छी नौल मनम हौल छी
सरकारि सस्त राशनकि बड़ि चौल छी

यो देखि मनम म्यार ऊँण लागों उमाव
जनम भूमि कै आब हालौ अडवाव
स्वार-बिरादरोक गयूँ मैं पास
सहार दे उनुल जो छी खास
खॉण पिणकि जुगुत सब हुनै रै
धिनालि पाणि मुखुत हुनै रै
आब खुटन में ठाड़ हुणक छी काम
इष्ट देबूक ले लिहणै छी नाम
दूद दिंणी जानवर पावण लागीं
दी-बात थान में बावण लागीं
बॉज गाड़ भिड़न कै कैम करै
मुर्गी पालन माछ पालन हुँ मणि टैम धरै
खूब खाई अण्ड और बेचौ दूद
तब तक विदेश बटि लौटि आई म्यार पूत
द्विया द्विउद्योगक कौशल देखूण लागीं
काथ आपणि नई लेखण लागीं
घर भितेर सूर्जक जस उज्याव भौ
कर्मक सबुल हात में मुच्छयाव ल्हौ
नई टेकनीकल सबुल ल्हौ काम
मेहनतक मिलण लागों दाम
हरी-भरी छाजण लागीं जंगल
जंगल में फिर भौ मंगल
सरकारि राशन फिर चितैइण लागौ बबाल
भरी भकार कर्मक यस देखौ कमाल
सौल सुडर गुणि बानरों पर पड़ी घन्तर
लागण लागी जब उनूकै हण्टर
आब नौल-धारन में बगणौ पाणि
धर्ति बणि गे फिर धनकि खॉणि
दिशनाक फिर खुलण लागीं द्वार
जानै रौ फिर पलायनक बुखार
मैं मनु बणि लौटि घर आई
मेरि जोड़-जुगुत देखि सब सरि आई
मणी मणि कै भरीणौ गाँ
गौक दुणी में है गोय नौं
सावनाक झुल में सब झुलण लागीं
पलायनक दुख सब भुलण लागीं
कोरोनाल करै दे यो चमत्कार
देवभूमि त्वैकैं म्यर नमस्कार ॥

पलायन क् दंश

सावनी मन 'ओरे हैरे'

ऐ जा रे ! कौवा लौट बे ऐजा,
टुटि उधरी घोल कैं चैजा।
त्यार दगड़े मैं लै भै रौलौ,
उधरी घोल कैं फिर बसूलौ।
फिर पिपल क बोट म आलै,
फिर पितरों कैं तू बुलालै।
उनर सोल—सराद करुलौ,
पैलिकै चार तुकड़ि बुलौलौ।
त्यार दगड़ि पड़ोस बसौलौ,
दुःख सुखं फिर क्वीड़ लगूलौ।
किस—कहाणा फिर पुराणा,
बिति बखतै कैं याद करुलौ,
टुटि उधरी कुड़ि छा उं लौ,
न चुल लगै बेर भात पकालौ।
डाव—बोटि—जड़ि—बूटि उगौलौ,
हाव दुषित कैं शुद्ध करुलौ।
गोरु—बाछा—बकार पालुलौ,
दै—दूदाक् मट्याड भरुलौ।
धार—नौला—चुपडांव बनूलौ,
पाणि—पन्यार—पन्याव लगूलौ।
प्रीत पुराणि कि रीत जगूलौ,
फिर 'लोक—संगीत' बनूलौ।
फिर उछयाण—पुछयाण करुलौ,
फिर नई पछ्याड़ लगूलौ।
मैं तुकै द्यौलौ जे लै मांगलै,
'घुघुति—त्यार' में जब लै आलै।
या मेरि दगाड़ घुघुत बनालै,
खुदै घुघुतों कि माव गठयालै।
भुभरि बेर 'भाबर' नि जालै,
आपुणै पहाड़ रु'बरु रौलै।
आजा कौवा म्यार भैट दगड़ै,
आज बै तू म्यौर भाई लागलै।
मैं छु त्येरि तू म्यौर पराण,
नि जारे कौवा देश विराण।
फिर एक बार पहाड़ में रौलौ,
फिर नई कारबार जुटौलौ।
फिर प्रकृति कि रचना सारी,
नई घर—बार संसार बसौलौ।
ऐ जा रे ! कौवा 'उड़ि बे ऐ जा,
फिर हिल—मिल बे दगड़ै रौलौ॥

—देवकी नंदन भट्ट 'मयंक', हल्द्वानी

औरे हैरे—औरे हैरे/पौरे—ध्याव होलि हैरे।
भागुलि भौजी भिजि बेर/निझूति लै औरे हैरे॥
भांडौ—नशा औरे लैरौ/भंगिरु लै औरे हैरौ।
भ्वानि दि लै औरे हैरे/भंगिदा लै औरे है रौ॥
अबीर—गुलाल—तवौ—झौलै—झोल/औरे है रौ।
आंगन में हिल्ल है रौ/भितेर हिलपट है रौ॥
दाज्यु छैं या बाज्यु छैं/कै कै लै लकार नि रै।
होली कि होलिकार है रै/पाणि कि फुहार लै रै॥
जे लै औंछौ मुंख बटि/औरे—औरे—औरे कौनि।
होली हैरे—होलि हैरे/होली हैरे—होली कौनि॥

वाह दे दारू

—जोत सिंह नेगी,
कुलाईखान्द, पौड़ी

आदमि कु मान—सम्मान च दारू
ब्यौ—बरत्यों की शान च दारू
सुबैर दुनरि—ब्याखुनि दारू
मनख्यूं कु सबसे बड़ु सारू च दारू
बिन दारू कु नि हून्द क्वी काम काज
कथा जागरौ मां भि दारू कु रिवाज
मुरदा घाट मा भि नि आंदि लाज
पिङ्णी च पीपल—पाणी म भी आज
बरत्या—घरत्या बामण अर औजि
छवटा—बड़ा, सभि दादा—भौजि
गुरु—शिष्य अर कुलि बेलदार
प्रधान अर छवटा—बड़ा दुकानदार
घर गौं म क्वी इनु छुटयूँ नी च
आज दारू कु जु आशिक नी च
धन रे दारू ! वाह रे दारू
कख पौं छाली दुन्या थैं पे दारू ?

कोरोना (कोविड-19) महामारि

—डॉ० जगदीश चन्द्र पन्त, हल्द्वानी

लगभग सौ साल में हमर देश भारत में महामारि ऐ रै। एक पीड़ करणी व चिन्ताजनक वातावरण बन रौ। अब इकै देख बेर यौ लागण रौ कि अब समाज प्रकृति क निर्मम शौषण नी कर सकन। आज जलवायु संकट, अनियन्त्रित मौसम, वायु, भूमि व महासागर में प्रदुषण ल दुनिय कैं एक खतरनाक मोड़ पर ठाड़ करि हालौ। जब तक यौ पुराण स्थिति में नी ए जान आजि लै हम संकट में छन। एक शुभ संकेत यौ बणौ कि लोकडाउन में प्रकृति संवरन भै गे। कतु सालौं में निल आसमान देखो, वायुमण्डलीय प्रदुषण क स्तर कम हौँछ। पंछी, किड़, तितली क अनेक पुतर्झ प्रजातियों कैं नवीन जीवन मिलौ। अब यौ प्रयास करण पड़ौल कि इनन कैं कष्ट नी हवौ प्रकृति कैं और ज्यादा सम्मान दिण पड़ौल।

अब हमन कैं आपण योजनाओं कैं नई ढंग ल बणौन पड़ौल। शिक्षा, स्वास्थ्य पर सकल घरेलू उत्पाद (जीडीपी) में कम से कम तीन प्रतिशत आवंटन जरूरी करण चैं। अगर भारत इनन में खर्च नी करौल तो वैश्विक शक्ति बनणक उमीद बिखर जालि। यौ हमारी कमजोरि रै कि हमूल आजादी बाद इन क्षेत्रन में कम ध्यान दें। अब यौ ले जरूरी है गो कि केन्द्र व राज्य में कारोना काल में तारतम्य बणी रखौ चाहे क्वे ले राजनीतिक दल हो।

यद्यपि स्वास्थ्य राज्य सरकार क अधीन विषय छू फिर लै यौ संकट में जमीनी तौर पर सूबों व केन्द्र को मिलकर लड़न चैं। अतएव टकराववादी संघवाद बजाय सहकारी संघवाद क जरूरत छू।

वैक्सीन खोज क लिजी शोध में अंतराष्ट्रीय सहयोग लै अनिवार्य है गो। पीपीई किट व दवाई कैं उपलब्ध करौणा लिजी लै वैश्विक सहयोग जरूरी छू। हमर वैदिक विचार 'वसुधैव कुटुंबकम्' ऐल काम औण चैं। क्वै लै राष्ट्र कतुकै शक्तिशाली किले नि हवो यौ संकट में एक द्वीप जस बन बेर नी रै सकन। नतर मानव जाति एक साथ डुब जालि या उबरि जालि। आज दुनि में सर्वश्रेष्ठ वैज्ञानिक व शोधकर्ता छन। भारत में लै कोरोना वायरस क टिक खोजणा लिजी दिनरात प्रयोगशालाओं में वैज्ञानिक लागी रई। इसी अन्य देशों क सहयोग 'सोने में सुहागा' जस साबित है जाल। विश्व स्वास्थ्य संगठन (डब्लूएचओ) क भूमिका लें

महत्वपूर्ण दू यद्यपि अनेक देश यैक आलोचना करण रई फिर लै संगठन क अनुभव कैं नकारि नी जै सकन। अचानक लोकडाउन करिबेर लाखों मजदूर जॉ तॉ इकठ्ठ है गाय उ लें एक राष्ट्रीय शर्म क बात भई। वीक इन्तजाम पैली होण चैंछी बाद में एक व्यवस्था बणैबेर रेल द्वारा उनुकैं उनार घर पुजाई गोय। कतु मजदुर मजबुर छी। घर जान बखत बाटपन मर गाय। अब ठीक है गो, उ बाकी सब घर पुज गई और उनार खातों में सहयोग राशि लें डाली गे। अब बितीय योजन में उनार रोजगार क व्यवस्था करण चैंछ। देशक मौद्रिक नीति में वी प्रकारल बदलाव लें जरूरी है गों।

भारतीय संस्कृति क अनुकूल बुजुर्गों, महिला व बच्चों हैं भ्यार नी निकलो तो कई जाण रौ पर उनार इन्तजाम को करल। बुजुर्गों की आय कसी बढ़ौ, वीक परीक्षण जरूरी है गो। 65 लाख (केन्द्रीय उपक्रम व असंगठित क्षेत्राक) सेवानिवृत कर्मचारि छन जनन कैं न्यूनतम पेंशन देई जाण रै, जमा पुंजी पर बैंक में ब्याज कम कर देई गो। अब उ कसी स्वावलम्बी बणाल यो ल विचारणीय छू। इन वर्गों पर अनुचित व्यवहार नी होण चैंन। जनप्रतिनिधि जो तीन-तीन पेंशन पाण रई उनौर लें परीक्षण करि जाओ। सादी-ब्याह पर अनावश्यक खर्च नी करि जाओ। 40-50 अतिथि संख्या तय करि जाओ। बेसहारा लोगो क भोजनक व्यवस्था राजनैतिक पार्टी क फण्ड बटि होण चैं।

कोरोना वायरस ल मौन व एकान्त रौण सिखें हालौ। ताकि खुद भीतर झांक सकौ। आपण चेतना कैं जगौणक मौक मिल रौ। अध्ययन करणक मौक मिलौ, जमी आपण धर्म ग्रन्थों के देख सकौ। आजतक दौड़-भाग जिन्दगी में मैस कें समय नी मिलछी। घर र वौ घर र वौ एलान हान होण पर खूब समय मिल रौ हमन कैं आपण भितेर महापुरुषो द्वारा बिताई गई दिव्य प्रकाश कैं खोजणाक समय मिलौ। जमी मैसक अस्तित्व क मूल छू। ऐल प्रत्येक इन्सान व समाजक भौत दूल वर्ग कैं फैद हवल।

अब हाव-पाणी साफ है रौ, ध्वनि प्रदुषण कम है रौ, डिस्को संगीत बन्द है गो, अनावश्यक बैण्ड-बाज क बाढ़ बिल्कूल खत्म छू। पंछी चहचहाव रई। जानवर लै खुस देखी रई। घुमन्तु घ्वाड़ व गोरु पर स्थानीय प्रशासन लगाम लगूँ।

रई। सङ्को पर सफाई साफ नजर ऊँण रै। नाली लै साफ कराई जाण रई।

सावधान धरण फिर लें झन भूलिया। हात झन मिलाया, दूर बटि अभिवादन स्वीकार करिया, हाथ में बार—बार सफाई, सैनेटाईजर प्रयोग करण भौय। नाक मूख मास्क (मुहाव) जरुर लगाउन भौय। भीड़—भाड़ वाल जाग में कम जाण भौय, भ्यार खाण—पीन कमै करण चै। फल, शब्जी आदि घर लै बेर, धै बेर भली भाँति प्रयोग करण भौय। बिना मतलब अस्पताल नी जाण भौय। आरोग्य सेतु ऐप चालू करि बेर धरण चै आदि—आदि। कोरोना खत्म होण क बार में समय तय न्हाती।

•••

अंत भल सब भल

—रतन सिंह किरमोलिया, बागेश्वर

सोचछां जसै
करो लै वसै
करछां जसै
सोचोलै वसै
तबै के बात छू
यै बातकि बात छू
कै रौ भगवान वैकि मदद करनी
जो आपणि मदद खुद करनी
उठण तो तुमूकणी छू
उठण तो हमूकणी छू
उठण तो सबू कणी छू
वू तो एकके जणी छू
पर चलूण रौ सार संसार
जस संसार तस मनसार
जस मनसार तस संसार
यो तो छू जीवन क सार
बस हमेशा भल सोचो
बस हमेशा भल करो
नक कैं तिराओ
भल कैं बिराओ
भल करला भलै हवल
नक करला नकै हवल
जस बोला उस लवाला
जस लवाला उस पाला
कर भल हवल भल
अंत भल सब भल ॥

शहीदो कोटि-कोटि प्रणाम

— डॉ. गजेन्द्र बटोही, ऊंचापुल

देशक् तिरंगा कै ओढि-ढकी बेर
उँणी च्यलो आपूण गाँव,
धन्य तुम वीरो च्यलो
रण में नि पलट तुमार पाँव।
दुश्मण्क करि आच्छा
सबै काम—तमाम
तुमरि खुटि हमरित
कोटि—कोटि सलाम।
धरतिक् स्वर्ग कश्मीर बाट
स्वर्गारोहण पर न्है ग्या
इजा—बाबु दगाड़
गाँ—गाड़क नाम लै
धन्य—धन्य बढ़ै ग्या।
जन्म—भूमिक ऐ ग्या काम,
तुमरि खुटि हमरि
कोटि—कोटि प्रणाम।
घर, गाँ, दुकान, बजार मॉ
लौटि उँणक वैद करि
आपूण खुटि न्है ग्या,
लौटा, इजा—बाबु पास
तो चार काँधों बैठि आया।
मातृभूमिक चरणों—चढ़ै आया ज्यॉन
तुमरि खुटि हमरि
कोटि—कोटि प्रणाम।
बरफ भरि ऊँचा—ऊँचा डाँड़—काँठों
ठाड़—ठाड़ै रात—दिनों,
पाका—क नापाक इरादों कैं
माटि मुडि मटियामेट कर अ्‌या
धन तुमर साहस, शौर्य—बल
बढ़ै गया देशक मान,
तुमरि खुटि हमरि
कोटि—कोटि प्रणाम।

खुशी

— उमेश चन्द्र जोशी

हमार यों कूनी जतुक चौड़ गिज खुलाल उतुक लम्बी तुमरि उमर होलि । जे तुम सोचनछा, जे तुम कूंछ और जे तुम करन छा यो तीनन में समन्वय हुँण चैछो यमैई सुख छ । जो जीवन में खुश रूनी उँ काम लै भल करनी । मानसिक शान्ति हुँण चैछ । मानसिक शान्ति सबुन है दुल खुशी छ । आदिमैल सोचण लै उई चीज चैनी जो खुशी और स्वास्थ्य दिनी ।

सच्ची खुशी सम्पत्ति, डबल या यश प्राप्त करण में निमिलन बल्कि लोगन दगै गुणवत्तापूर्ण रिश्तन में मिलें । खासकर उन लोगन दगै जनूके आप प्यार करनछा, जनर सम्मान करन छा । खुशी लिजी मस्ती उत्कृष्ट गुण और सकारात्मक सोच जरूरी छन ।

खॉण और पिण लै जरूरी छन पर यनू कें डायनिंग टेबल तक सीमित धरण चैछ । जीवन में स्पीड ब्रेकर अर्थात कष्ट, दुःख, दर्द सब ऊनी पर हँसी नि रुकण चैछ । हम सबन कैं हर समय खुशी प्राप्त करणोंक हक छ । सबनैल खुशी प्राप्त करणोंकि इच्छ करण चैछ, कोशिश लै ।

इच्छाएं, तृष्णाएं आदि सब शारीरिक वासनाएं छें । लोग पैलिक अपार धन संग्रह करण लागनील । फिर वीक मददल आपण इच्छाओं कैं पुर करनी । यों जादेतर अनियमित काम क्रीड़ा खाण पिण, आराम देह घर, स्वार्थ साधन में लिप्त रुनी । पर इन्द्रिय सुख कभी लै सन्तुष्ट नि हुन । और—और कूनी सब इन्द्रिय । उनन के सन्तुष्ट करण असम्भव हुँछ । इन्द्रिय बलवान हुँनी । उँ भलभल विद्वानन कैं आपण तरफ खींच लिहनी । जब इन्द्रिय सन्तुष्ट नि हुन त बहुत दुःख हुँछ । क्षणिक सुख फिर अनंत दुःख ।

अगर खुशी प्राप्त करण हो तो आन्तरिक श्रेष्ठता में ध्यान दिण चैछ । आन्तरिक श्रेष्ठता में ऊनी त्याग, संयम, आपस दगै कड़ाई, दुहारनॉक दगै उदारता, गरीबन कैं मदध । कमजोरन कैं सहायता आदि में ।

आज हम एक शत्रुतापूर्ण तथा प्रतिकूल दुनिं में रुणयों । आज सब चानी कि उनन कैं स्वीकार करी जाओ । उनार दगै प्रेम करी जाओ । सब लोग उनेरि प्रशंसा करन । तबै उनन कैं खुशी मिलैलि । सब स्वर्थी है गयी । सबुनकैं सब चैंध । लोग के ले दिण हूँ तैयार न्है तन । यो सोचण कि मैं सदैव सुखी और खुश रूँल बेवकूफी छ ।

दुःखै होल । जीवन दगै त सुख दुःख जुडी छें ।

यो संसारक दुल है दुल चीज लै सम्पूर्ण खुशी नि दि सकन । न मर्क (ब्यूक) कार और नं० 12 गुलाब । केवल निश्छल प्रेम खुशी दिलो सकों । योई प्रेमेकि उपस्थिति संसार कैं खुशी और सुखी बणौछ । आपण चाहत के छ । के आपू केवल एक सख्त कार्य सारण चौछा ?पारिवारिक समस्या छन आब त उत्तरदायित्व ले कम होते जॉणई । एकल परिवार छें । हम केवल आपण जीवनॉक वास्ते उत्तरदायित्व छें । दुहार चीजनॉक एवज में खुशी चुणि सकनूँ ।

खुशी प्राप्त करणोंक हमार इराद के छें और प्रयास के छें । जब इनपुट न्हेति तो खुशिक आऊटपुट कॉ बटिक होल । के हम चानू के हमूकें मिलणो । बिना प्याराक के न्हें । जब द्याला तबै मिलोल ।

खुशिक कोई रस्त न्हेति । वास्तव में खुशी स्वयं एक रस्त छ । खुशी कैं बचाओ । सन्तुष्ट रवो । कोई दिखावा, आडंम्बर, तडकभड़क नै । खालि द्विमिनटैकि हँसि, अस्थायी रोमांच है सकें, वास्तविक खुशी नै । खुशी त शान्ति और सन्तोष छ । हृदय में गीत । खुश रूण मनुष्यैकि संरचना में छ । अनुवॉशिक गुण । दुल—दुल हादसनॉक बाद ले धीरे—धीरे मनुष्य आपण खुशिक सहज भाव में लौट जॉछ ।

नान नान सुख, क्षणिक सुख जीवन में बहुत उनी । संगीत, खॉण, पिण, सिनेमा, टी०वी०, दोस्ती, रिश्तेदारी, घुमण—फिरण, सूरज, चॉद, बर्ख नींद, पाणि, रेत, पेड़ महिला, मर्द, हँसी, नानतिन, जानवर, कहानि, कविता, ईश्वर यो सब खुशी दिनी । सैंणी जरा सा में खुश है जानी । उनार गुण अपनून चैनी । जितण छूँ दिमॉग हुँछ और खुश रूण हूँ दिल ।

आजकल लोग कूनी तुमल पुर कपड़ नि पैर राख । तुम नांगड़े छा । अगर तुमुल मुस्कुराहट नि ओड़ि राखि । खुशी छ यदि हँमू के उ सब मिल जाओ जो हम चौनू । अमीर हुँण, प्रसिद्ध हुँण, बुद्धिमान हुँण, सुन्दर हुँण और सन्तुष्ट हुँण खुश हुण छ । एक मुस्कान खुश करै । गुड मार्निंग ओर बैस्ट ऑफ लक खुश करेनी । मैं हेडमास्टराक साक्षात्कार हूँ इलाहाबाद गयी भयू । चौक में लक्ष्मी होटल में रकयू । रत्ते ८ बजे चैक आऊट करौ । काउन्टर में डबल दिं । बाई मैनेजर ले बैठी भै । अचानक बलॉणो, “गुड मार्निंस सर” मैल ले जवाब देछ । मैं जॉण लाग्यू तो बलाणो । बैस्ट ऑफ लक । मैल बैग तली घरो । सिध वीक



पास गयूँ। उ ठाड हैगै। मैंल विमै उंगवाल हाल दि। थेंक यू। आज इसकी मुझे बहुत जरूरत थी, कौछ मैल। जने रयैँ।

सुख चॉछा तो विकार कम करो। सुखी जीवन मतलब सार्थक जीवन स्वैण यस चैनी कि जीवन अनन्त छ। जियो यसिक कि भौले हूँ मय्यत छ। खुश रहो। हंसा जाई अकेला। पर रुण समाज में छ हैसे—खुशी। हैसण सुकून दिछ। आत्मबल बढ़ो।

खुशी, वास्तविक खुशी प्राप्त करणॉक लिजिया ढैपूटाक खर्च करणौकि आवश्यकता नि हुनि। थोड़ा हाथखुट हिलूण हुनी बस। जीवन में आनन्दायक चीज करीब—करीब मुफत प्राप्त है जानी। आपण घराक आस—पास प्रकृतिक आनन्द लिह्यौ। हमार पड़ौस में एक पंजाबि शर्माज्यू छें 65–70 क हुनाल। उ रत्तै—रत्तै पार्का में न्हे जानी वाँ बैठी रुनी या ठुल पेड़न बै अमर बेल निकालते रुनी। मिडुक, छिपकली आदि कें ले गोरेल देखते रुनी। पुछण पर बतूनी कि बहुत आनन्द आता है। दुहोर संगीत सुणें। तिहोर घराक भैराक नानतिन दगै खेलो। तुमेरि चेष्ठा देखि बेर उनन कें ले आनन्द मिलोल। चौथ घराक जानवरन दगै समय व्यतीत करो। कुकुर बिराऊ। गाँ में गोर, बाछ, घड़ सबनैकि सेवा कर सकन छा। पैचू दोस्तनॉक दगै समय बिताओ। छट्ठ कोई किताब पढो। सतूँ ठंडि जाग में रॉछा तो घाम में बैठी के लेखो। अरूँ प्यार करो। आपूँ आपण स्थिति अनुसार और ले कतुके काम कर सकन छा। जैमे डबल नि लागन पर आनन्द ऊँछ। मैं खुद अस्पताल में जे बेर मरीजनैकि मदद कर दिंछी।

हम लोग आपण साधरण बातचीत में ले आपण कष्ट दुःख और परेशानियूक बात करनूँ। स्वयं दुःखी हुनूँ। दुहारन के ले दुःखी करनूँ। सुख सरसों, दुःख सुमेरू कूनूँ। आपण सुखनैकि बात करो, खुशिकी बात करो। तबै खुशी चारों और फैलेलि। हमार पूर्वज सुख दुःख के सम भावैल लिह्नेर भै और वीत राग हुते हुए यकैं जीवनक नाम दिनेर भै। एक तरफ कोई मरणों। दुहार तरफ एक ब्या हुणों छ। योई संसार छ।

आपण नानछन्याक दोस्तन दगै मिलो। नानछन्याक दोस्ती निष्कपट और निष्छल हुँछ। बाद में त स्वार्थ भरीं। फिर लै दोस्तन दगुड़वन थैं मिला बहुत भल लागलो। बहुत खुशी हुँछ। तबै मैके ओल्ड बाइज वाल रियूनियन

भल लागनी। फौज वाल ले रियूनियन कार्यक्रम करनी। मैं एन०सी०सी० चौद साल कमीशंड ऑफीसर रयैँ। कतुकै रियूनियनन में जॉणेक मौक मिलो। सब बहुतै खुशिक साथ मिलनेर भे। कैटेन गजेघले विकटोरिया क्रौस वाल दगै ले मुलाकात भै और ले कोई मिलेट्री क्रौस वाल, कोई वीर चक्रवाल आदि। बहुतै खुशी हुनेर भे उनन हूँ मिलि बेर। ऊ लड़ाई किस्स सुणूनेर भै। बहुत मज उनेर भै। उभत लागों दगडू कतुक महत्वपूर्ण हुनी। उनैरि याद ले।

उपभोक्तावादी या भोगवादी संस्कृति में लोग विलासिताक उपकरण के जादे महत्व दिनी। यौं इन्द्रिय सुख सन्दरता, संगीत, स्वाद, सुगन्ध और यौन—क्रिडा दगै सम्बन्धित छें। आज सुन्दरता बढ़ूण छूँ हजारों खर्च करणई। जब लोग प्रंशसा कराल तो खुशी प्राप्त होलि। विभिन्न प्रकाराक संगीत सुणनई। हर बखत कानम बटन लागी रॉछ। आपण आप में मरत। चारों तरफ के हुणो है अनभिज्ञ। जिव्हा स्वाद हूँ ले लोग कॉ कॉ जाणई। आज हर देशाक व्यञ्जन हमार यौं उपलब्ध छें। मडुवाक रङ्गाट गूड दगै को खॉ आजकल। भैर गौन में ले लोग मैंगी, पाश्ता खॉणई। आज सैणि मैसाक अलग—अलग इत्र सुगन्ध, नानतिनॉक लिजिया अलग। अब अखबारनौक 25 प्रतिशत भाग इन्द्रिय/सुख बढ़ूणी विज्ञापननैल भरि रुनी। आजकल यन्त्र में ही सुख खोजनी। पर यो सुख यस छे जो सन्तुष्ट कभै नि हुन। बल्कि भूख के और बढ़ूनी।

आज मनोवैज्ञानिक कूणई कि यदि मैंस खुश हवाल तो काम भल होल। उत्पादन बढ़ौल। दफ्तर में हैसी खुशी हो तो काम करण में आनन्द ऊछ और काम ले भल हुँछ। अगर तुम जस छा, जॉ छा, उमें खुश नि है सकना तो फिर आपूँ खुश नि है सकना। आज हर आदिम खुशीक वास्ते आपण आप के बदलण हूँ तैयार छ। हम सब समझनूँ कि खुशी बस अधिल मोड़ में छ। अंग्रेजि में यैथे 'जस्ट एराउन्ड द कोरनर' कूनी। पर यो 'जस्ट एराउन्ड द कोरनर' कतुक दूर हूँ मैके बागशर में पत्त लागों। हम पॉच लोग चुनाव ड्यूटी में भयों। बस वालेल बागशर में उतार दि। वाँ लोगन थे पुछ फलॉ गाँ कतुक दूर छ हो। उनल को पार रस्त छ, अधिल मोड़ में। जाने—जाने 2 घन्ट है गाय। रस्त में ले जो मिलो उ लें कूनैर भै ठीक जॉणेछा, अधिल मोड़ में छ। हम चार घन्ट बाद आपण स्थान में पुजा। जो अधिल मोड़ में छि।

आदिम कतुकै दुःख, कष्ट विपत्ति में हो फिर ले उमें एक आदिम एक कूँ में गिरणें वील एक कमजोर पेड़ोक फॉग पकड़ राख। कूँ में तली एक श्योप। ऊ फॉग के छत विमें बे शहद



टपकणे। आदिम सुख खोलि बेर शहद चाखणे। आज ले उ चित्रै कि याद कर बेर रोमांचित हुनू के कौला यथे जिजीविषा या के।

आज हमोर देश कल्याणकारी देश छ। सबुन थें सुख मिलो। यो लक्ष्य छ। दुनि में भारत सुखी देश छ। पैल बंगलादेश भौतिक समृद्धि तक न्हेति पर सन्तोष छे। जेऽ० कृष्णमूर्ति कूनी उई सुखी छ जो कुछ ले न्हे। मोह न्हें, मोह दुःखी करो। धनी हुँण सुखी हुँण न्हेति। किंगस क्योर में दवाईक नाम पर एक सुखी मैसे कि कमीज पैरेण छि। अफसोस सुखी मैसाक पास कमीजे नि भै। लगोटि भै, आज लै लाग छें तो तुमेरि मदद कर जाल। धन्यवाद ले नि ल्हाल। हमूल ले दुहारन वास्ते जीवित रुणोंक सोचण चैछ। दहारनैकि ल्हियो। (म्यर यो निबंध आत्ममुग्धता, शब्द स्फीति और पिष्टपेषणेल भरि छ।)

•••

गीत

—नन्दावल्लभ पांडे, ज्योलिकोट

पारकि धनुलि भौजी आपण मैत जैरे
घर में आपणि सासु कैं, एकलै छाडि जैरे
वीक स्वामी पल्टन में, कश्मीर बौडर जै रई
नानतिन वीक, पढाई में मगन है रई
आजकल कश्मीर बौडर, लडाई लागी रै
वीक स्वामीकि, बौडर में ड्यूटी लागि रै
भूमिया थान में, हिफाजतकि मनौती माडणै
परमेश्वर थैं हात जोडो, विनती करनै
स्वामी लडाई जिती, सकुशल घर आई जाला
तो मंदिर में इष्ट देवों कैं, पुज पाती चढूला
स्वामी सकुशल घर ऐ गया, धनुलि भौजी खुश है
गेछा
धनुलि भौजी मैत बटी, आपण घर ऐ गेछा
स्वामी के सकुशल देखी, इष्ट देवों कैं धन्यवाद
दिनैछौ।।

थाती—

दोहा—चौपाई

—शेर सिंह मेहता, 'कुमाऊनी', पौलीशीट,
काठगोदाम

चौपाई—

दण्डवत्प्रणाम उ करनाय, दयालु रघुनाथ खुशि है गाय।।

सुणिबेर बाणी प्रसन्न भाय। स्नेह बस आपणि छाति लगाय।।

भाइ समेत साथ बैठौनी। आब कुशल तुम सुणाओ कौनी। कसिक रौछा तुम दुष्टन बीच। निर्दयी दैत्योंक करम नीच।।

नीचना बीच रौण दिन रात। भलि न्हिं लागनि तुमुकै अनीती।।

यसि जागा प्रभु जन हो बास। इहै भौल छौ नरक वास। कुशल सब आब दर्शन पाय। भगवानैल छाति लगाय।

दोहा—

न्हिं छ्वाड़ जैल न्हॉं कुशल, विषय भोग और काम। लीन रौय माया मोह। न्हिं भजन श्री राम नाम।।

चौपाई—

मोह माया क्रोध और काम। इनारै बस न्हिं रौनि फाम।।

कमर तरकस, हाथ धनुष बाण। न्हिं रौनि हृदय क्वे पच्छायाण।

चरण कमलों क दर्शन पाय। सब दुख वीक उभौते गाय।।

जभौते कृपाल भाय अनुकूल, मिटनै जानि यौं त्रिविध शूल।।

पापि रागस मैं नीच स्वभाव। न्हैं भाल करम न्हैं भलै भाव।।

जनुकैं ऋषि मुनि न्हिं जाणि पाय। प्रभुल मैं कैं छाति लगाय।।

दोहा—

ब्रह्म, शिव ध्यान करनी, मुश्किलैल दर्शन पानी। धन्य भाग रागस कैणी, राम ज्यू छाति लगौनी।।

अच्छु हवै

—डॉ महावीर प्रसाद गैरोला

सुमन जी !
अच्छु हवै
जु तुम झट्ट शहीद हवैगयै,
नि खै, नि लैक
सबू का सामणी
यख न
पल्ल झाड़ीक चलगयै
नी त
फजितु भी तुमारु
यख
कम नि होण थौ,
जनु तुमार हौर दगड़ यों कु हवै,
अर मुंडारु भी
तुमू क
यख की क्वाणक्या बातू न
भोतकै होण थौ।

भावानुवादः

अच्छा हुआ

कवि ने सामन्तशाही को बड़े नजदीक से देखा है, इसीलिये इस कविता में कवि महावीर प्रसाद गैरोला टिहरी सामन्तशाही के अत्याचारों के विरोध में 80 दिनों तक अनशन में बैठकर प्राण त्यागने वाले शहीद श्रीदेव सुमन से कहते हैं—

सुमन जी, अच्छा हुआ जो आप शीघ्र ही शहीद हो गये न खाकर, न भोग कर। सबके सम्मुख यहाँ से पल्ला झाड़ कर खाली हाथ चले गये। नहीं तो आपकी भी यहाँ बहुत बेकद्री होनी थी, जैसे तुम्हारे अन्य साथियों की हुई। आपको सिरदर्द (तनाव) भी यहाँ की निरर्थक और लज्जित करने वाली बातों से बहुत होना था।

जिन लोगों ने सामन्तशाही के विरुद्ध संघर्ष किया, जो सच्चे वीर थे उनकी दुर्दशा और जो झूठे, चापलूस तथा निम्न श्रेणी के थे उनके घटियापन से हो रही पीड़ा को कवि ने उपर्युक्त शब्दों में अभिव्यक्ति दी है।

बड़ो आनन्द ऊँची

—वंशीधर पाठक 'जिज्ञासु', लखनऊ

कालि रात स्येति हुनी त बड़ो आनन्द ऊँची।
कौपि किताबनै खेति हुनी त बड़ो आनन्द ऊँची॥
क्यार उगणी फौण्टीन हुनी त बड़ो आनन्द ऊँची।
पाणिल जगणी लाल्टीन हुनी त बड़ो आनन्द ऊँची॥
स्याई का हुना गाड़—गद्यारा त बड़ो आनन्द ऊँची।
बुद्धि में पड़िये रुन छारा त बड़ो आनन्द ऊँची॥
भिदुडुवा फैशन हुना त बड़ो आनन्द ऊँची।
बागन में पिलसन हुना त बड़ो आनन्द ऊँची॥
पात—पतेल लगड़ हुना त बड़ो आनन्द ऊँची॥
रबड़ का लै बगड़ हुना त बड़ो आनन्द ऊँची॥
गरीब सब सेठ हुना त बड़ो आनन्द ऊँची॥
सबै रड़ कमेट हुना त बड़ो आनन्द ऊँची॥
घरै आपण इस्कूल हुनो त बड़ो आनन्द ऊँची॥
मेजा जाग इस्टूल हुनो त बड़ो आनन्द ऊँची॥
रीस मास्टरनै फीस हुनी त बड़ो आनन्द ऊँची।
सरसुती चार—सौ—बीस हुनी त बड़ो आनन्द ऊँची॥
पास हुणी सब फेल हुना त बड़ो आनन्द ऊँची॥
दफतर सब झेल हुना त बड़ो आनन्द ऊँची॥
कानून सब गड़बड़ हुना त बड़ो आनन्द ऊँची।
सबै कवि 'अनपढ़' हुना त बड़ो आनन्द ऊँची॥

पढ़ाओ रे इस्कूला

—कृपाल सिंह शीला, सरपटा, अल्मोड़ा

पढ़ाओ रे इस्कूला ,	फ्री मजी वर्दी मिलैणै ,
पठ्याओ रे इस्कूला।	नी पड़नि फीस ।
गौं — गौंनु में प्राइमरी ,	फिल्टरक नान पाणि पीनी,
तीन मैल में छै हाईस्कूला॥	जब लागिछा तीस॥
पढ़ाओ.....हाईस्कूला ॥	पढ़ाओ.....हाईस्कूला ॥
फ्री मजी, किताब छना ,	नान तुमर आधिल बढ़िला,
फ्री मजी ज्वता ।	दूर हवोलि बेरोजगारी ।
ननु कैं वजीफ मिलाणौ,	घर वाल सब मौज करिला,
और के चहैं आब ॥	नौकरी हवोलि सरकारी ॥
पढ़ाओ.....हाईस्कूला ॥	पढ़ाओहाईस्कूला ॥

कुमाऊँ इंटरव्यू

—प्रस्तुति— राजेंद्र ढैला, काठगोदाम

मैं आज आपूं लोगनक् परिचय करूंग लाग रथूं हमार वरिष्ठ सहित्यकार श्री गोविंद बल्लभ बहुगुणा ज्यू दगड़ी। जनर जनम 8 फरवरी सन् 1951 में ग्राम—बुधाण (मल्ला सालम) जनपद अल्माड़ में इजा स्व.श्रीमती जयंती बहुगुणा व बौज्यू स्व.श्री पंटीकाराम बहुगुणा ज्यू वां भौ। इनैरी शुरुआती शिक्षा नैनीताल में संपन्न भै। यैं कुमाऊँ विश्वविद्यालय बटी इनून स्नातक लै करौ। गोविंद बल्लभ बहुगुणा ज्यू शिक्षा विभाग में 41 सालैकि राजकीय सेवा करते हुए ज्येष्ठ लेखा परीक्षक पद बटी 28 फरवरी सन् 2011 में रिटायर (सेवा निवृत्त) भयी। प्रस्तुत छन इन् दगै बातचीताक कुछ अंश... जनर हाल निवास छ चीनपुर, ऊँचापुल हल्द्वाणी (नैनीताल)

सवाल 1— महोदय आपुण खास शौक के—के छन?

जवाब स्यार खास शौक छन पढन—लिखण, हिंदी और कुमाऊँ भाषा के बढावा दिणा लिजी साहित्य सृजन, कवि सम्मेलन व गोष्ठियों में प्रतिभाग करण।

सवाल 2— उ तीन मन्खीनौ नाम बताओ जनूल आपूं के प्रभावित करौ?

जवाब● शिक्षा क्षेत्र में स्व०जनार्दन जोशी, भू०पू०उप शिक्षा निदेशक कुमाऊँ मंडल, नैनीताल। लेखन के बढावा दिणाक लिजी बाल प्रहरी पत्रिका संपादक, उदय किरौला ज्यू और कुमाऊँ साहित्य में लेखनाक लिजी डा०हयात सिंह रावत ज्यूल प्रेरित करौ।

सवाल 3— आपुण लोकप्रिय मनखी को छन?

जवाब● माननीय श्री नरेन्द्र मोदी ज्यू।

सवाल 4— कुमाऊँ लोकभाषा बचूण किलै जरूरी छ?

जवाब● कुमाऊँ भाषा हमरि पछ्याण छ। हमरि मातृ—भाषा छू। यकें बुलाण में यस लागू जाणि मैं आपणि इज दगड़ि बुलानयूँ। मैं के कुमाऊँ लेखते—लेखते यैक बिना पढ़ी—गुणी यतुक अभ्यास हैगो कि जब मैं हिंदी में लेखों तो कतु बखत आफी—आफी कुमाऊँ शब्द बीच में लेखी जानी। यो महानता छू हमेरि दुदबोलि में।

सवाल 5— आपूं साहित्यकि को—को बिधा में लिखछा और आपुणि लिखणैकि मनपसंद बिधा के छ?

जवाब● मैंन सामान्य हिंदी और साहित्यकि हिंदी द्वीनै बटी ग्रेजुएसन करौ। रस, छंद अलंकार पढ़छी। कविता पढ़न में

आनंद ऊँच्छी। यैक वील मेंके काव्य विधा भलि लागें। मेरि पैल पसंद कविता छ, निबंध' दुसरि छू। कहांणि — उपन्यास काल्पनिक हुनी यैक वील लेखणक् मन नि करन।

सवाल 6— अगर क्वे नवोदित लेख्वार आबेर आपण लेखन कार्य में सुधार करणाक लिजी सुझाव मांगलौ कि कौला उधैं?

जवाब● उधैं योई कोंन कि पैली भाल विद्वान लेखकोंक किताब पढौ, विद्वत जनोंकि सोबत करौ। आफी जीवनाक हर क्षेत्र में जरूर सुधार आल। आपणि दुदबोलि आपण जनमभूमि—मातृ भाषा दगड़ि लगाव धरौ और आपण ईष्टक हर बखत स्मरण करते रओ। यैल जीवनकि हर क्षेत्र में निश्चित तौर पर सफलता मिलैलि।

सवाल 7— आपणि जिंदगीक एक यादगार किस्स जो सबन दगड़ी साझा करण चाँच्छा।

जवाब● मैंन नैनताल बै पढ़ाई करै और सरकारि सेवा शुरुआत लै नैनतालै, सचिवालय बटी सन् 1970 में करै। एकबार में सी०आर०एस०टी कॉलेज बटी छुट्टी बाद पुठ में बस्त ली बेर मली सैनिक स्कूलकि चढाइ चढनैछी। एक करीब 6 सालक बच्च डाड मारनै मली हूं बाट लागी भै, मैंके उ गोंपनक जै लागौ। कां रुंछै कयत कूण लागौ ‘तिराइ कौ तिराइ’ कुनेर भै। भुक जै लै लागी भै ऊकें। मैं उकें आपण दगै घर ली गयूँ। वाट खवाई। बस्त धर बेर तली हूं लि गयूँ। ऐगो त्यर घर कयत, तिराइ कौ तिराइ कुनेर भै। ली जाते ली जाते सांस हैगे आब के करछीं निधान्हैं उकें थांण में सोंपन्वं



थाण में ली गयूँ। जसै थाण भतेर पुज्यों त थाण में खुशीक लहर छै गै। पुलिस वालौ कै बच्च भै उ, जो राणिखेत गों बटी कुछै टैम पैली नैनताल आई भै। पुलिस वाल खुशि हैगे। यो सन् 1967–68 की बात हुनेलि। आजकि बात जै हुनी इनाम मिलन अखबार में तबलै छपन। मेंलै खुशि है बेर घरहें नसि आई।

सवाल 8— कुमाऊनी में प्रकाशित (किताबौं) रचनाओं नाम के—के छन आपुण?

जवाब● 'शिक्षादान' हिंदीकाव्य संग्रह 2008

कुमाऊनी काव्य संग्रह 'काव्यांजलि' प्रकाशनाधीन तथा बिभिन्न पत्र-पत्रिकाओं में समय-समय पर लेख व कविताओं के प्रकाशन।

सवाल 9— लेखन कार्य करते हुए आज तक के सम्मान और पुरस्कार मिलि रयी, सरकारै तरबै लै कमै क्वे मदद मिलै?

जवाब● हिंदी साहित्य सेवाक लिजी "समग्रता" शिक्षा-साहित्य कला परिषद, कटनी म०प्र० की "भारत श्री" मानद उपाधि अलंकरणकाल वर्ष 2008 में सम्मानित। बाल सहित्य पर बाल प्रहरी पत्रिकाक "सृजन श्री" सम्मान। उत्तराखण्ड भाषा संस्थान देहरादून बटी लोकभाषा साहित्य सृजन प्रमाण पत्र।

कुमाऊनी भाषा साहित्य एवं संस्ति प्रसार समिति कसार देवी अल्मोड़ा द्वारा कुमाऊनी भाषा सेवी सम्मान 2014. राष्ट्रीय सर्व शिक्षा अभियान के सहित्यिक विधा द्वारा सफल बणाना लिजी शिक्षा विभाग द्वारा प्रशस्तिपत्र।

सवाल 10— आपुण जिंदगी क मूल मंत्र कि छ?

जवाब● सत्यमेव जयते।

सवाल 11— पहाड़ी खाणु में आपूं के खाण भल मानछा?

जवाब● घौतक रस भात और ध्यूं चुपड़ी बेडू वर्ट (रुटौव)।

सवाल 12— आपुण मनपसंद कुमाऊनी लेख्वार को छी और वर्तमान में को छन?

जवाब● पुराणन् में शिक्षाविद प्रधानाचार्य स्वर्गीय चारु चंद्र पांडे ज्यू और वर्तमान में प्रो० शेर सिंह बिष्ट ज्यू सेवा निवृत हिंदी विभागाध्यक्ष कुमाऊं विश्वविद्यालय शोबन सिंह जीना परिसर अल्मोड़ा।

सवाल 13— टीवी. में के देखण भल लगौं?

जवाब● रामायण सीरियल पैल पसंद छू। बांकी समाचार भै। काल्पनिक नाटक, सीरियल मारधाड़ भल नि लागन।

सवाल 14— आपण शब्दों में साहित्यकि परिभाषा बताओ?

जवाब● यो त भौत कठिन प्रश्न ऐगो

साहित्य समाजक ऐन हूं। समाजकि भावाभिव्यक्ति कें लेखबेर या बुलै बेर प्रकट करन साहित्य भै म्यार ख्यालल।

सवाल 15— आब् जबकि आपूं सेवा निवृत (रिटायर) है गहा तो आपुणि दिनचर्या कसी बितैं के—के करछा आपूं?

जवाब● मैं अच्यालों कोरोना काल कें छोड़ि बेर रोज रत्तै पांच बाजी उठूं। एक गिलास गरम पाणि पीबेर पांच किं०मी० टहलों। घर ऐ बेर चाड़न कें दाण द्यों। नै—ध्वेबेर पुज में बैठूं तब हल्की कसरत करों।

फिर नास्ताक बाद अखबार पढ़ूं। यसिक हैं दिनकि शुरुआत।

अच्यालों समयानुसार दिनचर्या में एक नई आयाम जुड़िगो। रत्तै मोबाइल में मैसेज चौक करनक। भौत भल लागू आपणनकि कुशल बात जाणन और वटसफ में दुहारनके मैसेज भेजन।

आखिरी सवाल

सवाल 16— कुमाऊनी बोली—भाषा प्रेमीन हूं के संदेश छ?

जवाब● कुमाऊनी बोली—भाषा प्रेमीन धैं योई कूण चां कि कुमाऊनी कें संविधानकि अर्ठूं अनुसूचि में धरणाक लिजी आब जी ज्यानल ठाड़ हैं जाओ।

सवाल— क्वे यसि बात जो आपण तरबै कूण चांछा?

जवाब● उ युवा नयी पीढी धैं कूण चां जो कुमाऊनी बुलाण में शरम करनै कि भई आपणि भाषा कुमाऊनी में खुलि बेर बात करो झिझक के बातकि? अगर हम कुमाऊनी में आपसम बातचीत करुल तो समझो कि हम आपण पितरों, आपण मैं बाबूक सम्मान करनयां। तुम ब्या काजों में कुमाऊनी गीतों धुन में खूब नाच लै करछा पर आपण घर भितेर और दोस्तन दगड़ी कुमाऊनी बुलाण में किलै शरमाछा?

झिझक छोड़ो

कुमाऊनी दगै जुड़ो।

धन्यवाद।

कुमगढ़ में लेखौ कुमगढ़ में लेखाओं
कुमगढ़ बाँचौ और औरन कैलै बाँचाओ।।

रत्ने क भुली ब्याल घर पूजनयी

—ज्योतिर्मई पंत, गुरुग्राम (हरियाणा)

आज पच्चीस साल बाद नान दा आपुन घर वापस पुज गे ,एकदम शहरी ठाठ वाल ,सब मिलण हुँ ऐ । मन में संकोच लिह बेर .पैली ले एक द्वी बेर जब उ गौं अ ई तो ककैं मुख्य नि लागु नेर भै ,सब लोग गँवार अनपढ़े जस भै उनार लिजी, सिद साद नान्तिनान क ले उपहास करि बेर रुलै दि नर भै र भै । उनार जाइ बाद घरवाल सबन थें माफी मांग लिह नेर भै ,आपुन घर में ले सब कामन में रोक टोक 'नै नै ईजा !' तौ दूद की मलाई हथैल किले नि कालन छी , तौ बोज्यू तो सब नान्तिनान के हाथै ल दाल भात ख ऊ नें । कतू धूल मात है रौ सब जाग?

वीक नखार देखि सबै हैरान ! किले तू ले यासीके तुल । किले सब भूल गोछे ?आपुन जड़न कैं छोड़ी बेर कोई नई पनपन चेला ! ?

पर आज तो औरी बात देखि रै । सबै कोरोना वील दूर दूर ठाड़ है बेर बात करनीं पर आज सबन दगड़ मिल बेर खुशी देखिनों ,ब और तो और आपुनि भाष में बलान सुणी बेर , देखि सबै अर्चभित छन , फिर जब शहर शहर गांव गांव में यो कोरोना बीमारी हाल बतै और कसिक वीकी फैकट्री ले बंद होगे .मजदूर घर लौट गे , और जसिक तासिक तीन चार महीन तो कटिगे । पर अधिल के हॉल के निश्चित नी है सक तब उकैं आपुन इज बाबू मैं बैनी याद ऐगे ।

इज कुनेर भै चेला ! जसिक सब परवर याँ छू तू ले रौले . शहर कतुके भल हो पर आपुन तो क्वे नि हुनेर भाय । दुःख सुख में आपुणे काम ऊनि याँ ले तू के काम करि सकैं छे पर तू नि मान ने पै के करूँ मैं यपर जब ले मन हो लो आई जायै । हम आस लगे राखुल तेरी वापसी कि । अब लॉक डाउन में छूट मिलते ही वापस ऐ गे आपुन घरवाली और च्योल दगड़ । इज बाबू तो खुशी मारी अलबले गर्यों और आम तो भौते खुशी हैरै । कूँण लगी हे इष्ट देवो ! सन्मति दे त्वील आज ।

और यो कोरोना जै ले छू जस ले छू रे ।

ओ कोरोना तू कतु के ले विनाशकारी है बेर ऐ रोछे .पर त्वील सबै मनखीन कैं भल सबक सीखे दे । मान ,सम्मान,सद्भावना और संवेदना क पाठ फिर से याद दिल दे ,धन दौलत , लोभ लालच ले कभते व्यर्थ जस है जां, रत्ने भुली ब्याल घरपुज गर्यों । तेर ले धन्यवाद ।

2—घर वापसी

आज खिमुलि दिदि भौत सालन बाद आपुन गौं में पुजी । घरै क तरफ चढ़ाई शुरू कर छी कि कतुके नान्तिन ऐगे " आमा ! कॉं जांण छू ?यो सामान दियो हम पूजे दिनु ।"

खिमुलि इथकें उथकें चाण लागि । यो आम कथैं कूँण लाग रई । फिर आ फी हँसण लागि । ओहो ! मैं तो अब बूढ़ी है गयुं । अब क तु क बखत हैगे जब याँ बचपन बिता । खिमुली—खिमुली दिदि तक । फिर ब्या बाद सरास में कतुके रिस्त कतू के नाम भैर वालन हुँ आंटी ।

घर पूजी बेर वील उ नान्तिनान के धन्यवाद कौ । फिर आपुनि बोज्यू थें के बेर उनू केन चाहा पाणी पिवै. बेर विदा करो । पर वीक मन में आई लै "आमा" सम्बोधन घूमने रो । अब आपु हुँ "आमा आमा "सुनि बेर तो बहुते आश्चर्य हैगे ... खिमुलि बै आमा हुण तक यो उमरक सफर याद करते ही उ कें आपुन बचपन सिनेमाक रील जैस घूमी गे । पुराण जमान में घर गौं में आमक पदवी कतु सम्मान वाली हुनेर भै । घर—द्वार,अड़ोस—पड़ोस कैके के काम काज हो , हारी बीमारी हो ..के ले परेशानी हो तो पैली आ मक सलाह चौनेर भै । घरेलु इलाज हो ,पूज पाठ हो ,सब जानकारी, गीत संगीत ,कर्मकांड सब आमै बतु नेर भै .आमतौर पर आपस में जो ले मतभेद हो । कहा सुनी है जौ ,पर आम जे ले सलाह देली या फैसला करली । तो सब स्वीकार कर लिछी । किलैकि उ बुजुर्ग और अनुभव वाली हुनेर भै । सबै नान्तिन ले आम दगड़ सब बात कर नेर भै । आपुन इज बाबूक शिकायत ले निसंकोच कई दिनेर भै । काथ कहानि क आण नक् खजान ले आमे हुँछि । कोई ले आम सबनकि है जाढी । "जगत आम" है जानेर भै ।

गौन में शायद आजि ले यो परंपरा जिंदा हुनली तबै यो अनजान नान्तिन खिमुली थें आम बुले बेर मदद हुँ ऐगे । शहरन में तो बाते और हैगे । आस पड़ोस तो छोडो घर में ले दादी नानी तो अब विलुप्त प्राणी जस हुण लग रई. घर में या तो बेकार सामान जस परिस्थिति ,या घरक काम में मदद गार । च्यल ब्वारिनाक अधीन । अधिकतर आम बड़बाज्यू लोग तो उ म रक अंतिम पड़ाव में .वृद्धाश्रम में जिंदगी काटण हुँ मजबूर छन । खिमुलि तो कुछ समयक लिजी ऐ रैछी । आज नान तिनक संस्कार और गौं वाल नक् प्यार देखि वील याँ रुणक मन बणे हालो ।

कुमगढ़ में लेखी विचार लेखकों क आपण विचार छन । इनू पर संपादक मण्डलक सहमत हुण जरुरी नहैं ।

—संपादक

बखता तेरि बलाई हैंगे

—प्रेमा गड़कोटी, अल्मोड़ा

मैसक् करम मैसक ख्वार हैगे
मनखि मनखिकैं देखि डर हैगे
मुख लुकायि फिरणौ कां दिखां
कसि यौहायि तवायि हैगे रे
बखता तेरि बलायि हैगे रे।
कस ज खानु कतु जै खानु हैरैछि
आपुण है पैलि त्यर जै खानु हैरैछि
तू जाछैं मैं जै जानु हैरैछि
हाय कसिका आब खानु हैगे रे
बखता तेरि बलायि हैगे रे।
एक दुहरैकि दुस्मण है गेछि
तु नान् मैं ठुल में रै गैछि
निगुरि मायिक पछिल पड़ रैछि
आफि आपुण निभुगतैणि हैगे रे
बखता तेरि बलायि हैगे रे।
कुडि बाडि खौनार कर गैछि
दार पतार सब बेचि खैहैछि
दुंग पाथर उचेडि खै गैछि
घुनमुन टेकने घर लौटि पडि रे
बखता तेरि बलायि हैगे रे।
अधेयि गिरवी जैदाद छुट्याण फैगो
बाजि पडि गडा में हौव जै पड़न फैगो
परदेस जायि च्यल आब लौटि ऐ गो
पहाडा शैद त्यर दिन ऐगि रै।
बखता तेरि बलायि हैगे रे।



गीत

—एम०एन० गौड़ 'चन्द्रा', सत्ती चौड़, कोटद्वार

मैं डाना रूनै रयूँ मैं काना रूनै रयूँ।
इकली पराणी ल्ही कां कां नि गयूँ॥।
झुर-झुर झुरि रै, यो मेरि काया,
कैल बैणि हवेलि रे यो मेरि माया,
नक दिन ऊनी यो लै सुणि छी हौ
आपणी नि हुँनी, आपणी छाया।
सोचनै सोचनै टूटो मन को धीर।
रात का सुपीन ल्ही मैं बैठि रयूँ॥।
मन की नि थामिनि पॉणि लै तीस,
उमर छौ लम्बी नै दिन दस बीस,
भाग को फेर, यसौ होलो मेरो,
विधाता दगड़ि, किलै फेडुं रीस।
कैं कैणी दोष किलै भागी.....दीण।
तुकैं जै य दोष किलै मै दिनयूँ॥।
कमै लै नि करणि झुठि रे प्रीत,
झूठी हि छना यो दुणिया की रीत,
मतलबी हुँनी यॉ अपण विराण
सुद्दै नि करणी, कैकि परतीत,
आपणी सांस अब है ग्ये छ.....भारी।
आपणो हि दोष, आफि हि मैं खैयूँ॥।
क्या मैं हु बरंखा, क्या मैं हुँ घाम,
रत्तै ब्याव छौ मेरो रुँणो को काम,
सुख नी मिलो त, दुखत मिल लै,
आपण हि हात्ते लै मिटै हॉलुँ नाम,
माया कि नी खॉणि कभि झुठी सौँजॉ॥।
पाथर की रेख जै मैं लेखि गयूँ॥।

पच्छांण

— डॉ० सत्यानन्द बडोनी, देहरादून

छवी बिंजा पुराणि छः। एक रजा थौ, जु एक दिन अपणा बजीर, नौकर अर शिकारी कुत्ता लितैं शिकार खेन्न एक घनघोर बण मा चलगि। बण मा फिरफारड़ि अर ढंणकि—ढांणकिक ऊं तैं कखि बि कवी शिकार नि मिलि सकि। ऊं तीनि बण मा भटकीदि रैन पर कुछ कत्त नि मिलि ऊंतैं। रजा खौलै सि गै।

ऊं बण मा भटकण पर हि था लग्या कि तबर्यौं एक मृग बि मौति मारयुं भटकूदु—भटकूदु ऊनै ऐगि जथैं ऊं तीनि था। कुत्ता मृगा पीछाड़ि दनकीदि—२ कै दूर तलै चलगि। जख एक छप्पर थौ। छप्पर मा एक काणू जोगी बैठ्यूं थौ। काणा जोगी जाणिक छप्पर का चारि तरफ धुमि तैं तीन पैर धरणी धरै एक पैर आगास, बिना द्यौरौ कु बरखा करे धन हो महाराज, कुत्ता अग्वाड़ि चलगि। वैन सोचि काणा जोगी तैं मृगा बारा मा पूछिक व्यौ फैदा नि छः।

बिंजा देर ह्वैगि कुत्ता बौड़िक नि ऐ तड नौकर कुत्ता का खोज मा बण जथैं चलगि। जान्दी दां बाटा मा नौकर तैं बि वीई छप्पर दीखेगि जख काणू जोगी बैठ्यूं थौ। रजौ कु नौकर जु थौ, वैन छप्पर मा जै तैं बड़ी तड़ि मा जोगी तैं पूछि कि “अबै हों काणा जोगी त्वैन इनै एक कुत्ता जान्दु बि देखिं” नौकरै बात सुणि जोगी तैं गुस्सा तड बिंजा आयी पर! जूरा देखिक काल डरु वालि बात थै। जोगी नौकरै कि बात कन्न सि चितैगि थौं कि यु कै रजा कु नौकर ह्वै सकदु। इन बात एक नौकर हि करि सकदु। वैन नौकरै बात नि गणाईं अर नड क्वी हुंगारू भरि। नौकरा नाक मा जख्या तिड़िगिं। पर! करदु क्य। ऊं बि अग्वाड़ि कुत्ता का खोज मा चलगि।

कुत्ता अर नौकर जब बिंजा देर बीटि उण्ड नि आईन तड बजीर तैं चिन्ता ह्वैगि कि यी आखिर मा गै तड गै कख छन। ऊं बि रजा तैं पूछिक ऊं द्वीयों तैं खोजण चलगि। चलदि—२ बजीर बि घनघोर बण मा चलगि। कखि कवी नि मिलि। बजीर जी परेशान। बजीर जी अग्वाड़ि चल्दु रैन अर ऊंतैं बि वख वीई एक छप्पर दिखेगि। जख ऊं काणू जोगी विराजमान थौ। मंत्रीजीड़न जोगी तैं प्रणाम करि अर बड़ा विनयभाव सि पूछि कि “साधु महाराज जी आपन इनै एक कुत्ता अर एक आदमी बि जान्दु देखिन ?” जोगिड़न ऊनै अपणि धौण हलैक हाथन इशारू करि कि, ऊंथै गैन। बजीर जी बि ऊंका खोज मा अग्वाड़ि चलगिन।

अब तीनि गोळ। रजा ऐखलि छुटगि। घणु बण

दोफरौ कु घाम, तीसन गलु उबैगि। रजा का कंठ सुखगिन। घाम, पाणि, दुःख बिमारी अर समै कै तैं नि देखदु। वखमा कवी रजा हो या रंक। तन बि रजा, कोगळा शरील कु। पर रजै नाकै बात थै। आखिर मा रजा बि ऊं तीन्यों तैं खोजण तैं बण मा चलगि। भटकि—भाटकिक घणा बण मा चलगि। संजोग सि वख वै तैं बि वीई छप्पर मिलगि, जख जोगी सूरदास जी था बैठ्यां।

रजा खांसी—बासी अर छप्पर मा चलगि। जोगी बाबा तैं बड़ा आदर सि प्रणाम करि। बड़ा आदरभाव सि काणू जोगी बाबा पूछि “ महाराज आपन इनै कवी जान्दु बि देखिन ? कृपा करिक बतै द्या। ”

जोगिड़न रजा तैं जबाब दीतैं बोलि “ जी हां अन्नदाता। ” रजा असमंजस मा पड़कि कि जोगी तड अंधु छः अर ऐन कन कैक पछ्याण्यो मैं, कि मैं रजा छौ।

जोगिड़न बोलि “ अन्नदाता! एक मृग इथैं बीटि दनकि पर! मृग का पोटका मा बच्चा थौ सैत मा। आपौ नौकर अर मंत्री जी मृग का बाना इथैं गैन। अब अन्नदाता आप अफि यख ऐन तड तब बतौणु छौ, नितर मैं जोगी कु कैन क्य कन्न।

जोगी कुछ हौर बोल्दु तड इथा मा रजा लगदा—बगदि करिक अग्वाड़ि चलगि। जथै जोगिड़न रजा सनकाई थौ.....। रजा जै बि नि थौ कि ऊं क्य देखदु कि तबर्यौं ऊं तिन्यौन मृग खोजी तैं मार्यालि थौ। रजा जोर सि भट्याई “ ठैर जा रे पैलि। पैलि तुम ऐ मृगै गेर फाड़ा। ” किलै कि वे तै जोगी बात याद थैं। मृगै गेर फाड़ि तड द्वै वीई छः जु जोगिड़न बोलि थौ। मृगै गेर पर एक बच्चा थौ। रजा एक दां तड हकभकक.....। रजा का ज्ञानचक्षु खुलगिन कि आखिर मा जोगी तैं कनै पता थौ कि.....। जोगी जरूर क्वी ज्ञानी पुरुश छः। यांसि पैलि जोगी बाबड़न कुत्ता, नौकर अर मंत्री का बारा मा बतै यालि थौं कि ऊं क्य छन।

रजा सुरकि—सुरकि ऊं तिन्यों तैं छोड़ि काणा जोगी बाबा मा चलगि। जोगी बाबा चितैगि कि रजा फिर किलै आयी। रजड़न जोगी बाबा सि बोलि कि “ बाबा! आपसि कुछ सवाल कन्न था जु तुमारि आज्ञा हो तड। ” जोगी बाबड़न मूण्ड हलैक मंजूरी दीलि अर दगड़ा—२ रजा तैं भ्वां बैठणा खातिर सनकैक बोलि।

रजा एक याचकै तरौं जन बाकि मा बाक बुलैून जायूं हो। रजड़न जोगी बाबा सि बोलि कि “ बाबा आपन हम तैं बिना आंखौं ह्वै तैं कनै पछांणि? मेरा मन मा आपकु सम्मान बढणु छ। कृपा करिक बता कि आपन बिना औंखौं ह्वैतैं इन कनै

जाणि कि कु क्य छः | कन छः |”

जोगी महाराजडन बोलि कि ” अन्नदाता! मृग इनकैक पछांणि कि ऊ डर्यू-डर्यू सि थौ लगणु। मृगै कि दनकदि दां थुम्मक-2 सि अवाज थै औणि। मैन चितैलि कि मृगा का पोटका मा बच्चा छः। कुत्ता मैन यान पछाणि कि ऊ मेरि झोपड़ी का चारि तरफ धुमि अर फुण्ड चलगि। मैन चितैलि कि यू कै रजौ कु शिकारी कुत्ता छः। नौकर मैन यान पछांणि कि वैन बिना सोचि समझिक मैं सनै काणा समझिक निरादर भाव सि भट्याई कि ओ काणा जोगी त्वैन इनै क्वी जान्दु बि देखिँ। मैं चितै ग्यौं कि यू कै रजौ कु नौकर हवै सकृदु। मंत्री जी यान पछांणिन कि ऊन विनम्र भाव सि बोलि कि हे साधु महाराज तुमुन इनै क्वी जान्दु बि देखिँ। इन एक छोटु आदमी नि एक मंत्री हि बोलि सकृदु।” रजा छक्क खुश हवै अर जोगी कि बात सि खितखित हंसण लैगि।

रजडन अचाणक बोलि “अर मैं तैं”। जोगी धर्मसंकर मा। रजा जु हवै। समझ मा नि आलु सर कलम करि देलु। पर जोगी तड जोगी हवै। वैन बोलि कि ” अन्नदाता ! आपै विनम्र मधुरवाणी अर आदेश का समान बोन्न सि मैं तैं पता चलगि थौ कि आप क्वी जना कना आदमी नि हवै सक्दन। इन बात एक रजा ही करि सक्दु” जोगी बात सुणि तैं रजा बडु प्रभावित हवै अर जोगी बाबा का खुठौं मा लमसठ हवै तैं याचना कन्न लगि कि महाराज आप यीं कुटिया तैं छोड़ि मेरा रजवाडा मा चला तख आपै नौकर-चाकर खूब सेवा-टौळ करला। मैं बि कबि कबार आपै सेवा करलु। आप आज्ञा दया” जोगी बाबडन आग्रै खातिर हुंगारु भरलि। जोगीन बोलि कि मेरि एक शर्त छः। मैन एक दां मा छः छटांग खाणौ खाण। शर्त मंजूर छः तड, तडन बोला।” रजा एक दां तड इन शर्त सुणि चकरै सि गै। पर रजडन धौण ढगडेक शर्त मान्यालि अर बड़ा मान सम्मान सि जोगी तैं रजवाडा मा लैगि।

रसौया तैं बुलैक रजडन बोलि कि ” जोगी बाबा तैं सदानि छः छटांग राशन गाड़िक खाणौं बणैक खलौण छः। यखमा क्वी कमि नि होयीं चैन्दी। रजौ हुक्म थौ तड, क्य मजाल कि छः छटांग सि एक रति बि कम हवै जाऊ।

सदानि जोगी बाबा तैं छः छटांग का हिसाब सि खाणौं बंण लगि। इन-2 करिक बिंजा दिन बितगिन। एक दिन रजा जोगी मा आयी अर बोन्न लगि कि ” हे महाराज हैका रियासत मा एक रजै कि एक नौनी छः जु बड़ि स्वांणि छः। वीं तैं मैं प्यार करदौ। वा बराबर मैं तैं चिटी-पत्री देणि रन्दी। मन करदु कि वींसि व्यौ करौ कि नि करौं। कृपा करिक आप वीं तैं देखिक आवा कि वा कन्न छः।”

अन्नदाता वीं नौनि तैं देखण तैं कै आँखौं वाला तैं भेजा दौं, मैं काणा आदमी तैं किलै भेजणा ?” जोगिडन हाथ जोड़िक बोलि। रजडन बोलि कि ” मैं तैं आप पर पक्कु विश्वास छः कि ये काम आप हि करि सक्दन।; इथा बोलिक रजडन जोगी बाबा

दगड़ि एक नौकर अर नौनि तैं एक प्रेम पत्र दी तैं वे रजा का यख भेज्यालिन।

जोगी बाबा अर नौकर वे रजा का रजवाडा मा जै तैं अपणा रजौ कु दीन्यू प्रेम पत्र वीं नौनी तैं दियालि। कुजाणि चिट्टी मा क्य थौ लिख्युं। वींन ऊं द्वीयों कि सेवा-टौळ का खातिर कै नौकर चाकर रखिक खूब इंतजाम कर्यालि।

”जोगी बाबा निपट काणा छन” एक घड़ी नौनी भर्मे सि गै कि आखिर मा रजडन इन जोगी किलै भेजि होला। नौनी सोचण हि थै लगि कि तबर्यौं जोगिडन बोलि ”कन्या तू खै-पीकै मेरा कक्ष मा बैठण ऐ जै। त्वैसि मैन क्वी खास बातचित कन्न।” नौनी धौण ढगडेग फुण्ड अपणा कमरा मा चलगि।

घड़ैक मा राजकुमारी वे कमरा मा ऐगि जख जोगी थौ सेयू। द्वार ठखटेन अर बिना झिझकिक जोगी का कमरा चलगि। जोगिडन बोलि ” ऐगि बेटी ” राजकुमारिडन बोलि ”जी बाबा।” जोगिडन बोलि ” बेटी द्वार लगै दी, बथौं औणु छः।” वीन द्वार लगै यालिन। जोगिडन फिर बोलि बथौं सि छः औणु त्वैन क्य छः पैरयूं ? ”रातै पौशाक” राजकुमारिडन बोलि। ”मेरा आँखा झिलमिलाण छन लग्यां, उजाळु बन्द करदि” राजकुमारिडन झटकैक उजाळु बन्द कर्यालि। जोगिडन बोलि ”बेटी तू आज्ञाकारी लगणिं छः, हंसमुख बि लगणि छः तू।” अब तू जै सक्दि ” जोगिडन बोलि। राजकुमारी अपणा मन मा बोनि कि जोगी बि क्य सनकया छः। वा कमर मटकैक अपणा कमरा मा चलगि।

रात खुलि, जोगी नौकर दगड़ि वापस मैल मा ऐगि। रजा तैं तड रगर्याठ थौ लग्यूं कि कब जोगी बाबा आलु अर कब कानि सुणालु। रजडन कतामति सि जोगी पूछि कि ”महाराज मेरि पसंद कन्न लगि ?” राजकुमारी सुन्दर स्वांणि, गुणि, आज्ञाकारी छः पर !।” इथा बोलिक जोगी नैनसुट हवैगि। ”महाराज साफ करिक बोला दौं” रजा एक याचकै तरौ बोन्न लगि।

जोगिडन बोलि ”अन्नदाता सच्च बडु कडु होन्दु ,ऐ तैं जना-कना पचै नि सक्दन।” रजडन फिर बोलि ”बाबा मैं एक रजा छौ, तुम बता।” ठीक छः अन्नदाता आपै हुक्म सर आँखौं पर ”महाराज आप जोर देण हि लग्यां छन तड बतै हि देन्दौं। वा राजकुमारी कै वैश्य कि दूधै चितेणि छः। मेरु विश्वास नि होणु तड कै हौर सि जांच-पडताल करै सक्दन आप।”

रजा एक घड़ी सुन्नपट हवैगि। आखिर मा रजडन सोचि कि बिना मर्या स्वर्ग नि होन्दन, अर वेश बदलिक अफि वीं राजधानी मा पौंछगि जख राजकुमारी थै। राजधानी मा जै तैं रजा तैं एक बूढ़ा जी मिलगिन। रजडन ऊंका धोरा बैठीक सेवा-सौळि लगै अर धौर-बौण कि राजि-खुशि पूछि तैं इनै-ऊनै कि छ्वी लगैक हबरि-2 बोलि ”बड़ा जी! यखा रजै कि कति राणी छन ? बुढ़ा जीन बोलि बेटा तडन छैछ बि छः अर



ना बि। "मतलब" रज़ून बात काटिक बोलि। बुढ़या जीन बोलि "एक दां रजा वेश्यालै बीटि एक नौनी तैं मोहवश दरवार मा लैगि था अर आखिर मा वा अपणि राणी बणैलि। देखण दर्शनै खूब थै। गुणत्याळि बि थै। रजा जु था। अफि मालिक, अफि सब कुछ। प्यार होन्दु हि अंधु छः। आज रजै कि वीं वैश्य सि एक ज्वान नौनी छः। जु कै स्वर्गे परी सि कम नि छः। अचक्यालु एक रजा वींका धक्कौ पड़यु छः बल। बात सच्चि हो या झूट, मैं नि जाण्डौं.....। तज़न बि बिना फूल्यां कुतराण नि औन्दी।"

खैर रजा छ्वी—बात लगै तैं फुण्ड चलगि। रज़ून मन हि मन सोचि आखिर जोगी मा इन क्य बात छः। सोला आन्ना भर सै होणि छः ऊंकि बात।

रजा मैल मा आयी अर जोगी मा जै तैं बोलि "बाबा! आपत्तैं कनै पता कि वा नौनी एक वैश्या कि नौनी छः? जोगिन बोलि' कि अन्नदाता जब वा आज्ञा सि मेरा कमरा मा आयी अर जन मैन वींतैं बोलि तनि वीन करि। वीन बिना लोकलाज अर बिना ठिठकिक मेरु बोल्यु मानि यालि। एक ज्वान नौनी कै अपछांण मणस्यारु का कमरा मा कनै जै सक्दि। हमारा पुराण अर बड़ा—बुढ़या बतौन्दन कि ज्वान नौनी—नौनौं कु बै—बुबौं अर भाई—बैण्णौं दगड़ि ऐखलि सेणु अर रंणु वर्जित छः। हमारा पूर्वज था हि इन बड़ा समझदार। जब कबि इन क्वी नखरि घटना घटि होलि तड़ तबि तड़ ऊंन इन बोलि। इलै मैन चितैलि कि इन बात एक वैश्य हि करि सक्दि।

इन सुणिक रजा बड़ु खुश हवै अर पुळकिक बोलि कि "साधुबाबा मैं कन्न छौं?" जोगिन बोलि "अन्नदाता आप इथा बड़ा रजा छन।" जोगिन सोचि अब तड़ मरण्यौं बोल्दौं तड़ तब बि अर नि बोल्दौं तब बि घौण कटैण हि छः। कन स्यामत आई मेरि।

रजा चितैलि कि जोगी डरगि। रज़ून बोलि "बाबा क्य सोचणा, झट करिक बता।" "मैं तड़ चितौणु कि आप बि कै बण्यां कि सन्तान छन।" रजा तैं एक दां तड़ गुस्सा बींजा आई, पर गुस्सा पी तैं रज़ून बोलि "तुम इन कन्नै बोलि सक्दन?"

जोगिन निडर हवै तैं बोलि' "आप राजमाता तैं पूछि सक्दन सच्च कु सच्च अर झूट कु झूट कु पता अफि चलि जालु। बोल्दा छन कि माता जाणु पिता अर कृश्ण जाणु गीता" या बात रजा तैं तिमला फूल्यां सि थै लगणि। वे तैं अति गुस्सा ऐगि, गुस्सा का मारा वेका ऑख्या लाल—भिताल व्हैगिन। वैन अपणि तलवार गाडि अर अपणि बै राजमाता मा गै, अर डूकरताल मारिक बोलि "बै मैं तेरि बड़ि इज्जत कर्दौ, बै छः तू मेरि, त्वै तैं मेरा सौं, तू सच्च बतौ, मैं कैकी औलाद छौं? एक घड़ी राजमाता खौल्लेगि कि ये तैं आज इन क्य व्हैगि। भर्मै यालि कै मास्तन। राजमात़ून बोलि "मेरा रजा बेटा आज इन क्य व्हैगि त्वै तैं?" वैन बोलि बतौन्दी कि ना, नितर आज तेरि धौण गिन्डारदौं।" राजमाता भलि करिक जाणदि थै कि रजा तड़ सनक्या होन्दन, यी

क्य करद्यौन क्वी पता नि। ऐ मास्त तैं सच्च बतौण हि पड़लु। वीन ऑख्या झुकैक बोलि कि "भौत पैलि कि बात छः, एक दां कबि हम घुमण जांदा था, वय्हि दुकान पर एक बण्या सि मुलाकात हवैगि अर मैं तैं वेसि प्यार हवैगि। तू वेकु हि नौन्याळ छः।"

रजा खौल्लेगि। मॉं थै, क्य करि सक्दु थौ। रजा करौ कि बात, तन बि राणी अर पाणि तैं कु ध्वै सकि। दांतु अग्वाड़ि जीभ नि ऐ सक्दि। रजा आखिर मा जोगी मा गै अर बोलि "साधु बाबा आपै बात सोला आन्ना भर सै छः। पर आपन इन कनै जाणि?"

जोगिन बोलि "अन्नदाता! मैन दरवार मा औन्दी दां हि कखि कोणा मा एक तराजू लगै यालि थौ। किलै कि बिना तराजू रण पर कम होण पर हौर मंगै सक्दु थौ। बिंजा होन्दु तड़ कुत्ता—बिराल्लौ तैं खलै देन्दु। पर! आप तड़ ठीक नापि—तोलिक राशन देन्दा रैन। इन बात एक बणिया हि करि सक्दु। इलै मैन चितैलि कि आप कै बण्यां कि सन्तान छन। महाराज आप अन्नदाता छन, आपै आज्ञानुसार मैन जु बोलि सच्च छ। मेरु बोन्नौं कु मतलब यू छः कि आदमी कि पच्छांण वेकि बातचित, बोन्न—चान्न, रण—खाणू, उठण—बैठण अर चन्न सि पता चलि जांदु। आपै व्यूहार हि आपै पच्छांण छः। आदमी बातचीत सि हि पच्छांणै जान्दु कि ऊ क्य अर कन्न छः। यांक तड़ बोल्दन कि व्यूहार हि आपै परिचै छः।

•••

काथ—क्वीड़—

आङ्ग कानि

—शेखर जोशी, इन्दिरा नगर (लखनऊ)

नानि ज्यू कैं बनैन बुणनक भौत सीप छ। उसिक ऊ सिपालि सब्बै चीजन मैं भईन। ऐपण दिण कोआौ, सिंघल पकूण कोआौ, बड़ि हालण कोआौ, रंगवालि करण कोआौ, ढलुक बजूण कोआौ...

बेलि मैल देखौ, ऊ एक पुरबोंव बनैन कैं उधड़नैछन। मैल पुछौ— 'त नई बनैन कैं किलै उधाड़नाछा? त तो तुमैल पोरि बेरे ब्वारि हुं बुणो।'

नानि ज्यू बलाणी— 'आब रत्तै—ब्याल जाड़ हुण लागि गो. वी बखत वीक दफ्तर ऊण—जाण हुं। ठण्डलि लकड़ी जैं। पै बनैन नि पैरनि कूंछ। आब अरड़ि कानि (कोल्ड—शोल्डर) वाल बनैन पैरणक फैशन छ। सारि लाल बजार, ठाड़ि बजार छानि बेर ऐगे। पै कैं नि मिल बल। आब यैक बौंवन कानि वै उधेड़ि बेर द्वियै तरफ चड़ाक जस घोल बणैं द्यूलो धैं तब पैरंछ मुढरि।'

ढेपु कमूणि ब्वारि भै। वीक चौल करणें पड़नेर भै?

सिमरन की संवेदना

—अश्विनी गौड़, दानकोट रुद्रप्रयाग

नौं —सिमरन

पिताजी— वीर सिंह रावत

माताजी—सुनीता देवी

गौं—रिंगेरु, बैनोली जनपद रुद्रप्रयाग

उमर—चौबीस बसंत

पढ़— हाइस्कूल अर अगने भी जारी

समाज तै रैबार — नशा मुक्त रा स्वस्थ रा ।

सिमरन एक यन बालिका जु शारिरिक अस्वस्थ

ह्वोण का बाद भी कलम किताब से भौत गैरी दगड़ि कर्दि ।

तमाम कोशिश कना बाद भी शरीर स्वास्थ्य मा खास सुधार नी च सामान्य बच्चों चार हिटण घूमण मा दिक्कत च ।

सिमरन फिर भी हिम्मत नि हारी अर जीवन की जीवटता का कांडा—मूँडा छंट्ये तै कविता कहानी लिखण पर लगी च ।

माँ सरस्वती कि भी यन पा च कि सिमरन की कहानी कविता मा संवेदना रझी—मिली च ।

कहानी लिखण पढण मा —‘मैं नीर भरी दुख की बदरी’— महादेवी वर्मा, जन संवेदना निकळन आसान नी पर सिमरन की जीवन का चौबीस साल की जीवटता तैकि कलम किताब मा छपणीं छिन ।

लिखण पढण की सस्ति सिमरन तै आदर्श अध्यापिका डॉ गीता नौटियाल बहिनजी से मिली च, अर नौटियाल बहिनजी की शिक्षा दिक्षा की यन छाप पड़ी च, कि सिमरन जीवन का आदर्श कलम का रंग सब अपड़ि आदर्श अध्यापिका मु बथै द्याँदि ।

खूब हौंस उलार दगड़ि गीता दीदी न, सिमरन कु हाथ पकड़ि तैतै समै बितौणौ किताब घोर तक पौछेन, अर खूब हुर्से पढण अर लिखणौ तै ।

संवेदना दगड़ि सिमरन खूब पढ़ी अर कविता लिखिन, तब गीता दीदी तक पौछैन ।

गीता दीदी की सकारात्मक प्रेरणा से सिमरन लिखदि रै, अब गीता नौटियाल दीदी न सिमरन की रचनौ तै संग्रै बणौण की, छपौण की भौत कोशिश करिन ।

रंगड़—धंगड़ बाटों हिटदि हिटदि श्रीनगर मा आदरणीय गीता असनोडा मैडम से बात करी त काफी हौंसला मिलि अर सिमरन की कलम एक पोथी बणीतै छपी ।

आदरणीय गंगा असनोडा दीदी की निस्वार्थ मैनत किताब मा खूब दिख्येणि च ।

अबि किताब वैश्विक महामारी का बीच ही फँसी च, पर मजबूत ठंवाण जन खडा गीता नौटियाल अर गंगा असनोडा का सांसू बणौंदि हाथ सिमरन तै खूब सांसू बढौणा ।

सिमरन की पारिवारिक परिस्थिति ज्यादा बेतर भी नी!

पर मां—पिताजी कु छैल बरौबर सिमरन तै मिलणू च, फिर भी सिमरन की विशेष परिस्थिति मा कलम पकड़ी लिखणै डगर मा हम सबुकि मदद ई बालिका तै फर्श बटि अर्श तलक पौछोणै तागत रखदि ।

ई बालिका का पंख जीवन की ई धुकधुकि मा भी खूब फैलास ल्यौन,

अबि सिमरन की कलम शब्दों मा भौत सुधार की जरूरत भी च, पर हमुतै यन संवेदनाओं तै अग्वाड़ि बढौण की तरफां हुर्स्योंण चौंदु अर हवै सकु त यथासंभव रुआर्थिकरु साहित्यिक मदद जरूर कन चौंद

सिमरन की एक सौदी रचना मा, कल्पना देखा—
‘ब्यो’

कंडाळि तै ब्यौ कि स्यांणि लगिन
कंडाळि न बोलि मैन ब्यो कन
इसकोस दगड़ि!
समझ नि आई इसकोस तै!
टोपलि उतारि खजाळि
कनै मुंडमा,
ब्योकु न्योतू द्योण बैठी सबुमा,
छुंई लगणी पुंण्यू सार्यू मा,
अमर्योत आई,
भट्टा ऐन,
चचौंडा गोदड़ी भी।
आलू पिंडालु तैडु
मौण गाड़ी भैर,
इसकोस भैजी की बुलाई मीटिंग मा,
गोदड़ी ब्वनू किलै बुलाई
हमुतै आज सारी मा,
इसकोस ब्वनू भोल स्वयंबर च
ऐ जाया तुम सबि ब्यो मा,
चचौंडा गोदड़ी न,
कोट पैट पैरी छे,
आलू पिंडाला पर भी,
धोती खूब जमणी छे,
अमर्योत भी टोपलि धौंरी
पौंछी स्वयंबर मा,
दयेखी जब ब्योलि कंडाळी त
भभराट हवेगी जिकुडि मा।
आपसे मा भिभड़ाट
हवेण लगी, भुज्यू मा,
दारू पीक लिंगडू आयूं
गाळी द्योणू सबुमा,
अर ब्वन्न—
कन कांडा लगिन,
कंडाळी तेरा गात मा,
हम त क्वे भी नी औंण्या,
तेरी बरात मा,
कंडाळी तै गुस्सा ऐगि
भुज्यू पछांण हवेगि ,

अर तथि देखदा—देखदि,
भिभड़ाट उठिगि
रुंआ—धुंवा मा, किकलाट मचिगि,
यन स्वयंबर छो कंडाळी कु,
कि
भुज्यू मा इतिहास बणिग्ये ।

साधुवाद

सम्मानित संपादक महोदय,

हल्द्वाणि जस व्यापारिक शहर बटी ‘कुमगढ़’ कुमाउनी, गढ़वाली और जौनसारी भाषा कैं ल्ही बेर लोकभाषा कि मासिक पत्रिका निकावण भौत दुरस्साहसिक प्रयास छी । 2008 शुरु बटी ‘पहरू’ क लिजी लै भौत मिहनत करण पड़ी अल्माड़ में । हालांकि नींव कैं बाद में सबै भुलि जारीं । यो सैद प्रकृतिकै दस्तूर छू ।

वसै हल्द्वाणि बटी स्व नवीन चंद्र जोशी, श्री दामोदर जोशी और मी हम तीन जणियोंल शुरुआती प्रयास करौ । माठुमाठ कै आज सतों जनमबार मनौण में खुशिकि के पारावार न्हैं । यो हमार लोकभाषा प्रेमियों क स्नेह, पाठक वर्ग कि आत्मीयता और सुधी लेखक साहित्यकार न क श्रमसाध्य अवदान कै प्रतिफल छू ।

आजक समय में पत्र—पत्रिका निकावण कदुक कठिन छू । सबै मित्र जाणनी । ऐल क बखत में गढ़वाली, कुमाउनी और जौनसारी भाषा न कि काफी संख्या में पत्र—पत्रिका निकावण लै रीं । यो भौत खुशि कि बात छू । यो हमरि लोकभाषा न क उत्थान क काल कई जाण चौं ।

हल्द्वाणि बटी ‘कुमगढ़’ कैं यो टैम पारि बस श्री दामोदर जोशी ‘देवांशु’ ज्यू एकलै देखण रई । उनू कैं भौत—भौत साधुवाद दिन चौं हमूल ।

सादर धन्यवाद । साधुवाद सबन कैं ।

—रत्नसिंह किरमोलिया
अणां—गरुड़ (बागेश्वर)

रिट दाणी

—महेन्द्र मटियानी, पिथौरागढ़

रिट दाणी, कतुकै रिट
त्वील जाण खाड़ में।
नि थकन्या मन माजा हौस छलछलैंछ
पात धरी नौणि कसी उमर बिलैंछ।
माया गॉठ पाड़ि—पाड़ि धाग् पुरी ओँछ।
स्वेणा भरी ओँख्यों माजा हौल भरी ओँछ।
खन्यारी—खन्यारी ऐंछ कुड़ि कसि देह की
जाणि कस ध्यूड़ लागू धुरि—बॉसि—पाड़ में।
रिट दाणी कतूकै रिट.....
हत्याई ल्वे—धार बगै, ज्यौड़ नि बाटीनौ
खुटा दुटि भियॉ छुटी बॉट् नि काटीनौ।

सुख 'ल्या—ल्या दे—दे' भैछ अदम बाटै मा
सुख—दुखै हाट म्यर दुःख नि सॉटीनौ।
ओँख्योंनाका स्वैण बगा औसुनैकि गाड़ में
पराणि नितरि ऐगे सरि डड़ा—डाड़ में।
रिट दाणी कतूकै रिट.....
काल—स्यात चाडू रोज दई में भै जानी
सॉस—सॉस धड़ी—पल गणि—गणि जानी।
जिन्दगी का बाट् भौत, पराणिक एककै भै
कसै लै जतन करौ जाण् वी उज्याणी।
किलै रे ! भरमी रौछै, मन माया—जाल में
गुलाबों की क्यारी बूँछै नाफणी की बाड़ में
रिट दाणी कतूकै रिट.....

सुधी लेखकों से अपील

सुधी लेखक कृपया लेख / कविता आदि WHATSAPP
में न भेज कर कुमगढ़ के G-MAIL अकाउंट
(kumgarh@gmail.com) में तथा krutidev-10 फॉन्ट में
ही भेजने की कृपा करें।

थाती-

कमाऊ स्यैणी

—मो० अली अजनबी, अल्मोड़ा

आंपणि घरवाई मैत बटी
आब नि बुलै सकनी कभै
वीक बौज्यूक, खुट तलि
नि गिड़गिड़े सकनी कभै
बात इतुक बस मैन पुछ
बणी ठड़ीं काहुँ जानें छै
यौ बुढ़ि अकाव में किलै
लोंड मौङ्डन कै चानें छै
पट जमै दी द्वी चप्पल
मैं नि बतै सकनीं कभै
आपणि.....

नान तिनेंकि म्यार भाग में
पड़ियै रैगो — अकाव हो
मेरि दुकाइ'क लिजि द्वी
धरि रेगी मुस्टंड साव हो
हांट—भांट सब टोड़ि हैलि
ख्वर नि उठे सकनी कभै
आपणि.....

छी कमाऊ स्यैणी मेरी
भौत कमाइ वीकि खैं
जुलम अति करण फैटें
धौंस दगै गाइ मुकाइ सैं
वीक कमाइ' कि धौंस कैं
आब नि उठै सकनी कभै
आपणि.....

धार मेंक दिन

—नवीन जोशी 'नवेंदु', नैनीताल

"मिं को छुं, म्यर नौं कि छू मिं कांहूं लागि रयूं य बाट मकें कां पुजाल, मकें क्ये पत्त नैं। पोथा ! कि बतूं ? बस् लागि रयूं।" उनार आंखन में ऑस छी, उनूल म्यार उज्याणि चा, मकें यस लागौ म्यर मूँख उं न चांणाय, दूरबीनांक उ द्विएन चांणयीं, जनूल दुनीं कें कां बटी—यां जांणे पुजण हेरि राखौ। पांणिक नौव जास डबडबाई द्विआंख, जनूं में पीड़ छी। ए यैसि पीड़, जै कैं क्वे न थै सकन। ए यैसि आग, जै कैं क्वे न निमै सकन।

रात्ती ब्यॉण अन्यार छनै मैं अल्माड़ बै बाट लागि गोछी, ब्याव जांणे हल्द्वाणि पुजण जरूरी छू। पत्त नैं, पुजि सकुलै—नि पुजि सकुल। रोड सब बंद छन। पत्त नैं कतू खुटां हिटण पड़ल। गाड़िकि के भरौस न्हां। रोड ठौर—ठौर पारि दुटि रै। दयोल परलय करि राखौ। यै बातन सोचि, उधरी गाड़—भिड़, धंसी मकान और भतकी बोट—डावन चान चानै मिं लागि रौछी इकल—इकलै, कि करबाल पन ए बुड़ मिलि ग्याय। सत्तर—पछत्तर सालाक बुड़, ख्वार में पुंतुरि धरि मांठू—मांठ लागि राछी। मकें लै दगड़ मिलि गोय।

लोधी पुजण जांणै मकें पटै लागि ग्येइ। कभै हिटियै जै नि भै, आज कसी हिटछी। उसी आजि तीन—चारै हात घाम पुजि रौछी। फिरि लै म्यर मूँख सुकि गोछी। आड़कि बुशकट निचोड़नी हई भइ पश्यणैल। आपणि दास देखि मकें के कूणै नि आय। कब्बै स्यूनि गाणी हुनी ८ ब्याक दिन लै स्यूनि उनि। मैन अख्बारन में पढ़ि रौछी कि दुनियैकि गर्मी बड़नै कै। सैद सूर्ज भगबान ताति ग्यास हुन्याल, जसी गैस में धरी तौव ढील—ढीलै तातते जां। तब्बै यसि रॉफ ऊंणै हुनैलि। बुबुल मकें शीर'क पांणि प्यवा, मणी ऐराम करि बेर बुब उठि ग्याय। मिं हुं लै हिट कय। मिं लै ठाड़ हो गोय।

"बुबू, तुमर घर कां भय? तुमार नान—तिन...?" उनार पैल जबाबैल मकें उनार नजिक करि हैछी। उनार बारि में पुछण है मिं आपूं कें रोकि नि सक। उं के नि बलाय, उनार आंख सैद सब बतूण चांणाछी। पर मिं उनूकें पढ़ि नि सक। ए फ्यार आजि उनार आंखन बै आंसनाक तौहण लागि ग्याय।

"कि बतूं पोथा ! सबै तिर छी। कि नि छी। के बातैकि कमी नि छी। पर आब के न्हां। के लै की नैं। सब

खतम.....।" उ फिरि रुण लाग।

उनर डाड़ मारंण देखि मकें लै रवे ऊंणि लागि। पर वी बखतै म्यार भितेर बै शहरी, पढ़ी—लेखी, समाज में रुणाक तौर—तरिक सिखी एक आधुनिक मैसैल आपंण मुनई भ्यार निकाई। "कै कै डाड़ मारणैल मकें के मल्लब ?बुड़ैल बाट लागनै मूँड खराब करि हालौ..."।" पर तांलै बुब आपणि रामकाथ सुणूण लागि ग्याछी।

"मिं एक सरकारि इस्कूलक मांस्टर छी बबा, 10—12 साल पैली रिटैयर भयूं। सोचि रौछी—आपंण घर, आपंण गौं—गाड़ जूल, हौर बांकि जिंदगीक दिन वै चैनैल गिणूल। पर, नानतिननैकि इच्छा छी—पिनसिनाक डबलनैल शहर में मकार बड़ै ल्येर्इ जाओ। पिरमू त अल्माड़पन जाग लै देखि ऐ गोछी। गौंक पुराण मकान लै कि पितरनाक टैमौक दुटी—फुटी भय। म्यार मन लै वां रुण न आय। हति अल्माड़ ऐ ग्याय। सारि उमरैकि जमा—पूंजी खर्ची ग्येइ। मणीं उधार लै लिहंण पड़। और जसी—तसी है ग्येइ हमरि द्विखानी कुड़ि तथ्यार...."

"ऐ क्ये आब तुमर च्यौल तुमूकें दगाड़ नि रुण दिण्य ८?" उनरि काथ सुणि मिं लै उनारै दगाड़ अधिल बड़ंण लाग। म्यार भितेरक आधुनिक मैय उनैरि काथ में पत्त नै कब हिलै—बिलै गोछी। आब उनैरि हुत्ती काथ कें मिं एक छींकै सुणूण चांणौछ्यूं। उनूल म्यार उज्याणि चा। "इजा ! तस नि कओ, म्यर पिरमू तस नि भय। उ ए मांस्टरक च्यल छी....।" 'मांस्टर' आंखर कूण बखत उनार मूँख पारि गर्व और सम्मानाक भाव साफ देखींणाछी।

"त ८ कि ब्वारी ८?" जब उं मणीं सजोलिणा मैल पुछ। "न इजा ! उ त म्येरि चेलि है लै बड़ि बै छी। तसि के बात नि भै। सैद शहरैकि तवाई जिंदगी ८ मकें वाजिब नि आइ। सारि उमर गौन में नौकरी पछिल कटी। आब बुड़यांकाव शहरी बड़णौक रफत चडौ। जि भौ—सब नकै भौ। क दिनै प्याट पीड़, क दिनै मुना पीड़, क दिनै मलेरी, क दिनै के, क दिनै के। सुक कै दिन नि रौय। मैन नानतिनों थें आपंण गौं—घर वापिस लौटणैकि सला लै करी, पर क्वे मनसाए नैं। बुड़ी जरूर कूणैछी—मि तुमरै दगाड़ ऊंन। वीक ह्यि में लै म्यारै चारी गौंकि मिठि—मिठि फाम छी। उ अरड़ा



दिनानौक कटकी चहा, उ बांजाक हाडनैकि, तैड़ाक जाड़नैकि स्योंताक ठिंठनैकि हउवा—हऊ रांफ, उ ह्यूं गूड़ाक डाव, उ पिरुवाक स्योंत में पाकी दुदक्याव, उ गूड़ैकि चौखंडी भेलि, उ मनुवाक ऱवाट में धरी घ्यू—गूड़ैकि डइ, उ पूसाक रातौंक आंड़—काथ, उ रजुवा—बफौल, उ राजुल—मालुशाइ, उ इवाड़—चांचरि—बैर—भगनौल—कौतिक—जागर.....” एक—एक आंखर पारि उं झुमि जांणाछी। उनार आंखन में मैन ऐल पैल पयार हंसि देखछी। सैद उं आपंण गौं लौटणाछी। लेकिन, इकलै ५ ? मैल उनूंथे पुछौ, “किलै हौर झांणि नि आया ५ तुमार दगाड़ गौं हुं”, उं के नि बलाय। मैन उनार उज्याणि चा। आंखन में हंसि लापता छी। “सब खतम हैंगो पोथा !” उं हराई—चुराई जास बलाय। “बुबू ! तुमि ठीक कुणाछा, सब खतम हैंगो। देखणाछा य अजुगुति कैं ? अब अल्माड़ बटी हल्द्वाणि पैदल हिटंण पड़णौ य जमान में। सरकार कूणै—हम इकाइसूं सदी में जांण्यां बल। के इसीकै पैदलै जूला हम उ नई सदी में ? यै अल्माड़ में तीस रुपें प्लेट खिचैड़ि बिचांणै। सोल रुपें किलो आलु बेचाण्यीं। कब तक ज्यान रौलि इसिक। हौर य अशाण मांथौंक द्यो ५। बुबू ! मिं लै तुमारै दगाड़ तुमार गौं ऊंन” म्यार परेशान हारी शहरी मनैण आपंण फैसल सुणै दे।

“नैं, इजा नैं। तुमि कि करला वां। मैं त धार मेंक दिन भ्यूं। कसीकै पड़ि रूल वां इकलै। कसीकै मन रमै ल्यूल। य शहर में नि रै सकुंल अब, सब तिर आपंण आखोंल देखि बैर। न जाणि कतू मकान ढइ ग्येई—कतू ज्यान है न्है ग्येई। म्यर कुड़—म्येरि जनम भरैकि कमै सब गाड़ बगि गे। म्यार नानतिनों—म्येरि बुड़ी कैं लै खै गो यो द्यो—दानव....।” उं एकसांसै कै ग्याय सब। उनूंकैं हिकुरि लागैणि लागि। पर उं चुप लै रि रै सक। “य सब हमारै करमनक बि छु पोथा ! जि हम बूल—वी त ल्यवूल। देखणाछा, दुनी में कतू पाप बड़ि गो ? आदिम—आदिम कैं काटि खांणौ। कि ह्वल ? यसै ह्वल। सब मराल इसी कै..., परलय आल। क्वे छेरू लागि बेर मराल, क्वे भूखैल मराल। कै कै तें हाव—बयाव काव बड़लौ ५, कै कै तें द्यो—दानव। क्वे सुख पड़ि बेर सुखल ५, क्वे गाड़ में बै गाड़ियल, और क्वे भूचाल में च्याप्यल। सब मराल..।” बुब डाड़ मारंण फैटि ग्याछी। उनूंल म्यार उज्याणि चा। ऐला पयार उनार आंखन ए आंस लै नि छी। उ बखतै पत्त नैं कि भौ, जाणि किलै उ हंसण लाग जोर—जोरैल। मैल उनार उज्याणि चा। उनैरि हंसि पार स्याइ देविक धार बै पलटि बेर दुबारि—तिबारि सुणींणैछी। वी बखतै मांथाक भ्योव बटी एक

दुंड—लोड घुरीते ऐ पड़ौ। मिं चाइहै रै गोयूं। के नि करि सक। धार मेंक दिन, दिन छनै धार पार पुजि गोछी।

—(आंखर—अक्टूबर—नवंबर 1995 अंक बटी साभार)

•••

थाती—

न्योली गीत

—एम०डी० अंडोला, बनकोट, पिथौरागढ़

ऊँची डाई काफलै की, घुघूती घुरॉ छ।
खालि धुरा नजर पड़ी, जिकुड़ी झुरॉ छ ॥

गैलि घाटी पातवै की, न्यौली डड़योनै छ।
जंडवों की दशा देखि, ऑसू ख्यड़नै छ ॥

द्विजौंया घुघुती उड़ी, भुबरी गई भूड़ा।
जेठा म्हैणा बर्खा धारा, सौण पड़ी रुड़ा ॥

अलग्वाज बासुई बाजी, हुड़की का संगा।
बगन्या पाणी मैली हैंगै, हिमालै की गंगा ॥

लकड़ै की केड़ी न्यौती, वार—पारा का धुरा।
घटनै गई धुर—जड़वा, बढ़नै गै परिवारा ॥

बासि गै कफई चड़ी, पुरै पोथी पुरा।
लगै जैं निसास चड़ी, उदासीला धुरा ॥

शिब ज्यूका कैलाश सुवा, डमरू बाजैं छा।
घर — बणां सुकाव ह्वल, बोट लगाओ कौचा ॥

द्विहरिया बोट लगूल, चौमासी म्हैणा।
हातों की बलाई ल्यूलो, फूल कसी दैणा ॥

ਨਹੋਂ ਗਈ

—ਪ੍ਰਭਾਤ ਉਪਰੋਕਤਾ, ਕੁਸੁਮਖੇਡਾ, ਹਲਵਾਨੀ

ਓਹੋ ! ਆਂਖਿਰ ਕਾਨਤਿਕਾਰੀ ਅਭਿਵਾਦਨ, 'ਲਾਲ ਸਲਾਮ' ਲਿਜੀ ਯੋ ਲੈ ਏਗੋ। ਕਭੀ ਕਭਾਰ ਮਥੈ ਸੈਮੈਥਾਇਜਰ ਸਮਯਾਨਬੇਰ ਚੰਦਾ ਲੀ ਛੀ ਔਰ ਕਾਨਤਿ ਕਰਛੀ। ਦੇਖਣਚਾਣ ਨਰਸ ਕੋਨ ਮੌਂ ਠਾਡ਼ਿ ਹੈਰੈ। ਮੈਸਕ ਅਸਲ ਭਾਵਨਾ ਕਬੈ ਖਤਮ ਨਿ ਹੁਨੀਂ। ਮਰਣ ਵਕਤ ਲੈ ਨਰਸਕਿ ਖੂਬਸੂਰਤੀ ਕੈ ਮੈਂ ਚੈਣਈ। ਦੁਨਿਕ ਸਾਰੀ ਖਚਰ ਬਚਰ ਮੈਲ ਸਾਬ ਕੁਝਦਾਨ ਮੈਂ ਡਾਲ ਹਾਲੀਂ। ਸਾਰ ਸਾਬਨਾਂਨਕ ਕੈ ਮੈਂ ਏਕਕੈ ਬਾਦ ਏਕ ਡੀਲਿਟ ਕਰਣਈ। ਡਾਕਟਰ ਕੁਝਾਂ ਕੋਰੋਨਾ ਤੋ ਨਹਾਂ ਪਰ ਅਥ ਜਾਦੇ ਜਿੰਦ ਨਿ ਰੈਲ। ਜਤੁ ਖਿੰਚ ਸਕਛਾ ਖਿੰਚੌ। ਮੈਂਕੇ ਭੌਤ ਰੀਸ ਏ! ਅਤੇ ਕਿ ਮੈਂ ਕੋਈ ਰਬਰ ਛੂਂ ਕਿ ਖਿੰਚੁਲ। ਤਾਸੀ ਲੈ ਮੈਂ ਜਨਮ ਭਰ ਰਖੈ ਤੋ ਬਣਿ ਰਧੀ।

ਸਟੈਥਕੋਪ ਲਟਕੈ ਬੇਰ ਡਾਂਕਟਰ ਨਹੋਗੇ। ਯੋਈ ਡਾਂਕਟਰ ਮੇਰ ਡੈਥ ਸਾਰਟਿਫਿਕੇਟ ਬਡਾਲ। ਯੈ ਲਿਜੀ ਮੇਰ ਚੋਲ ਤਕੈ ਪਹੁੰਚ੍ਹਣਿ ਨਹੋਗੇ। ਸਾਬਨੈਕਿ ਅਪਣ ਪਹਚਾਨ ਮੈਂ, ਪੈ! ਸਥੈ ਅਪਣ ਪਹਚਨਾ ਕਾਂਧਨ ਮੈਂ ਡਾਲ ਰਾਖਨੀਂ। ਪਹਚਾਣਕ ਲਿਜੀ ਮੈਥ ਤੋ ਬਣ੍ਹਣੇ ਮੈਂ ਹੋਯ ਪੈ! ਦਰ੍ਜਾ, ਇੱਚ ਟੇਪ, ਗਾਧਕ ਕਵਿ ਸ਼ੈਲ... ਡਾਂਕਟਰ ਸਟੈਥਰਸਕੋਪ। ਜੋ, ਜੋ ਲਟਕਾਲ ਤੱਈ ਤ ਹੈ ਜਾਲ।

ਓਹ! ਮਰਣ ਵਕਤ ਮੈਂ ਕਸ ਕਸ ਕਸ ਸੋਚਣਈ। ਸੈਣੀ ਬਿਚਾਰਿ ਉਦਾਸ ਹੈ ਬੇਰ ਦੂਰ ਬੈਠੀ ਰੈ। ਬਾਰਿ ਉਣ ਜਾਣ ਵਾਲਨ ਕੈ ਚਹਾ ਪਿਲ੍ਹਣੋਂ। ਪਲੀ ਤੋ ਕੋਈ ਨ ਉਣੋਂਛੀ। ਸਾਬਨ ਕੈ ਹੈਰੈਛੀ ਕਿ ਕਈ ਮੈਂਕੇ ਕੋਰੋਨਾਲੈ ਤੋ ਨਿ ਹੈ ਰੇ! ਪਰ ਸਾਰ ਰਿਪੋਟ ਨਿਗੇਟਿਵ ਏਗਈ ਤੋ ਕੁਛ ਪੁਰਾਣ ਲੋਗ ਉਣ ਲਾਗੈ ਰੱਈ। ਨੈਤਰ ਜਬ ਤਕ ਰਿਪੋਟ ਨਿ ਏ ਛੀ ਕੁਕੁਰ ਛੋਡ ਬੇਰ ਕੋਈ ਲੈ ਸਾਮਣ ਨਿ ਉਣੋਂਛੀ। ਕੇ ਜਮਾਨ ਏਗੋ ! ਕੇ ਜੋ ਧੋ ਕੋਰੋਨਾਲੈ ਕਰ ਹਾਲੌ! ਪਲਿ ਲੋਗ ਬਿਮਾਰ ਹੁਣੋਂ ਬਾਦ ਕੂਣੀ ਪੌਜੇਟਿਵ ਹੌਵੋ। ਵਿਲ—ਪੱਵਰ ਬਣਿ ਰਖਿਧੋ। ਅਥ ਕੂਨੀ ਪੌਜੇਟਿਵ ਜਨਹੈਧਾ ਹੋ ! ਨੈਤਰ...।

ਔਰ ਨਾਨਤਿਨਨਕ ਸੇਣਿਲੈ ਅਪਣ ਅਪਣ ਨਾਨਤਿਨਨਨ ਮੈਂ ਬਾਵਦ ਛਨ। ਮੇਰੇ ਨਾਨਤਿਨ ਮਿਤਰ ਭੈਰ ਭਿਤੇ ਕਰਣਈ। ਕਥੈ ਭੈਰ ਖੇਲਣ ਜਾਣਈ ਤੋ ਕਥੈ ਮੈਂਗੈ ਬਡ ਗੈਰਲਚਾਣਈ।

ਮੇਰ ਖੋਪੜੀ ਮਰਣ ਵਕਤ ਲੈ ਖੂਬ ਜਾਗ੍ਰਤ ਛੂ। ਬਸ ਬੁਲਾਂਣ ਨ ਸਕਣਈ। ਮੈਂ ਸਾਬ ਜੋ ਆਸਪਾਸ ਹੁਣੋਂ ਤਕੈ ਸਮਯਾਨਈ। ਧੋ ਬਾਤ ਨਿ ਮੈਂ ਪੁਰ ਚੇਤਨਾ ਮੈਂ।

ਫ੍ਰੀ ਅਧੇਡ ਆਪਸ ਮੈਂ ਬਾਤ ਕਰਣਈ ਕਿ ਸਾਬ ਭਗਵਾਨੈਕਿ ਮੰਜ਼ੂ ਹੋ ਬਿਛ ਜ਼ਿਆ! ਜਤੁ ਸਾਂਸ ਮਲਿ ਬਟਿ ਲੈ ਰੱਈ ਤੁਤੂ ਤਕ ਧੋ ਜਿੰਦਗੀ ਮੈਂ..। ਜਸ ਸਾਬਨੈਕਿ ਸਾਂਸਨਕ ਕੋਟ ਨਿਸ਼ਚਿਤ ਭਗਵਾਨਲੈ ਕਰ ਰਖਖੌ। ਸਾਂਸ ਨਿ ਮੈਂ ਰਾਸ਼ਨ ਕਾਰਡ ਮੈਂ ਔਰ ਜਿੰਦਗੀ ਜਸ

ਆਧਾਰ ਕਾਰਡ ਮੈਂ। ਤਾਂਸਿ ਡਾਂਕਟਰਲ ਕੈ ਹਾਲੌ ਜਾਦਾ ਸੇ ਜਾਦਾ ਛ: ਘਨਤਕਿ ਮੈਂ ਜਿਯੂਲ।

ਤਾਂਸਿ ਜਾਂਸ਼ੀ ਜੋ ਜ਼ੂਲ ਮੇਰਿ ਕੁਝਲੀ ਦੇਖ ਬੇਰ ਪਲਿਯੈ ਬਤੈਹਾਲ ਛੀ ਕਿ ਧੋ ਸਾਲ ਕਾਲ ਸਰਪ ਧੋਗ ਛੂ। ਤਨਲ ਏਕ ਅਨੁ਷ਠਾਨ ਕਰਣਲਿਜੀ ਲੈ ਕੌਛੀ। ਪਰ ਆਗ ਲਗ੍ਹਣ ਧੋ ਕੋਰੋਨਾ ਹੈ ਗੋ।

ਓਹੋ! ਧੋ ਪੁਰਾਣ ਧਾਦ ਏ ਗਈ। ਪੁਰਾਣ ਧਾਦਨ ਕੈ ਲੈ ਅਲਲੈ ਉਨਰੇ ਉਣ ਛੀ ਕੇ!। ਮੁਸ਼ਕਿਲ ਮੈਂ ਕਿ ਜਨਮ ਭਰ ਉਨਨਕੈ ਬਣਾਓਂ, ਪੈ ਫਿਰ ਮਰਣ ਵਕਤ ਹੋਮਵਰਕ ਚਾਰ ਉਨਨਕੈ ਧਾਦ ਕਰੈ। ਕੂਨੀ ਮਰਣ ਬਖਤ ਧਾਦ ਫਲੈਸ ਹੁਣਨ ਲਗਯਾਨੀ।

ਏਕਿਟਵਿਸਟ ਸੌਜ਼ੂ ਲੈ ਏਗਇਗਈ। ਏਸ ਲਾਗਣਾਂ ਪੂਰ ਤੈਧਾਰੀ ਕਰ ਬੇਰ ਏਰੈਈ। ਸੋਚਣਈ ਹੁਨਲ ਕੈ ਬੌਦਿਕ ਯੁਵਾ ਧੋਗੇਸ਼ ਕੈ ਮਰਘਟ ਮੈਂ ਫੂਕੋਯਾਮਾ ਪੈ ਔਰ ਰਾਜਧਕਿ ਦੁਰਦਸ਼ਾ ਔਰ ਨਿਵਾਰਣ ਪੈ ਏਕ ਲੈਕਚਰ ਦਿਬੇਰ ਤਕੈ ਕਵੈਖਚਨ ਪੁਟ— ਅਪ ਕਰਣਲਿਜੀ ਪ੍ਰੇਰਿਤ ਕਰਲਾ। ਅਗਰ ਤ ਉਨਰ ਆਗਨਾਇਜੇਸ਼ਨ ਮੈਂ ਆਜਾਲ ਤੋ ਉਨਰ ਏਕਿਟਵਿਸਟੀ ਔਰ ਬਢੈਲਿ। ਧੋ ਧੁਗ ਮੈਂ ਧੋ 'ਏਕਿਟਵਿਸਟ' ਸ਼ਬਦ ਭਲ ਆ। ਲੋਗ ਅਪੁਣ ਕੈ ਏਕਿਟਵਿਸਟ ਕੂਣ ਭਲ ਮਾਨਨੀ। ਹਿੰਦੀ ਮੈਂ ਆਂਦੋਲਨਕਾਰੀ ਮੈਂ ਤ ਦਮ ਨਿ ਮੈਂ।

ਚਾਰ ਦਿਨ ਬਟਿ ਮੈਂ ਅਥ ਮਸੂਲ ਤਬ ਮਸੂਲ ਹੈਰੈਈ। ਧਰਵਾਲਨਬਟਿ, ਭੈਰ ਵਾਲਨ ਤਕ ਸਾਬ ਬੋਰ ਹੈ ਗਈ। ਸੌ ਜ਼ੂ ਕੈ ਨਿਰਾਸਾ ਹੋਲੀ ਜਬ ਉਨਨਕੈ ਪਤਤ ਚਲਲ ਕਿ ਕਿ ਮੈਲ ਅਪੁਣ ਦੇਹ ਅਸਪਤਾਲ ਕੈ ਦਾਨ ਦਿ ਹਾਲੀ। ਪੈ! ਅਸਪਤਾਲਕ ਕਰਮਚਾਰੀ ਦਿਖਾਈ ਨਿ ਦੀਣਈ। ਪਤਤਨੈ ਮੇਰ ਮਰਣਕ ਬਾਦ ਤ ਮੇਰ ਇਦੇਹ ਕੈ ਲਿਜਾਲਾ ਧਾ ਨਿਲਜਾਲ। ਨੌਕਰਸ਼ਾਹੀ ਮੈਂ! ਤਾਸੀ ਮੈਂ ਕਬੀਰ ਤੋ ਛੂ ਨਹਾਂ ਕਿ ਮੇਰੇ ਮਰਣਕ ਬਾਦ ਮੇਰੀ ਦੇਹਕ ਲਿਜੀ ਛੀਨਾ ਝਾਪਟੀ ਹੈ।

ਸੌ ਮੁਰਦਨਕ ਜਲੂਣ ਬਾਦ ਇਨ੍ਦ੍ਰਾਸਨ ਪਾਣੈਕਿ ਕੀ ਲਾਲਸਾ ਵਾਲ ਚਨੁ ਲੈ ਏਗੋ। ਤਕ ਝੋਲ ਮੈਂ ਜ਼ਰੂਰ ਅੰਡਰ ਵਿਧਰ, ਤੌਲੀ ਔਰ ਤਾਸ਼ਕ ਗੱਡੀ ਔਰ ਕੈ ਪਤਤ ਏਕ ਬੋਤਲ ਲੈ ਹੋਲੀ। ਪਰ ਬਿਚਾਰ ਨਿਰਾਸ ਹੈ ਜਾਲ ਜਬ ਤਕੈ ਮਾਲੂਮ ਹੋਲ ਕਿ ਮੈਲ ਅਪੁਣ ਦੇਹ ਦਾਨ ਦਿਹਾਲੀ। ਮੈਂ ਚਾਨੂ ਕਿ ਮੈਂ ਮਰਣਕ ਬਾਦ ਪ੍ਰਗਤਿਸ਼ੀਲ ਕਈਜਾਂ। ਤਬੈ ਮੈਲ ਅਪੁਣ ਦੇਹ ਅਸਪਤਾਲ ਕੈ ਦਾਨ ਦੇ। ਓਹ ਧੋ ਵਾਸਨਾ! ਧੋਗੀ ਠਿਕਕੇ ਕੂਨੀ — ਮਰਣਕ ਬਾਦ ਲੈ ਵਾਸਨਾ ਨਿ ਜਾਨਿ। ਮਰਣਕ ਬਾਦ ਤ ਸੂਕਖ ਸ਼ਰੀਰ ਮੈਂ ਟ੍ਰਾਂਸਫਰ ਹੈਂ ਜਾਂ। ਔਰ ਲੈ ਧੋਗੀ ਬਤੂਨੀ ਕਾਰਧ ਸ਼ਸ਼ੀਰ, ਕਾਰਣ ਸ਼ਸ਼ੀਰ... ਅਥ ਤੋ ਸਾਬ ਮੂਲ ਗਈ। ਜਸ ਆਜਕਲ ਸਾਬ ਅਪੁਣ ਬੋਲਿ ਮੂਲ ਗਈ।



मैं इतू फेमस नि भई कि मेरी मरणक बाद मीडिया में मेरि खबर आओ। पर इस लै नि भै क्षेत्रीय अखबारक लायक तो लियाकत मेर भैई। त...!

लियो अपुण कै तान बेर पत्रकार घोषित करणवाल हीरासिंह लै एगो। अपुण बीस मेघापिकसल डिजिटिल कैमरल मेरी फोटो खीचल और फिर अपुण अखबार में लिखल— नहीं रहे...। के पत्त! मेर बार में एक आर्टिकल लिखल कि के छी, कांछी, जस लिख दे ... उनर मरणनरल अपूरणीय क्षति भै। उसि मैल टैम टैम पै येक भल दावत कर रखी। उक मोटर साइकिल, जमै 'प्रेस' लिखि रुं मैलै सस्त में दिलै रक्खी।

मोहल 'मैं मुक्त छू;; ऐस मैं नि कैसकूं बिचारि अपुण सैणि के देख बेर दया लागी रै। पर मेर मरणक बाद एडजैस्ट करलेलि। एक बार पीताम्बर जू ल मैके जल्दी मरणक प्रेरणा दिते हुए बताय कि मैस सैणी मरणक बाद एडजैस्ट करण में देर लागीं पर जनाना लोग जल्द एडजैस्ट करलिनी।

जां तक मोहक बात छू येई छू कि रोज रत्नव्याण अखबार नि पढ़ सकूल। और जो एक वाहियात सीरियल सालों बटि कथा उपकथा उपउप कथा कै बेर द्वी साल बटि चलणों उकै न देख सकून। फेसबुक नि कर सकून और मोबाइल हर दा थै फसक नि मार सकून। उसि मैके गोविंदाक और दक्षिण भारतीय फिल्मलै भल लागनी।

और लै मोह भ्या पै! पर इति नै कि डाड़ मारण लागजूल। मैल सामान्य, परम्परागत जीवन जियौ, परम्परागत ब्या करौ, परम्परागत नानतिन पैद करीं और उत्तराखंडीनक परम्परागत सरकारि नौकरी करी। मैं मनोवैज्ञानिक 'एक्सैप्टेंश' वाल हाल में छूं। पुनर्जनम पै विश्वास न्हां पर अब इच्छा छू हैजालौ तो बढ़ि हून।

मरण बाद मेरी आत्मा सारी दुनिया में बढ़ि गर्भ तलाश करैलि। कई कोई टैस्ट ट्यूब में जै बेर नि बैठ जा। अगर च्वाइस होलि तो भले ही करसै यो उत्तराखंड राजनीतिज्ञनल बणे हालौ, मैं यई जनम फिर लिहण चां। देव भूमि भै पै यो! कई राक्षस भूमि में जनम होलो तो एसतेसि हैजालि। उसी कोई लै जमीन के नि हुनि। उकै तो वांक रुण वाला बडूनीं।

ओहो! लियौ पंडिज जी लै एगइं इननकै कैल बुला! यानी सब चानी बूढ़ जल्दी जल्दी निकल जाओ तो चैन आल। पर उ मेर के संस्कार करौल! मैले तो अपुणि बाडी दान दि हाली। पर के पत्त उ कोई नई विधान निकलाल कि फलां

पुराण में यैक जिक छू जस कोरनाक जिक कैले पुराण में छौ वल, बत्तै रक्खौ। मैडिकल कालेज में धूपबत्ती तो करी द्याल।

मैकै ! नानतिनान बटि मरघट में मैसकि कुकरगत्त देख बेर डर लागछी। पर बाद में सीप ऐगे। मैल वां लोगनकै वां मैसनकै बिजनस डील करते हुए, व्या फिक्स करते लै देखौ। मैल आफि लै मरघट में भल डील करीं। मेरी एक किताब तो यई मरघट में दीप्ति प्रकाशनक प्रकाशक थै बात करण बाद छपि। मरघट दुनि में सबनहैबेर बढ़ि जाग छू। वां मैस मुणि मुणि आध्यात्मिक है बेर कुछ उदार है जानीं। आलू गुटक बढ़ि चटनी साथ खै बेर तो गदगद है जानीं।

उसि मेर तो इच्छ छी कई एकांत में मरु। न डाड़ मारणवाला, न सब झंझट। पर यो भे कि एकांत में मरुल तो सैणि के फैमली पेंशन नि मिलैलि। उसी लै हर साल वां ट्रैजरी में जे बेर सिद्ध करण हूं कि मैं आइ जिंद छूं। उसी तो भौत से लोग जिंदगी में कई बार मरनी फिर लै पेंशन खानि।

मेरी सांस खूब चलणें। तकलीफ बढ़िगे। मैंगें अंदाज एगो कि अब जाणक वकत ऐगो। पर मैंकै कोई यमराज या रौशनि जस नि दिखणई! जस लोग बतूनीं। मैथे सौज्यू जी गम्भी है बेर पूछणई कस लागणों। कोई उननथै कूणों छी— अब उ सुणन न्हाथिन ...सौज्यूल ने ओफ कौ और मेरे कपाल में हाथ रख दे। उ सोचणई छी कि कोई सीन कै फिल्मी टाइप है जाओं। मेर गाल में आंसू लुढक जाओ और पर मैगे डाड़ उनरे नि भै। पर कब्दै टीवी में खास दृश्य देख बेर कब्दै कब्दै जरूर ए जानेर भै। धन्य काल भै डायरेक्टरनक।

विद्रोह पत्रिका क सम्पादक सौज्यू असमजंस में छी। के पत्त यो सोचणईछी मेरे मरण बाद के के मेर लिजी लिखुन। उसि आदिम मैं भलै भई। खास तो मैल नि कर पर संगीत गोष्ठी होलि बैठक कनूरै भै। खूब मिठाई, ग्वाज, समोस खिलूनैरेभै। कब्दै कब्दै विरोध प्रदर्शन लै करि भै। फेसबुक में सक्रीय भै। मैं उनर पत्रिकाक संरक्षक लै दस हजार दि बेर छीं।

मोह धीरे धीरे खतम हूणौछी। अब भोल सूरज नहीं दिखल, गरम भात नि खै सकून। अखबार नि पढूल। मैंकै लागणों छी सब मेर इति देर बचणक दिख बेर बोर हैं गई। कां आठ घंट में मरणक बात छी मैल द्विदिन खिंच हालीं। जसि प्लेटफार्म में छोड़न गयीं मेहमान तब बोर है जानिं जब गाड़ि खिसकैई नैं। सारि बात है गई, सब हिदायत लै दी हाली आइलै गाड़ि रुकी छू तब जस हैं जां कि के करुं नि करुं उस मेर लिजी लै सबनक हाल हैगई गंगा जल जो इतु



देर रखण बाद अपुड मटमैला पन नहीं छोड़ पाणों छी पेरशान लगणों छी। मैंके हूँण लागी मैं किलै नि मरणई!

तब्बै एक बूढ़ा ऐ बेर मैथें लिपट गो। बूढ़ अपुण लार अपुण पोपल मुंख बटि मेर उपर गिरोंणों छी। ऊक घबराहट ऐस छी जश अब ऊक बारि छू। पलि मैल उकै पहिचाण नैं फिर मेर चोलल मेर कान में कौ, “यो अपुंक दगड़ी जगदीश हैप्पी छन।” ओह यो खबीस फसकी कां बटि ऐगो! फोंस मारण में माहिर! यो मेर कलास—फैलो नानतिनक दिनैक भै। यो उई जगदीष भै जो हमेशा मैथें डबल उधार लिजै बेर कब्बै वापस नि दिनरे भै। उ समझछी मेर पास निमखण डबल छन। खूब फसक मारबेर अपुण खराब हालत बतै बेर खूब यैल मेर डबल खाई, उडैर्इ। उसी यो बात भै गरीबै भै। हालात भल नि भै। पर दिमाग चार खूब भै। भौत ज्ञान और दिमाग कम्प्यूटर जस भै। स्कूल में मास्सैप बोर्ड में हिसाब बाद में लिखछी यो जबाब पलियै बतै दिछ्छी। पर नानतिनै बटि मौक नि मिलौ तो गेंगगिरी लै करी। अरणापट्ट जाण में हयू पड़न में लै काम करि भै। फिर मुम्बई लै भाजौ। सब काल करीं पै गरीबैकै गरीबै रैओ।

उ फसक मारनेर भै कि मुम्बई की फिल्म लाइन मैं खूब रैर्इ। वह मुम्बई गया है। जब उथै अपुं पुछ ला कि गोविंदा के जांणछै उ कुछ टैम तक खूब हांसल फिर कौल, “गोविंदा....!” अरे सबनहै बेर पली उई तो मेर पास बांन्द्रा में आ उ भूखल बिडौज हरौ छी तो मैल उकै पलि खांण खिला फिर डायरेक्टर थै के बेर चांस दी।” उ पास काथ कूणक, फसक मारणक गजब टेलैंट भै। अगर उकै मौक मिलन तो आज कां हुन! उ पास फसक और डबल मांगणक गजबक स्टाइल भै। जब मैं उकै डबल दी छी उ कौल, “डबल तो दिणों छा दाज्यू! पै पैली यो बताओ कि कब वापस करूण छन, तब्बै ल्यूहून।” मैं कुनेर भई, “अरे के बात छू जब लै तेर पास हैजाल तब दिदियै।” पर उ स्टाइलल कूनेर भैं, “नै तसनिहुन पली बताओ तब ल्यूहून।” तब मैं कुनेर भयीं, “ठीक छू द्वी महेण बात दिदियै।” तब उ कौल, “होय पै। अब भै न मर्दन वालि बात। ठीक छू पैलीक डबल चार हजार य है गयीं, एक हजार अबैक। कुल टोटल भै पांच हजार। यो पांच हजार मई म्हैण में तुमर मेज में व्हाल “उक उप नाम तो हैप्पी भै पर भौत दुःखी उ करनेर भै। सार घर वाल उकै देख बेर रीस करनेर भै। फिर उ डबल कब्बै वापस नि हुनेर भै। और अचानक वह वापस आया और अपने साथ वह मुम्बई की फिल्मी दुनिया के किस्से लाया। अपने इस पुराने कलास फोलौ की प्रतिभा के लिए मैं कोई शेर याद करना चाह रहा

था कि एक परम्परागत शेर नकारात्मक रूप में जिसे अक्सर लोग सभाओं में भी कोट करते हैं वह आया। क्या है वह!—सालों नरगिस... कुछ ऐसा ही। मैंने मुश्किल से अपने पुराने कलास फैलो का हाथ अपने कांपते हाथों से पकड़ा।

उ प्रगतिशील मैस लै भै। जब उक सैणि मरी तो और सैणि लोग कूँण लागीं कि यो सौभाग्य शाली भै। तो उल डांठ बेर कौ, “कै हूँ यो सुहागिन! अरे मैस कतु डरपोक भै उ अपुण मरण है बेर पलि अपुण सैणि के मरण देखण चां। कै मजाक छू!”

आज उ मेर हाथ थाम बेर डाड मारणों छी। मैंके लैगो कि एल उ अपुण एकिटग नि करणों, न उक आंसू नकली छन। मैल तब अपुण तकिक भितेर बटि तीन हजार निकाल बेर उक हाथ मैं थमई। मैं अटक बिटकै लिजी तकी भितर डबल सम्भाल दी छी। तीन हजार डबल देख बेर पली तो उ हूँकी गो, फिर तो उल गजबै कर दी। नैनै कैबेर उल डाड़ल, बिडौल कर दी। कूँण लागौ—दाज्यू! दीणोछा ये वजेल लीणई नि ल्यून तो अपुं कै नक लग जाल। मैंके मालूम छी कि आपुं के मालूम भै ये ठगणो पै आपुं ठगणक मज लिन्हेर भै। मैं नि जानणू आपूंक खेल!” उल कोटल अपुण नाक और आंख दोनों पोछ बेर डबलसम्भाल बेर अपुण फटी कोटैकि भितरक खिस में रख लीं। यो कोट मैलई उकै दी छी। नोट सम्भाल बेर उल मुक्त है बेर फिर पूरि आजादील दहाड़ मार मार बेर कौ—दाज्यू! मैंके आप जनम जनमका करजदार छोड़ बेर जाणों छा।।! तुम पैद है जालै दाज्यू मैं पिछण बेर मैं लै उणई। कर्ज तुमर अधिल जनम मैं उतराणे भै। योई विधाताक कानून भै। और....।“ओह! मरण बाद लै ये पिछ नि छोड़ल, मैल सोचि।

मैल उचक बेर देखो कि स्टोर रूमक दरवाज चौधाणपट्ट कर रख्यौ। अन्यार मुणि मुणि हूँण लागौ। ब्वारी भैर सुख्खई लुकुड़ लूणें। और तब्बै एक अधेड़ पड़ौसी मैंके देख बेर कूणों, “अब रत्तैब्याणे की बात गे। यानी अब मरघट नि लै जै सकौ।

अब कोई जिंदगी का सफर ये कैसा सफर.... जिंदगी क्या है बैकग्राउंड गीत नि बाजि रौ। मैंके लागणों माठू माठू मेर यात्रा खतम हुनेर वाल छू। आंख मुजणई। डॉक्टरल मेर आंख में टार्च मारि बेर खोर हिले दी। यो देख बेर सामणी चनू भाजि बेर खूब खुश हैबेर इंतजार करण वाल लोगन थै चहक महक बेर कूणों “न्है गई”



तपौ उजाळु

—डॉ. उमेश चमोला, एस.सी.ई.आर.टी. देहरादून, उत्तराखण्ड

एक ऋषि कु बौण मा आश्रम छौ। तैकि एक नौनि छै। तैंकु नौ सुचित्रा छौ। स्या दिखेण दरशने भी ठिक छै अर पढै लिखै मा भी अव्वल। जब स्या व्यवोण लैके हवे तैंका बुबा ऋशिन सबु मू रैबार पठ्ये दीनि, “जु भी मेरि नौनि तैं शास्त्रार्थ मा हरै दयोलु मी अपणि नौन्यो व्यौ तै सै ही करि दयोलु।”

यीं छ्वीं सूणी देश परदेशा नौना सुचित्रा से शास्त्रार्थ कनौ ऋश्या आश्रम ऐ गिन। कवी भी सुचित्रा अगनै टिक नि सैक्यां। रवि प्रकाश नौ कु एक नौनु भी शास्त्रार्थ मा आइ छौ। सुचित्रा दगड़ि तैकु शास्त्रार्थ भौत लंबु चलि। स्वे छौ जैन सुचित्रा हरै दीनि। ऋशिन सुचित्रौ व्यौ रवि प्रकाश से कर दीनि।

अब सुचित्रा रवि प्रकाश घौर रौण बैठी। रवि प्रकाश विद्वान त छौ पर स्वो लबारचारि भी करदु छौ। व्यौ का बाद भी स्वो कै लबार नौन्यों का धोरा जाणू रैन्दु छौ। एक दौं स्वो भौत लंबा बगता बाद घौर आइ। सुचित्रान तैते येकि वजै पूछि। वह टाल मटोळ कनू रै। कुछ दिन तक स्वो सुचित्रा दगड़ि अपणा घौरे रै। पर बोदन कि कुकरै पुछिड़ि बल बंगि कि बंगी रै। स्वो अजि लबार नौन्यों का धोरा जाण बैठी। एक दिन यन भी आइ जब तैन सुचित्रा गौणा पाता भी तौं नौन्यों तैं दी दीन्यां। सुचित्रान यन कनो ना बोलि। तैन सुचित्रा तैं नटिट सटिट बोलि। द्वी चार दिन्वां बाद तैन सुचित्रा अपणा घौर से भैर करि दीनि। सुचित्रा अपणा बुबा का आश्रम मा चली छै। ऋशिन भी सुचित्रा कु ही दोश मानि। सुचित्रा न अपणा बुबाड आश्रमा धोरा अपणु आश्रम बणै दीनि। स्या तै ही आश्रम मा रौण बैठी।

सुचित्रा से जुदा होणा बाद रवि प्रकाश तैं लगि कि अब कवी मेरु पुछदरु नी छ। तैन लबारा छोर्यों का धोरा औण जाणू बढ़लि छौ। तै मू जतगा माया छै तैन तौं नौन्यों पर लुटेलि छै। तौं नौन्योन रवि प्रकाश मू हौर धन मांगि। रवि प्रकाश मू त अब कुछ बच्यूं के नि छौ। तौन रवि प्रकाश तैं मन्नो अपणा आदिम तैका पिछनै लगै दीन्यां। तौन रवि प्रकाश मारी तैं घैल करी छोड़लि। होश मा औणा बाद पूछदा पुछदि स्वो सुचित्रा आश्रम पौँछी। सुचित्रा न आश्रमै धोरे जड़ी बूटी कूटी तैं लेप बणै दीनि। रवि प्रकाश तै लेप से ठिक हवेगि। तैन सुचित्रा से माफी मांगि।

रवि प्रकाश न सुचित्रै पूजा कनै जगा पर अपणु चित्र देखि। तैन भोंचक हवे बोलि, “तुम्हारि पूजा कन वालि जगा पर कै देवि द्यब्तों कि मूरत नि छ दिखेणी ?

“मीन तुमी द्यब्ता मान्यां। इलै द्यब्तों कि मूरत्यो सवालै नि उठदु।

सुचित्रै यीं छ्वीं सूणी रवि प्रकाश भौत पछताणि। तैन सोचि, “मी कुकाजौं मा ही रम्यू रैयुं। मीन यीं तैं कतगा खैरि दीनि। या नारि कतगा महान छ।” तैन मनै मन मा सोचि कि स्वो सुचित्रै इज्जत परमता वास्ता अपणा ज्यू जान भी दी देलु।” रुमुक का बगत जब स्या योग ध्यान छै कनी त तैन पूजा वालि जगा पर धर्यां अपणा चित्र बटिन उजाळु लौकदु देखि।

“देवी! स्यारा चित्र से उजाळु ?”

“हाँ! स्वामी ! मी कै सालु बटि तुमारा ये ही चित्र तैं अंठ मा धैरी योग मुद्रा मा बैठदु अंयुं। ये चित्र से लौकण वालु उजाळु म्येरा तप कु ही तेज छ।” रवि प्रकाश पूछण पर सुचित्रान बोलि।

मो.07895316807 ●●●

मिथाल

—जोतसिंह नेगी ‘उत्तरांचली’, कुलाई खान्द पौड़ी

1. कामि—काजि आलसी नासी,

बामण कुनि स्वान्दु दासी !

संत—भगत कु हैंसण नासी

चोर थैं नि स्वान्दु खॉसी !

2. डॉडि—कॉठर्यूं म बॉज—बुरांश,

तौं पर बैठयॉं गॉदा हिलांश !

तौंकि बोलि म बडु मिठास

जिकुड़ि मेरि नि रैन्द उदास !

पात पतन्यालि मखमलि धास

ठंडी हव्वा म ठंडी सांस

चैता कु मैना रैन्द खास,

ठंडु पाणि जिन्दगी कि आश

हव्वा—पाणि म देवतों कु बास

बिन हव्वा—पाणि कु सर्वनाश !

पहाड़ि बोलींक व्याकरण : ५. प्रत्यय प्रकरण

—डा० भवानीदत्त काण्डपाल, हल्द्वानी

शब्दाक अन्त में जुड़िबेर वीक अर्थ में बदलाव या विशिष्टता प्रकट करणक लिजी प्रत्ययोंक प्रयोग करी जाँ। प्रत्ययोंक प्रयोग संज्ञा, सर्वनाम, विशेषण, किया आदि सबै शब्दोंक अन्त में हुँ। इनर प्रयोग शब्दै में जुड़िबेर हुँ, अलग स्वतंत्र प्रयोग न मिलन। पहाड़ि बोलीं में अनेक भाषाओं बटी आयाक प्रत्ययोंक साथ—साथ कुछ स्थानीय देशज प्रत्ययोंक लै प्रयोग मिलें। अधिकतर प्रत्यय संस्कृत, पालि, प्राकृत, अपंश, हिन्दी आदि आर्य भाषाओं बटी आयाक छन। पहाड़ि बोलींक मुख्य प्रत्यय इन छन—

१. अ प्रत्यय— संस्कृतक अनेक प्रत्ययोंक स्थान पर अ शेष रों। घञ् प्रत्ययक अ जुड़िबेर बणी शब्द पहाड़ि बोलीं में तत्सम, तदभव सबै रूपों में मिलनी। जसिकः— मेलः—मेल(एकता), रोगः—रोग(बीमारी), जागरः—जागर(दे वगाथा), ज्वरः—जर(बुखार), कासः—खाँसि(खाँसी), आकाशः—अगास (आसमान), अदा॒ः—अदु॒ (आदा॑), गीतकारः—गिदार(गायक) आदि।

अच् प्रत्ययक अ जुड़िबेर बणी शब्दोंक प्रयोग लै पहाड़ि बोलीं में मिलें। जसिकः— गोष्ठः—गोठ(गोशाला), अक्षरः—आँखर(अक्षर), कीटः—किड़(कीड़), घटः—घड़(घड़ा), घोटः—घोड़ (घोड़ा), पिण्डः—पिण(पिण्ड), दण्डः—डंड(डंडा) आदि।

अण तद्वित प्रत्ययक अ जुड़िबेर बणी शब्दोंक लै पहाड़ि बोलीं में प्रयोग मिलनी। जसिकः— औषधाँ—आ॑ खाद (दवा), धाँम्रः—धर्वाँर (कालिखा), भाद्रः—भद्रौ(भाद्रौ माह), यौवनं—जोभन (जवानी), श्राद्धं—सराद(पितृ—तर्पण), तैलं—तेल(तेल) आदि।

२. अन प्रत्यय— ल्युट् संस्कृत प्रत्ययकि जाग अन है जाँ। ल्युट् प्रत्ययक अन जुड़िबेर बणी अनेक शब्द पहाड़ि बोलीं में प्रयुक्त मिलनी। जसिकः— गणनं—गणन(गिनना), हिण्डनं—हिटण(चलना), हसनं— हॅसण(हँसना), खननं—खणन(खोदना), चशण—चाखण(चखना), चर्वणं—चबूण(चबाना), गलनं—गवण(गलना), दंशनं—डासण(डसना), पालनं—पावण(पालना), उद्घाटनं—उघाडन(खोलना), चालनं—चलूण(चलाना), कण्डूयनं—कण्यून(खुजलाना), तोडनं—टोडन (तोड़ना) आदि।

३. त प्रत्यय— भूतकालकि क्रियाक बोध करूणा लिजी संस्कृत में क्त प्रत्ययक त जुँ। पहाड़ि बोलीं में भूत कालक

बोध करूणा लिजी त प्रत्ययकि जाग औ प्रत्ययक प्रयोग मिलें। जसिक— दृष्टः—दे खाँ(दे खा), हिण्डतः—हिटौ(चला), कृतः—करौ(किया), जितः—जितौ(जीता), पिष्टः—पिसौ(पीसा), पृष्टः—पृष्टौ(पूछा) आदि।

पहाड़ि बोलीं में बिती घटनाओं कैं याद करणा लिजी त प्रत्ययक स्थान पर यक प्रत्यय प्रयुक्त हुँ। जसिकः—भुक्तः—भुग्त्यक(भोगा हुआ), चष्टः—चाख्यक(चखा हुआ), हिण्डितः—हिट्यक (चला हुआ), खेलितः खेल्यक(खेला हुआ) आदि।

भूत कालक त प्रत्यय जोड़िबेर पहाड़ि बोलीं में कुछ संज्ञा शब्दोंकि लै रचना करी जाँ। जसिक— लग्नं—लगन(मुहूर्त), ऋणं—रीण(कर्ज), धृतं—ध्युँ (धी), दुग्धं—दूद(दूध), खातं—खात(देर) आदि।

४. ति प्रत्यय— वितन् संस्कृत प्रत्ययक ति जुड़िबेर पहाड़ि बोली में अनेक तत्सम और तदभव शब्दोंक प्रयोग हुँ। जसिकः—कुमति—कुमति(कुबुद्धि), सुमति—सुमति(सुबुद्धि), विमति—विमति(दुबुद्धि), कुगति—कुगत(दुर्गति), युक्तिः—जुगुत(व्यवस्था), दृष्टिः—डीठ(नजर), यष्टिः—जाँठ(लाठी), रीतिः—रीत(परिपाठी) आदि।

५. स्त्री वाचक प्रत्यय— पुरुष वाचक शब्दों कैं स्त्रीवाचक बणूना लिजी संस्कृतक टाप् प्रत्ययक आ अक्षर शब्दाक अन्त में न जुड़िबेर शुरू में जुड़ि जाँ। जसिकः— लज्जा—लाज(शर्म), कथा—काथ(कहानी), खट्वा—खाट(पलंग), दशा—दास(दशा), जटा—जाट(जटाएँ), दूर्वा—दुब(दूब) आदि।

संस्कृतक डीप् प्रत्ययक ई कि जाग पहाड़ि बोलीं में इ जुँ। जसिकः— देवी—देवि(देवी), पार्वती—पार्वति(पार्वती) राज्ञी—राणि(रानी), पुटी—पुड़ि(पुड़िया), कुटी—कुड़ि (मकान), क्षुरी—छुरि(छुरा), घटी—घड़ि(घड़ी) धरित्री—धर्ति(भूमि) आदि।

इन प्रत्ययोंक अलावा अनेक स्थानीय प्रत्यय लै पहाड़ि बोलीं में प्रयुक्त हुणी। जसिक—

६. बेर प्रत्यय— एक काम पुर हुण पर दुसर काम शुरू करणक लिजी पहाड़ि बोलीं में बेर स्थानीय प्रत्यय जुँ। जसिकः—हिण्ड—हिटिबेर(चलकर), हन—हाणिबेर(पीटकर), चुर—चोरिबेर (चोरकर), तुल—तोलिबेर(तोलकर), या—जैबेर(जाकर), पिब—पीबेर(पीकर), कथ—कैबेर(कहकर) आदि।

७. णेर प्रत्यय— काम करणेरक बोध करूणा लिजी पहाड़ि बोलीं में णेर प्रत्यय जुँ। णेर लै देशज प्रत्यय छ। जसिकः—कृ—करणेर(करने वाला), भृ—भरणेर(भरने वाला), धृ—धरणेर



(रखने वाला), हृ-हरणेर (हरने वाला), हस-हँसणेर (हँसने वाला)। णकारान्त आदि क्रियाओंक दगड़ेर प्रत्ययक ण कि जाग न है जाँ। जसिक— श्रु-सुणनेर (सुनने वाला), मन-माणनेर (मानने वाला), पठ-पढ़नेर(पढ़ने वाला) आदि।

8. ऐ प्रत्यय— निरन्तरता बतूणा लिजी क्रियाक द्विबारी प्रयोग करण बखत बादै क्रिया में ऐ प्रत्यय जोड़ी जाँ। जसिक—**करण-करणौ**(करते-करते), **खाण-खाणौ**(खाते-खाते), **हँसण-हँसणौ**(हँसते-हँसते), **हिटण-हिटणौ**(चलते-चलते), **बुलाण-बुलाणौ**(बोलते-बोलते), **रुण-रुणौ**(रोते-रोते) आदि।

9. ओं प्रत्यय— हिन्दीक वाँ प्रत्ययक जाँग पहाड़ि बोली में ओं प्रत्यय जुड़ें। जसिकः— सप्तमः— सतों(सातवाँ), अष्टमः— अठों(आठवाँ), नवमः— नवों(नवाँ), दशमः— दसों(दसवाँ) आदि।

10. ई प्रत्यय— विशेषणोंक संज्ञा शब्द बणूनाक लिजी पहाड़ि बोलीं में ई प्रत्यय जोड़ी जाँ। जसिकः— भौल— भलाई, बुर-बुराई, महँग— महँगाई, साँच-सच्चाई आदि।

ययी प्रकाराक अनेक स्थानीय प्रत्ययोंक प्रयोग पहाड़ि बोलीं में मिलनी। इनर परिचयक लिजी एक—एक उदाहरण दिनयाँ। जसिकः—**मिठ+आस=मिठास**, पागल+पन=पागलपन, लू+आर=ल्वार, टिक+आऊ=टिकाऊ, पुज+आरि=पुजारि, **मिला+वट=मिलावट**, धुम+अक्कड़ =धुमककड़, झगड़+आलू=झगड़ालू, बिगड़ी+ऐल=बिगड़ैल, पंच+ऐत=पंचैत, शराब+इ=शराबि, रड+इल= रडिल आदि। यसीकें हजारों स्थानीय प्रत्ययोंक प्रयोग अलग—अलग पहाड़ि बोलीं में अलग—अलग प्रकारलि करी जाँ। टाइपिस्ट और प्रकाशकाक हिन्दी फौट में अन्तर हुणक कारण लेख में श और श अर्ध वर्णोंक गलत प्रयोग होलत क्षमा करिया।

•••

समाचार

नई शिक्षा नीति के मंजूरी

हमरि केन्द्र सरकारल 34 साल बाद मानव संसाधन विकास मंत्रालयक नौं फिर शिक्षा मंत्रालय करते हुए नई शिक्षा नीतिकि मंजूरी दी हाली। यै नई शिक्षा नीतिकि अनुसार पचू दर्ज तककि पढ़ाई मातृभाशा या क्षेत्रीय भाषा में होलि। आब शिक्षा पर जीडीपी का छै प्रतिशत खर्च करणक लक्ष्य छु। पैल बार सरकारि और प्राइवेट इस्कूलों लिजी एकै नियम बणाई गो। यैल प्राइवेट इस्कूलों कि मनमानी फीस पर लगाम लागलि। मिड डे मील दगड़ नाशता लै मिल और इस्कूली नानतिनौकि मेडिकल जॉचै व्यवस्था लै होलि। नई शिक्षा नीति पर आपणि प्रतिक्रिया देते हुए प्रधानमंत्री मोदी ज्यूल कौं कि शिक्षा नीति समानता, गुणवत्ता और जवाबदेही क खामन में ठाड़ि छु। यैल देश में शिक्षा व्यवस्था में बेहद बदलावआल और बहुमुखी प्रतियाक धनी छात्र तैयार हवाल।

राफैल ऐ गई

देश कैं रक्षा कवच मिल गो। फ्रांस बटि संसारक श्रेष्ठ व आधुनिक तकनीक वाल पॉच राफैल युद्धक जेट विमान भारत ऐ गई। यै विमान में इतुक खूबी छन जो ऐल तक दुणियांक कै लै देशकि टेकनीक में आई तक छई न्हां। आई त 31 विमान और ऊँणी छन। भारतकि यो बढ़ती शक्ति कैं देखि बेर दुश्मणनाक कल्ज कॉमण लाग रई।

अयोध्या मंदिरक भूमि पूजन सम्पन्न

अयोध्या, माया (हरिद्वार), मथुरा, काशी, कॉची, अवन्तिका, द्वारिकापुरी मोक्ष दिणी यो सात पवित्र पुरियों में एक श्री राम कि नगरी अयोध्या में 'राजकाजु कीन्हें बिनु मोहि कहौं विश्राम' कूणी प्रधानमंत्री मोदी ज्यूल हनुमान गढ़ी में भगवान श्री हनुमान ज्यूकि आज्ञा ल्हीबेर वैदिक मंत्रोच्चारणा साथ करोड़ों लोगोंक स्वैणों कैं साकार करतें हुए 5 जुलाई 2020 हुँ त्रिलोकेश्वर भगवान श्री राम ज्यूक भव्य दिव्य एवं अद्भुत मंदिरक निर्माणक वास्ते रामजन्म भूमिक गर्भ गृह में नौ शिला पूजन व भूमि पूजन करौ। अभिजित मुहूर्त छी उ बखत। वॉ उनुल पारिजात एक पेड़ लै लगा। यै अवसर पर उनुल उपस्थित लोगों कैं संबोधित करौ। 'सबका साथ सबका विकाश' पर जोर दें। उ0प्र0 राज्यपाल आनंदीबेन पटेल, मुख्यमंत्री, मोहन राव भागवत, नृत्य गोपाल दास व सबै धर्मनाक धर्मगुरु यै मौक पर उपस्थित छी।

‘जय बोल्लज्यू’

अविचल प्रकाशन की ओर से

॥ स्वतंत्रता दिवस की हार्दिक शुभकामनाएँ ॥

ब्रह्म पूर्णतः उत्तराखण्ड की वाणिजियक राजधानी
हल्द्वानी (नैनीताल) से संचालित।

हमारा उद्देश्य रचनाकारों की सुविधानुसार कम—से—कम लागत में उनकी पुस्तकों का प्रकाशन कर पाठकों तक पहुँचाना और साहित्य क्षेत्र में स्थापित करना है।

निदेशक: डॉ. गजेन्द्र सिंह ‘बटोही’ (अवै.)

सचिव: डॉ. अखिल चिलवाल (अवै.)

मो. 9412714210/8279460590



अविचल प्रकाशन

“सावित्री” 15—वृन्दा विहार, निकट अमृत आश्रम, काठगोदाम बायपास
पो. कुसुमखेड़ा, ऊँचापुल, हल्द्वानी—263139 (नैनीताल) उत्तराखण्ड,
E-mail: avichalprakashan@gmail.com/drgsbatohi@gmail.com

For Data Analysis & Ph.D. Thesis Work
Contact Dr. Akhil Chilwal (Statistics), Mo. 9411883705

पैलि रचना:

उजेई किड़

उजेई किड़
दुनियाँधी मनख्योव
य धरति में
पर यां मनख्योव उक्कै
आजि तांलै नि मीलि ।
तब बटी
जगूनै में रै गो
झवू झवू कनै
सलाइ की तीलि ॥

दुसरि रचना:

कुरसी

यो कुरसी बड़ी बेगानी छू
नेता ज्यूल यो ठानी छू ।
आब कुरसी कभै नि छोडू
य तो राजनीति कि निशानी छू ।

तिसरि रचना:

इसी कै मारि भजै घूंल तुकै

कोरोना रे कोरोना
को छै तू
कांबै आ छै तू
तस रिसैल
तस बिखैल
सारि दुनी
हलकै है त्वैल
सारि दुनी
करि है घैल
कुछ तो रहम कर रे
आब तो तू मर रे
य दुनियै कि हाइ जालि कां रे
इतराई बाग गोइ खां रे
इतरै के रै छै तदुक तू
देख वैकसीन बणण दे
तब खालै हमार हाताक बुदुक तू
नि इतरा तदुक तू
पैली पैली त्यार ठगण में ऐ ग्याय
तबै सबै धाक खै ग्याय

आब तो सबै चिताव है गई
तू है जादे छाव है गई
होसल रयै मारि भजै घूंल
हम त्यार भुताड़ नचौ घूंल
सोशल डिस्टेंस अपनै रौ हमूल
घर में रौण
मुख पारि माव
हात धूणक नियम बणै रौ हमूल
आब तू के नि करि सकलै हमू कैं
हम इसी कै मारि भजै घूंल तुकै ॥

—रतनसिंह किरमोलिया
अणां—गरुड़ (बागेश्वर) ।



बादल भिना

—दामोदर जोशी 'देवांशु', पूर्व प्रधानाचार्य

बादव भिना बादव भिन
 जथकै जॉछा उथकै तिन
 तक धिना तक धिना धिन
 भाजि गई आब रुढ़िक दिन
 जथ देखौ उथ गाड़े गाड़े
 बाटि घाटिन में खाड़े खाड़े
 च्चींण भैगो य कुड़िक खन
 बादव भिना बादव भिन ॥
 जब लागड़ज्ज हो तुम धार
 धाम दिदि तब ऐंछ वार
 रडी जॉछा तुम रत्तै ब्याल
 मनम फुटनी कतु ख्याल
 बरसि बरसि मरि जॉछा
 धर्ति कै पाणिल भरि जॉछा
 हुणि खाणिक तु छै चिन
 बादव भिना बादव भिन ॥
 सार अगास कत्थप छोपीं
 सूर्ज अगासै खाव में चोपीं
 कौतिकै कौतिक त्यारै त्यार
 छाजि जॉछौदेविक दरबार
 धर्ति दगाड़ करछा प्यार
 हंसण भैजैं सारी सार
 झड़ पाड़छा दिंछा कच्चार
 पाणिक मालिक तुम होशियार
 दिया न कभै परलया दिन
 बादव भिना बादव भिन ॥

प्रेषक - सम्पादक 'कुमगढ़'

प0 खेड़ा (काठगोदाम) नैनीताल-263 126, मो-9719247882

प्रतिष्ठा में,

डाक पंजीकरण संस्क्रया य००७० नैनीताल-275/2018-2020